

ივანე  
ჯავახიშვილის  
სახელობის  
თბილისის  
სახელმწიფო  
უნივერსიტეტის  
გაზეთი  
გამოდის  
1927 წლიდან



დაკვეთა ზემოდან  
და პასიურობა  
ძვემოდან  
„გავუფრთხილდით  
ერთმანეთის  
კულტურას!“



ახალი იხილ

# უნივერსიტეტი

22 ოქტომბერი, ორშაბათი, 2007 წ. №18 (2063)

ფასი 30 თეთრი



სტუდენტური Press

გვ. 7-10 გვ.

უნივერსიტეტის  
პირველი და მეორე  
კორპუსები არ  
იყიდება!

გვ. 2 გვერდზე

თსუ-ში  
სტუდენტებს  
დასაპარკი  
ლექტორები არ  
ჰყავთ

გვ. 3 გვერდზე

ინტერვიუ  
ადმინისტრაციის  
ხელმძღვანელთან  
გულნაზ  
ბაღდავასთან

გვ. 5 გვერდზე

გალტამპარატურული  
ზიზიგარობის  
საიდუმლო  
ჯერ კიდევ არ  
ამოხსნილა

გვ. 12 გვერდზე

ახალი  
ინტერპრეტაციები  
არგონავტებზე

გვ. 13 გვერდზე

სახელმწიფო არის  
დროებითი  
რეალობის  
ავტონომია



გვ. 14 გვერდზე

## სტუდენტთა გულწრფელი ინტერესები ვაზის ფოთლებში მოელვარე პოლიტიკური ფიქრების წინააღმდეგ

რატომ გააქილიკეს სტუდენტური რთველი კახეთში? — ჩვენ არ ვაპირებთ მთავარი მიზეზის ძიებას ამ კუთხით. არც იმას ვამტკიცებთ, რომ გლახმა კახეთში ყურძენი ვინმეს დაკვეთით გაჩეხა. თუმცა რა გასაკვირია, ამ ფაქტის გამო სტუდენტები კიდევ უფრო დაინტერესებულნიყვნენ, კახელ გლახებს დახმარებოდნენ და, ამავე დროს, რთველით თავიც გაემხიარულებინათ. ნუთუ ასე იოლია იმ სტუდენტების „კოლექტივიზაციის პროგრამაში“ ჩართვა, რომლებიც გზად მიმავალნი „ჩაკრულოს“ მღერიან. **გვ. 8 გვერდზე**

## რა მანძილია IPAP-იდან NATO-მდე

NATO-ს გენერალური მდივნის იაპ დე ჰოოპ სხეფერის ვიზიტი უნივერსიტეტში

მაია ტორაძე

4 ოქტომბერს საქართველოს სამუშაო ვიზიტით ეწვია NATO-ს გენერალური მდივანი იაპ დე ჰოოპ სხეფერი. ვიზიტის ერთერთი მნიშვნელოვანი მოვლენა იყო მისი სტუმრობა ივანე ჯავახიშვილის სახელობის თბილისის სახელმწიფო უნივერსიტეტში, სადაც საჯარო ლექციის შემდეგ სტუდენტებსა და მაღალი რანგის სტუმარს შორის საინტერესო დიალოგი შედგა. ვიზიტის მნიშვნელობაზე განცხადებები ჯერ კიდევ წინა დღეებში გაკეთდა. საქართველოს სახელმწიფო მინისტრმა ევროატლანტიკურ სტრუქტურებში ინტეგრაციის საკითხებში გიორგი ბარამიძემ ვიზიტს ისტორიული უწოდა და განაცხადა, რომ საქართველომ NATO-ს ორი

მნიშვნელოვანი დოკუმენტით, IPAP-ით და ინტენსიური დიალოგის ფორმატით ნაკისრი ვალდებულება შეასრულა, ახლა მთავარია, რას გადაწყვეტს ჩრდილო-ატლანტიკური ალიანსის 26 წევრი ქვეყანა. იაპ დე ჰოოპ სხეფერმა თავის გამოსვლაში ისაუბრა NATO-ს ღია კარის პოლიტიკაზე და განაცხადა, რომ ალიანსის გაფართოების პროცესი შეუქცევადია და მას ხელს ვერავინ შეუშლის. მთავარია, საქართველომ შეასრულოს NATO-ს წინაშე ნაკისრი ვალდებულებები, რომელიც შეეხება ქვეყნის დემოკრატიული რეფორმების პროცესს, სასამართლო რეფორმის წარმატებით დასრულებას, სამართლიანი და ობიექტური არჩევნების ჩატარებას და სხვა ვალდებულებით ნაკისრი პროგრამების განხორ-

ციელებას. დასმულ შეკითხვებში სტუდენტები კონკრეტულნი იყვნენ. ისინი დაინტერესდნენ, როდის გადავაქვეყნა IPAP-დან NATO-ში განწევრიანების სამოქმედო გეგმაზე (MAP), შეუშლის თუ არა ქვეყანას ხელს კონფლიქტური რეგიონების არსებობა, რა გავლენას მოახდენს ალიანსის წევრი ქვეყნების გადაწყვეტილებაზე რუსეთის ფაქტორი. ბატონ იაპ დე ჰოოპ სხეფერს ამ კითხვებზე კონკრეტული პასუხები არ გაუცია, მაგრამ ხაზგასმით აღნიშნა, რომ საქართველოში მისი ორი წლის წინანდელი ვიზიტის შემდეგაც კი ცხადად ჩანს ქვეყანაში მიმდინარე რეფორმების შედეგები. მისი თქმით, NATO-ში განწევრიანების პროცესის შემდეგ ეტაპზე გადასვლა მხოლოდ საქართველოს დემო-

კრატიული ტარნსფორმირების ტემპზე იქნება დამოკიდებული. უნივერსიტეტის რექტორმა, პროფესორმა გიორგი ხუბუამ ჩრდილო-ატლანტიკური ალიანსის გენერალური მდივნის სტუმრობა უმნიშვნელოვანეს მოვლენად შეაფასა. „სტუდენტებს უნდათ უსაფრთხო გარემოში სწავლა და ამის გარანტი არის NATO“, — განაცხადა მან. ასეთი მაღალი რანგის ვიზიტ შემდეგ, ბუნებრივია, საინტერესო როგორ შეფასებას აძლევენ ხ. პოლიტიკური ექსპერტები. ამასთან დაკავშირებით ინტერვიუ ვთხოვეთ სტრატეგიულ გამოკვლევათა ცენტრის დირექტორს ირაკლი მენაღარიშვილს. **გვ. 7 გვერდზე**

### რეკტორის ბრძანება

№88/01-01

03.10.2007

**ივანე ჯავახიშვილის სახელობის თბილისის სახელმწიფო უნივერსიტეტის ბაკალავრიატისა და მაგისტრატურის სასწავლო პროგრამის სემესტრული დატვირთვის განსაზღვრის შესახებ**

უმაღლესი განათლების შესახებ საქართველოს კანონის 22-ე მუხლის შესაბამისად

#### ვბრძანებ:

1. ბაკალავრიატისა და მაგისტრატურის სასწავლო პროგრამის სემესტრული დატვირთვა განისაზღვროს 30 კრედიტის ოდენობით.
2. სტუდენტს უფლება ეძლევა დამატებით აირჩიოს საგანი არაუმეტეს 34 კრედიტის ფარგლებში, თუ მის მიერ შერჩეული საგნების კრედიტთა ჯამი 30 კრედიტზე ნაკლებია.
3. ბაკალავრიატის მე-8 სემესტრში სტუდენტს უფლება ეძლევა 240 კრედიტის შესასრულებლად აირჩიოს საგნები არაუმეტეს 40 კრედიტისა.
4. ბრძანების შესრულების უზრუნველყოფა დაევალოს სასწავლო დეპარტამენტს (მ. სვანაძე).
5. დაევალოს საერთო განყოფილებას (ნ. ოსიანიკოვა) უზრუნველყოს ამ ბრძანების გადაცემა უნივერსიტეტის ფაკულტეტებისა და სტრუქტურული ერთეულებისათვის. ბრძანება საჯარო გაცნობისათვის გამოქვეყნდეს გაზეთ „თბილისის უნივერსიტეტი“ში, უნივერსიტეტის ვებგვერდზე და განთავსდეს ყველასთვის ხელმისაწვდომ ადგილზე.

რექტორი,  
პროფესორი გ. ხუბუა

## რატომ 34 და არა, მაგალითად, 35 კრედიტი

რექტორის ბრძანების ახსნა-განმარტება სტუდენტებისთვის

3 ოქტომბერს გამოიცა თბილისის სახელმწიფო უნივერსიტეტის რექტორის, პროფესორ გიორგი ხუბუას ბრძანება ბაკალავრიატისა და მაგისტრატურის სასწავლო პროგრამის სემესტრული დატვირთვის განსაზღვრის შესახებ.



პაატა ტურავა:

— აქამდე სტუდენტები სულ ჩიოდნენ, რომ ირჩევენ საგნებს და ზოგჯერ გამოსდებიან სემესტრში არა 30, არამედ 28 — 29 კრედიტი, რის გამოც ვერ ასრულებდნენ სწავლას 8 სემესტრში. ამიტომ დავუშე 34 კრედიტის შესაძლებლობა. ამით ზღვარი დავანესეთ, რომ არ მოხდეს სასწავლო პროგრამით გათვალისწინებული 8 სემესტრის ადრე დასრულება.

ბრძანებაში მითითებულია, რომ ბაკალავრიატისა და მაგისტრატურის სასწავლო პროგრამის სემესტრული დატვირთვა განისაზღვრა 30 კრედიტის ოდენობით. ამავე ბრძანებით, სტუდენტს უფლება მიეცა დამატებით აირჩიოს საგანი არა უმეტეს 34 კრედიტის ფარგლებში, თუ მის მიერ შერჩეული საგნების კრედიტთა ჯამი 30 კრედიტზე ნაკლებია, ხოლო ბაკალავრიატის მე-8 სემესტრში სტუდენტს უფლება ეძლევა 240 კრედიტის შესასრულებლად აირჩიოს საგნები არაუმეტეს 40 კრედიტისა.

აღნიშნული ბრძანება, უნივერსიტეტის სტუდენტებისა და პროფესორთა აზრით, საქაროებს განმარტებებს — რატომ განისაზღვრა 34 და არა, მაგალითად, 35 კრედიტი. თბილისის სახელმწიფო უნივერსიტეტის სასწავლო პროცესების მართვის განყოფილების უფროსის პაატა ტურავას თქმით, იმის გამო, რომ სწავლის ხანგრძლივობა 8 სემესტრია და სტუდენტს, დროის ამ ხანგრძლივობაზე გათვლით, ზოგჯერ 240 კრედიტის დაგროვების პრობლემა ექმნება, ბრძანებაში შევიდა პუნქტი, რომლის მიხედვითაც მათ კრედიტის დამრგვალების საშუალება მიეცათ.

### სტუდენტს შეუძლია 40-მდე გაზარდოს კრედიტების რაოდენობა დაამატებულ მე-8 სემესტრში

რაც შეეხება ბრძანების შემდეგ პუნქტს, რომლის მიხედვითაც მე-8 სემესტრში სტუდენტს უფლება მიეცა 240 კრედიტის შესასრულებლად აირჩიოს საგნები, არაუმეტეს 40 კრედიტისა, პაატა ტურავას განცხადებით, ესეც სტუდენტთა ინტერესების გათვალისწინებით ჩაინერგა და განპირობებულია იმ თავისებურებით, რომ ძველი სისტემიდან ახალზე გადასვლა მოხდა. უნივერსიტეტს ჰყავდა დაუსრულებელი და ერთსაფეხურიანი სწავლების სტუდენტები. მათთვის კრედიტების დაგროვება სხვა სისტემით იყო გათვალისწინებული. აქედან გამომდინარე, შეიძლება დააკლდეთ რამდენიმე კრედიტი, რის გამოც მათ აღარ დასჭირდებოდა დამატებითი სემესტრის გავლა. ამიტომ გარდამავალი პერიოდისთვის დაშვებულია გამოინაკლის, რომლის მიხედვითაც სტუდენტს შეუძლია 40-მდე გაზარდოს კრედიტების რაოდენობა, ოღონდ მხოლოდ დამატებით 8 სემესტრში.

პაატა ტურავა: — ჩემი აზრით, ძალიან სამართლიანია, რომ 40-მდე ვზრდით სტუდენტების შესაძლებლობას ბოლო სემესტრში და არ ვთხოვთ, 5 ან 10 კრედიტის დაკლებას შემთხვევაში დამატებით გაიაროს ერთი სემესტრი. თუმცა ეს არის გამოწვევის გარდაუვალი პერიოდისთვის. სხვა შემთხვევაში შენარჩუნებულია 30 კრედიტი.

## ახალი კადრი

### სოციალურ და პოლიტიკურ მეცნიერებათა ფაკულტეტს ახალი დეკანის მოვალეობის შემსრულებელი — ნოდარ ბელქანიას ჰყავს

თსუ-ის სოციალურ და პოლიტიკურ მეცნიერებათა ფაკულტეტს ახალი დეკანის მოვალეობის შემსრულებელი ჰყავს. 17 ოქტომბერს უნივერსიტეტის რექტორმა აღნიშნულ თანამდებობაზე ამავე ფაკულტეტის ფსიქოლოგიის მიმართულების ასოცირებული პროფესორი ნოდარ ბელქანიას წარადგინა, თუმცა მისი დანიშნვის თაობაზე ოფიციალური ბრძანე-

ბა ჯერ არ დაწერილა. უნივერსიტეტის ხელმძღვანელობამ ნოდარ ბელქანიას დეკანის მოვალეობის შემსრულებლად დანიშნვას შემდეგ გადაწყვიტა, რაც იოსებ სალუქვაძემ თანამდებობიდან წასვლის თაობაზე განცხადება დაწერა. იგი სოციალურ და პოლიტიკურ მეცნიერებათა ფაკულტეტის დეკანის მოვალეობას წელიწადნახევრის

განმავლობაში ასრულებდა. სოციალურ და პოლიტიკურ მეცნიერებათა ფაკულტეტის შემადგენლობაში შედის 6 სასწავლო-სამეცნიერო მიმართულება: სოციალურ-ეკონომიკური და პოლიტიკური გეოგრაფიის; პოლიტიკის მეცნიერებათა; საერთაშორისო ურთიერთობების; ყურნალისტიკის; ფსიქოლოგიის; სოციოლოგიის.

## უნივერსიტეტის პირველი და მეორე კორპუსები არ იყიდება!

ამ ინფორმაციას პირიქით ნუ გავავრცელებთ



### მაია ტორაძე

ივანე ჯავახიშვილის სახელობის თბილისის სახელმწიფო უნივერსიტეტის თემა ყველა დროში აქტუალური იყო როგორც განათლების მესვეურთათვის, ასევე პოლიტიკური პარტიებისთვის, რომელთაც ამ თემით მანიპულირება საარჩევნო ქულების ჩანერგის საუკეთესო საშუალებად მიაჩნიათ. ამჯერად უნივერსიტეტი კიდევ ერთხელ მოექცა მათი „მალალი ყურადღების“ ქვეშ.

გავრცელებულმა ცნობამ, თბილისის სახელმწიფო უნივერსიტეტის ექვსი კორპუსის ინვესტორისთვის გადაცემის თაობაზე, საზოგადოებაში აზრთა სხვადასხვაობა გამოიწვია, ხოლო პოლიტიკურ პარტიათა ნაწილმა „მეორედ მოსვლის“ ასოციაცია შექმნა. „იყიდება უნივერსიტეტი“, ამ ლოზუნგით ტელევიზიითა და პრესით არა ერთი ნაცნობი პოლიტიკოსის „შეშფოთებული“ სახე ვიხილეთ, თუმცა არსად მოგვისმენია ლოგიკური დასაბუთება — რით არის ვაკეში არსებული რამოდენიმე ამორტიზირებული შენობის ინვესტირებისთვის გადაცემა ცუდი, თუკი სანაცვლოდ უნივერსიტეტი მიიღებს თანამედროვე, უახლესი ტექნიკითა და ლაბორატორიებით აღჭურვილ კამპუსს, რომელიც თბილისის სახელმწიფო უნივერსიტეტს ევროპული საგანმანათლებლო სივრცის სრულყოფილი ნეკრად აქცევს? სხვათა შორის, ერთერთი გაზეთისთვის მი-

ცემულ ინტერვიუში, უნივერსიტეტის პროფესორი, რომელსაც ვინაობის გამხელა არ უსურვებია, უნივერსიტეტის კორპუსების ხელშეუხებლობის ერთერთ არგუმენტად შენობების ვაკის ტერიტორიაზე არსებობას ასახელებს მხოლოდ ერთი მოტივით, იარონ და ისწავლონ ვაკეში(!) მათმა შენობებმა.

შესიმისტებისთვის დამამხივებელი არ აღმოჩნდა ის გარემოება, რომ სწორედ ვაკეში მდებარე პირველი და მეორე ისტორიული კორპუსები უნივერსიტეტის მფლობელობაში რჩება. ამასთან საუნივერსიტეტო ქალაქის აშენებამდე ძველ კორპუსებში ჩვეულებრივ გაგრძელება სასწავლო პროცესი.

განსხვავებით ოპონენტთაგან, ამნაბიჯის გადადგმის აუცილებლობას მყარი არგუმენტებით ასაბუთებს თბილისის სახელმწიფო უნივერსიტეტის ადმინისტრაცია და რექტორი. მეტიც, უნივერსიტეტის რექტორი, პროფესორი გიორგი ხუბუა აცხადებს, რომ უნივერსიტეტის არც ერთი შენობა არ იყიდება:

— მოხარულნი ვართ, რომ ქართულ უნივერსიტეტს აქვს ასეთი კარგი პერსპექტივა — მაღალი კორპუსის მიმდებარე ტერიტორიაზე იგეგმება ახალი, თანამედროვე საუნივერსიტეტო ქალაქის მშენებლობა. მასში განთავსდება არა მარტო ულტრათანამედროვე სასწავლო ლაბორატორიები, სასწავლო კაბინეტები და აუდიტორიები, არამედ სტუდენტური ცხ-

ოვრებისთვის აუცილებელი ყველა კომპონენტი — იქნება ეს სპორტული, კულტურული თუ სხვა ღონისძიებებისთვის აუცილებელი ნაგებობები. შეიძლება ეს ვილაც-ვენოცებს არ მონონთ, მაგრამ უნივერსიტეტის სტუდენტებსა და პროფესორებს ახალი ინიციატივა ნამდვილად ახარებთ. მნიშვნელოვანია ისიც, რომ ჩვენს სტუდენტებს საუნივერსიტეტო ქალაქი შესაძლებლობას მისცემს, რომ იცხოვრონ სრულფასოვანი სტუდენტური ცხოვრებით, ჰქონდეთ სწავლის და დასვენების თანამედროვე პირობები.

საუნივერსიტეტო ქალაქის აშენებამდე უნივერსიტეტის ყველა კორპუსი სწავლა გაგრძელება იგივე რეჟიმით, როგორც ახლა მიმდინარეობს. ამ დრომდე, არც ერთი აუდიტორია არ დაიკლდა. რაც შეეხება პირველ და მეორე კორპუსებს, არა ერთხელ გვითქვამს და კვლავ აუდიტორია და რექტორი. მეტიც, უნივერსიტეტის ისტორია. რაც არ უნდა უღირსი იყოს უნივერსიტეტის ისტორიისათვის მნიშვნელოვანი პირველი და მეორე კორპუსი აქ დარჩება და მეტიც, მისი გარემონტება, სავარაუდოდ, მომავალი წლისთვის იგეგმება. მომავალ წელს, მოგეხსენებათ, ჩვენ ვხეივობთ უნივერსიტეტის 90 წლის იუბილეს და სახელმწიფოს მხრიდან ფინანსური მხარდაჭერის დიდი იმედი გვაქვს.

## გამოცდა

### დაფინანსდება მამისტრანტთა ის 10%, ვინც სპეციალობაში მაღალი ნიშანი მიიღო

2007-2008 სასწავლო წლისთვის თსუ-ში დასრულდა მაგისტრატურაში მისაღები კონკურსი.

კონკურსში მონაწილეობის მსურველთა საერთო რაოდენობა 1 011 იყო. მათგან ზუსტ და საბუნებისმეტყველო მეცნიერებათა ფაკულტეტის მაგისტრატურაში აბარებდა 159, ჰუმანიტარულ ფაკულტეტზე — 161, სოციალურ და პოლიტიკურ მეცნიერებათა ფაკულტეტზე — 153, ბიზნესისა და ეკონომიკის ფაკულტეტზე — 205, იურიდიულზე — 287, მედიცინის ფაკულტეტზე — 5, ევროპამცოდნეობაზე — 39.

მისაღები გამოცდები წარმატებით გადალახა 338-მა კონკურსანტმა. მათგან: ზუსტ და საბუნებისმეტყველო მეცნიერებათა ფაკულტეტზე — 56-მა; ჰუმანიტარულ ფაკულტეტზე — 68-მა; სოციალურ და პოლიტიკურ მეცნიერებათა ფაკულტეტზე — 71-მა; ბიზნესისა და ეკონომიკის ფაკულტეტზე — 41-მა; იურიდიულზე — 76-მა; მედიცინის ფაკულტეტზე — 4-მა; ევროპამცოდნეობაზე — 22-მა.

რაც შეეხება მაგისტრანტთა დაფინ-

ანსების პრობლემას, დაფინანსდება მამისტრანტთა ის 10%, ვინც სპეციალობაში მაღალი ნიშანი მიიღო.

მარტო ჩარიცხულ 54 წარჩინებულ მაგისტრანტს კი, შეთანხმებისამებრ, მიეცემა სემესტრული დაფინანსება.

რაც შეეხება დოქტორანტურას, კონკურსი ჯერ არ დასრულებულა.

როგორც სასწავლო დეპარტამენტის დოქტორანტურისა და მაგისტრატურის განყოფილების გამგემ ქეთევან გურჩიანმა განაცხადა, დოქტორანტურაში ჩაბარების მსურველთაგან ძირითადი კონტინგენტი ძველი ასპირანტები და მაძიებლები იყვნენ. ჯერჯერობით ჩატარებულია გამოცდები უცხო ენაში.

ინგლისურში გამოცდას ატარებდა ბრიტანეთის საბჭო. 166 კონკურსანტიდან მინიმალური ზღვარი გადალახა 74-მა.

ფრანგულში გამოცდა ჩაატარა საფრანგეთის საელჩომ. ზღვარი გადალახა 16-მა კონკურსანტმა;

გერმანულში გამოცდა ჩაიბარეს გოეთეს ინსტიტუტში და 7 მსურველიდან მხოლოდ 5 გააგრძელებს გამოცდებს.

# რა მანძილია IPAP-იდან NATO-მდე

NATO-ს გენერალური მდივნის იაპ დე ჰოოკ სხეფერის ვიზიტი უნივერსიტეტში



პირველი გვერდიდან

— ბატონო ირაკლი, რა შეფასებებს მისცემთ NATO-ს გენერალური მდივნის სტუმრობას საქართველოში. რით იყო ის გამორჩეული?

— NATO-ს უმაღლესი ოფიციალური პირების ვიზიტი ჩვენს ქვეყანაში სიურპრიზი აღარ გახლავთ. საქართველო ნატოსთან ინტენსიური დიალოგის რეჟიმში მუშაობს. საქართველო ის ქვეყანაა, რომლისთვისაც ალიანსის წევრობა სტრატეგიული არჩევანია. ამიტომ, მიუხედავად იმისა, რომ ეს იყო მორიგი სამუშაო ვიზიტი და არ იყო დაკავშირებული რაიმე განსაკუთრებულ შემთხვევასთან, მაინც მნიშვნელოვანი გახლავთ.

— უნივერსიტეტის სტუდენტებს დასმულ შეკითხვებში აშკარად ემჩნეოდათ, რომ უფრო კონკრეტული საუბრის მოლოდინში იყვნენ და კითხვებიც კონკრეტული დასვას. ზოგიერთს, ცოტა, ზოგადი მოეჩვენა სხეფერის გამოსვლა. რით შეიძლება ეს აიხსნას?

— მე არ დავსწრებარ სხეფერის უნივერსიტეტში გამოსვლას, მაგრამ თუკი ეს შეკითხვები ეხებოდა ამა თუ იმ გადაწყვეტილების მიღების ფორმას, დროს და ვადას,

მაშინ არ გამიკვირდება, თუ ამგვარი შეკითხვის ავტორს ბატონი სხეფერის პასუხი ზოგადად მოეჩვენა.

ვერც ნატოს გენერალური მდივანი და ვერც ალიანსის რომელიმე სხვა ოფიციალური პირი, თავს უფლებას ვერ მისცემს, განაცხადოს რაიმე დროითი განზომილების თაობაზე, იმიტომ, რომ ყველაფერი საქართველოს დემოკრატიული განვითარების პროცესზე დამოკიდებულია. ამის იქით, მისი მხრიდან რაიმე კონკრეტულის თქმა უპასუხისმგებლობა იქნებოდა. ამიტომ ნუ გავიკვირდებით და გული ნუ დაგვწყდება იმაზე, თუ ბატონი სხეფერი კონკრეტულ ვადამი რაიმე საკითხის გადაწყვეტას არ დაგვპირდა. ამის მანდატი მას, უბრალოდ, არ გააჩნია.

— თქვენ აღნიშნეთ, რომ საქართველოს დემოკრატიული განვითარების დამადასტურებელი უახლოესი ტესტი საპარლამენტო და საპრეზიდენტო არჩევნებია. ჩვენმა ქვეყანამ ბოლო პერიოდში არაერთხელ დაადასტურა, რომ შეუძლია სამართლიანი და ობიექტური არჩევნების ჩატარება. კიდევ რა უნდა გაკეთდეს იმისთვის, რომ ეს ტესტი წარმატებით ჩააბაროთ?

— არჩევნები არ არის ერთადერთი თემა, რომელიც ქვეყნის დემოკრატიულობის ხარისხის გასაზომად გამოიყენება. აქ საუბარია იმაზე, თუ რას ეფუძნება ქვეყნის სტაბილურობა და უსაფრთხოება — დემოკრატიულ ინსტიტუტებს, მათ ეფექტურ ფუნქციონირებას, თუ ვინმეს, თუნდაც კეთილგონიერი, ჭკვიანი, ძლიერი ხელის მქონე მმართველის პოლიტიკურ ნებას. კარგად არის ცნობილი, რომ მყარი და საიმედო მხოლოდ პირველი ტიპის სტაბილურობა გახლავთ. ამის დადასტურება საქართველოს მხრიდან იქნება ის, რომ ქვეყანამ განვითარების დემოკრატიული გზა აირჩია. არჩევნებზე ეს უნდა დადასტურდეს, თუმცა მისი ყველაზე დემოკრატიულად და წარმატებით დასრულებაც კი ამის საკმარისი

არგუმენტი არ იქნება. საქართველომ, ასევე, წარმატებით უნდა განახორციელოს სხვა მოთხოვნებიც.

— აქამდე ჩვენ ვიცოდით ერთი ქვეყანა, რუსეთი, რომელიც ხელს უშლიდა საქართველოს ნატოში გაწევრიანებას. სწორედ სხეფერის ვიზიტის წინ გაუღერდა საფრანგეთის საგარეო საქმეთა მინისტრის განცხადება, რომელშიც გამოთქმული იყო შენიშვნები საქართველოს მიმართ. რით იყო ეს გამოწვეული და როგორ შეაფასებდით ამ განცხადებას?

— ჩვენ ერთმნიშვნელოვნად უნდა გვესმოდეს, რომ კრიტიკული დამოკიდებულება საქართველოში მიმდინარე პროცესების, ქვეყნის დემოკრატიულობის, ტრანსფორმაციის ტემპის და სხვა ფაქტორების მიმართ, სულაც არ ნიშნავს წინააღმდეგობის განცხადებას ჩვენი ევროატლანტიკური ინტეგრაციისათვის. როგორც წესი, თქვენდამი მაქსიმალურად კრიტიკული თქვენზე კეთილსმყოფელია იმისათვის, რომ უკეთესი გახდეთ. ამ კრიტიკის მიზანი მხოლოდ ეს გახლავთ.

რუსეთი სხვა შემთხვევაა. იქ არც მალავენ, რომ საქართველოს ევროატლანტიკური ინტეგრაცია მათი სტრატეგიული ინტერესების წინააღმდეგაა, ხოლო ევროპის ყველა, და, მათ შორის, ალიანსის წევრი ქვეყნების ინტერესებშია, საქართველო სრულად შეესაბამებოდეს ალიანსის წევრობის მოთხოვნებს.

ასე რომ, რუსეთის პოლიტიკურ კურსსა და იმ ქვეყნების განცხადებებს შორის, ვინც ქვეყანაში მიმდინარე პროცესებს კრიტიკულად უყურებს, პარალელს ნუ გავავლებთ. ეს ერთი და იგივე მოვლენა არ გახლავთ.

— როგორც საქართველოს პარლამენტის თავმჯდომარემ განაცხადა, საქართველოს ნატოში გაწევრიანებას ხელშეწყობენ ბარბიერები არ შეეძლება. მით უფრო საინ-

ტერესოა, რით შეუძლია რუსეთს ხელი შეევიშალოს?

— ერთი ინსტრუმენტი, რომელიც ამ მიზნით არის გამოყენებული, უკვე ნათელია — ეს არის კონფლიქტები და კონკრეტული სიტუაციის გამწვავების პერსპექტივა. საქართველოში ძალადობის პროვოცირება, თუკი ჩვენი ამ მახეში გაბმა მოახერხა ვინმემ, იქნება ის ნერტილი, რომელიც დაესმება საქართველოს ევროატლანტიკურ მისწრაფებებს. ამიტომ, როცა ჩვენ ვსაუბრობთ, რომ საქართველოს ტერიტორიული მთლიანობის აღდგენის და ქვეყნის შიგნით შერიგების პროცესის მხოლოდ მშვიდობიანი გზის მოძიება ვართ, აბსოლუტურად გულწრფელი უნდა ვიყოთ და უნდა დავამტკიცოთ, რომ მართლაც ასეა. თამაში ნაციონალურ გრძნობებზე და სენტიმენტებზე ძალიან ადვილია და ეს ჩვენმა ისტორიამ კარგად იცის. ასე რომ, ვისაც სურს, საქართველომ ნაბიჯი ვერ გადადგას დასავლეთით, მისთვის უპირველესი ინსტრუმენტი ამგვარ სიმებზე

თამაში გახლავთ. აქ უნდა გამოჩნდეს ჩვენი საზოგადოების სიმწიფე და პოლიტიკური ელიტის მზაობა — წინ აღუდგეს ამგვარ მცდელობებს.

— ნატომ შეცვალა განათლების და მეცნიერების პროგრამების მიმართულება, რაც თავის გამოვლანაში დაადასტურა ბატონმა სხეფერმა. რა მიმართულება შეიძინა მან, რა ნიშნა ნატოს განვითარების პროგრამებში?

— რაიმე განსაკუთრებული და პრინციპული ცვლილება არ მომხდარა. შეიცვალა მხოლოდ თემატიკა იმ სამეცნიერო კვლევებისა, რომელსაც უახლოეს პერიოდში მხარს დაუჭერს ალიანსი. საქართველოსთვის მთავარი არის ის, რომ თავისი ადგილი ნახოს ალიანსის შიშობის ყველა სფეროში, მათ შორის, სამეცნიერო თანამშრომლობის კუთხით, მით უმეტეს, საქართველოს ამის სერიოზული პოტენციალი გააჩნია.



პასუხი

## თსუ-ში სტუდენტებს დასაკარბი ლექტორები არ ჰყავთ

ივანე ჯავახიშვილის სახელობის თბილისის სახელმწიფო უნივერსიტეტის დისკრედიტაციისთვის ცხელ-ცხელი ამბების შეთხზვის სააგენტო, ალბათ, სპეციალურ შტაბ-ბინაშია განთავსებული, საიდანაც შიკრიკი პრესას პერმანენტულად ცრუ ან გადაუმოწმებელ ინფორმაციას აწვდის. მიზანი ერთია — პირველ ქართულ უნივერსიტეტს, რომელსაც ქვეყნის მასშტაბით სტუდენტთა საუკეთესო ნაწილი უცხადებს ნდობას, საფუძველი შეურყიან, პირველ რიგში, უნივერსიტეტის ხელმძღვანელობის ლანძღვით და მიმდინარე საუნივერსიტეტო რეფორმის დაკნინებით. როგორც კი ოფიციალურმა წყაროებმა დაადასტურეს ინფორმაცია, რომ მალევე კორპუსის მიმდებარე ტერიტორიაზე ევროპული სტანდარტის საუნივერსიტეტო ქალაქის მშენებლობა დაგეგმილია და, რაც ყველაზე მთავარია, პირველი და მეორე კორპუსები არ იყიდება, მავანთ დროებით შემოაკლდათ უნივერსიტეტის „დამაქცევარა“ საჯიჯგინი თემები. თუმცა შიკრიკმაც არ დააგვიანა...

### წინა კაპულია

„სხუბუს უნივერსიტეტში კრიზისი იწყება?“ — პოლიტიკურად ანგაჟირებული ლექსიკონის იყენებს და ასეთ კითხვას სვამს გაზეთ „ალიანს“ კორესპონდენტი, რომელმაც სათაურშივე დაასკვნა, რომ „სტუდენტები მცოდნენ და მომთხოვნ ლექტორებს უმუშევრად ტოვებენ“. სამწუხაროა, როდესაც ყოველივე ქართულის დაცვაზე ორიენტირებული ჟურნალისტი ოპონირებს უნივერსიტეტებში ევროპული ღირებულებების დამკვიდრების თემას — ესოდენ დრომოჭმული პროპაგანდა სწორედ რომ ვედარ ნაადგება ქართულ სინამდვილეს. ამის ახსნას ფაქტებით შევეცდებით, რადგან არ ვაპირებთ ადვილად „თავშიხელნამოსარტყამი“ გავხადოთ ივანე ჯავახიშვილის სახელობის თბილისის სახელმწიფო უნივერსიტეტი, რომელიც გაორმაგებულ პასუხისმგებლობას გრძნობს იმ სტუ-

დენტების წინაშე, რომელთაც არჩევანი ჩვენს უნივერსიტეტზე გააკეთეს, ერთიანი ეროვნული გამოცდების შედეგად 100%-იანი სახელმწიფო დაფინანსება მოიპოვეს, სასწავლო წლის დაწყებისთანავე ლექტორის მიზეზით ზოგიერთი ლექციის გაცდენაზე პროტესტი დეკანთან უმაღლესად გამოხატეს და უნივერსიტეტში მოქმედი გაცვლითი პროგრამების სქემით უკვე დაინტერესდნენ კიდევ. ეს სწორედ იმის მანიშნებელია, რომ უმაღლეს სასწავლებლებში ის თაობა მოდის, რომელსაც სასწავლებლის ხელმძღვანელობა არა თუ ვერ „მოისყიდის“, არამედ ვერც მოახვევს თავს საკუთარ შეხედულებებს. თანაც, ამის სურვილი უნივერსიტეტის წარმატებაზე ორიენტირებულ ადამიანებს — რექტორი იქნება იგი, ადმინისტრაციის ხელმძღვანელი თუ სხვა თანამშრომელი, ნამდვილად არ აქვს. ამ წარმატებას კი ევროპულ საგანმანათლებლო სივრცეში ჩვენი ადაპტაციის უნარიანობა განა-

პირობებს. სწავლების ახალ სისტემაზე გადასვლა, რასაც ბოლონის პროცესში თანამონაწილეობა გვკარნახობს, იმ თეზისის დაცვასაც მოიცავს, რომ უმაღლეს სასწავლებლებში სტუდენტზე ორიენტირებული გარემო შეიქმნას.

„სტუდენტი ირჩევს, სტუდენტი აფასებს“ — წესიერად ჯერაც ვერ ამოქმედებულ ამ „მუხლს“ თუკი ისეთ ინტერპრეტაციას დაურთავთ, რომ იგი უნივერსიტეტიდან კვალიფიციურ პროფესორ-მასწავლებელთა გარეგანი მიზნით დაგებული ხაფანგია, მაშინ ადვილი მისახვედრია, საიდან შეიძლება მოდიოდეს ასეთი „ახლომხედველობა“, რომლის პირველწყარო აგრესიაა. არავინ უარყოფს იმას, რომ უნივერსიტეტში სასწავლო პროცესი, სასწავლო პროგრამები დასახვეწია, მაგრამ გულდასაწყვეტია ის, რომ რექტორატის არაერთ მცდელობას, უნივერსიტეტში შეინარჩუნოს კვალიფიციური კადრი, მიუხედავად მისი შეხედულებებისა და პოლიტიკური მრწამსისა, პრესაში დადებითი შეფასება ერთხელაც არ მოჰყოლია. თითქმის არ შეუძლება დასავლეთის ნაწყვანი უნივერსიტეტებისა და თსუ-ის ერთობლივი სამაგისტრო პროგრამების, მათთან თანამშრომლობის რეალური ეგემების ამსახველი ინფორმაციები. რატომ? ეს ხომ უნივერსიტეტის პრესტიჟია, სახელია, ავტორიტეტია, დამატებითი გრანტებია... თუკი ვინმეს ჰგონია, რომ საერთაშორისო საუნივერსიტეტო კონტაქტები ხელს შეუშლის ქართული, ეროვნული ფასეულობების დაცვას ამ სფეროში, ეს მისი პრობლემაა.

ახლა კი უფრო კონკრეტულად

იმის შესახებ, თუ რამდენად რეალურად დაინერგა უნივერსიტეტში სტუდენტის მიერ საგნების არჩევასთან ერთად ლექტორის არჩევის პრაქტიკა? გაამართლა თუ არა ასეთმა ექსპერიმენტმა რომელიმე ფაკულტეტზე? მართლაც ირჩევენ თუ არა სტუდენტები ლოიალურ და უცოდინარ ლექტორებს? შეიძლება თუ არა, ამ წესმა შეასახალი უკანონობა — კონკურსის წესით შერჩეულ პროფესორთა სტუდენტის ძალისხმევით გარიყვა? იდევნება თუ არა ვინმე პოლიტიკური შეხედულების გამო უნივერსიტეტის წიაღიდან? რამდენად დაემუქრა საფრთხე ქართულ ფასეულობებს პირველ ქართულ უნივერსიტეტში? — ეს კითხვები შეიძლება განდეს, მაგრამ დასკვნების გაკეთებას კონკრეტული მაგალითების მოყვანა ჭირდება. ამ მიზნით მივმართეთ ხარისხის უზრუნველყოფის სამსახურის უფროსს ირინე დარჩაის, რომელმაც ჩვენთან საუბარში განაცხადა, რომ გაზეთ „ალიანსი“ დაბეჭდილ სტატიებში მისი თითქმის ყველა კომენტარი დამახინჯებულია. ჩვენ არ დავინყებთ ამის გარჩევას, თუმცა შევეცდებით ჩვენს ძირითად კითხვებზე ქალბატონი ირინესგან პასუხები მოვისმინოთ.

— ჩვენს უნივერსიტეტში რამდენად ხორციელდება ახალი წესი: „სტუდენტი ირჩევს, სტუდენტი აფასებს“, ანუ ისინი საგნებთან ერთად ირჩევენ თუ არა ლექტორებს? — მე შემიძლია განვაცხადო, რომ ლექტორების შერჩევა ყველა ფაკულტეტზე არ ხდება. რამდენა-

დაც ჩემთვის ცნობილია, ამის გამოცდილება აქვს მხოლოდ ოურიდული ფალკულტეტს. ტექნიკური მიზეზების გამო სხვაგან ეს ვერ განხორციელდა.

— ანუ ჩვენს პრაქტიკაში იმის აღბათობა, რომ სტუდენტმა ლექტორის გადარჩევით ის შეიძლება უმუშევარიც კი დატოვოს, აბსურდია?

— ჩემთვის ერთადერთი ფაქტია ცნობილი, როდესაც ჰუმანიტარულ ფაკულტეტზე სტუდენტებმა გამოთქვეს პროტესტი ერთ ლექტორთან მიმართებაში და შემდეგ სემესტრში მისი მხოლოდ ჩანაცვლება მოხდა.

— რა კრიტერიუმია გადამწყვეტი ლექტორის შერჩევისას?

— წესით, გადამწყვეტი უნდა იყოს პროფესორის სილაბუსი, რომელშიც ნათლად ჩანს, თუ რა პროგრამით ასწავლის ის სტუდენტს. მნიშვნელობა აქვს იმასაც, ვის როგორი იმიჯი აქვს. მაგრამ ჩვენთან ამ წესის შემოტანა, ვფიქრობ, ადრეა.

ზოგადად, სტუდენტის მიერ ლექტორის შეფასება ძალიან მნიშვნელოვანია. მსოფლიოს ყველა ქვეყანაში სასწავლო კურსის დასრულების შემდეგ სტუდენტი აფასებს სალექციო კურსს და, შესაბამისად, ლექტორს. ჩვენ ამის გაკეთება ვცადეთ შარშან, მაგრამ, სამწუხაროდ, სხვადასხვა მიზეზის გამო კითხვარების დამუშავება ვერ მოხერხდა.

# ტსუ-ში სტუდენტებს დასაკარბი ლექტორები არ ჰყავთ

## მე-3 გვირგვინი

შემდეგ შევთანხმდით, რომ სჯობს, ეს მოხდეს ინტერნეტის საშუალებით და სტუდენტთა გამოკითხვა ჩაჯდეს რეგისტრაციის პროგრამაში. მომდევნო სემესტრში ჩვენ ამას დავერგავთ. მინდა გითხრათ, რომ საზღვარგარეთ უნივერსიტეტებში, როდესაც სტუდენტი აფასებს სალექციო კურსს და ლექტორს — ეს მასალა იდება ლექტორის პირად საქმეში. ე.წ. პორტფოლიოში. ლექტორების დანიშნულების ან მათთვის ხელშეკრულებების გაგრძელების დროს ითვალისწინებენ სტუდენტთა შეფასებებს. ანუ, სხვა კრიტერიუმებთან ერთად ხდება სტუდენტების აზრის გათვალისწინებაც. სტუდენტების აზრი არ არის განმსაზღვრელი, ის არის ერთერთი ინდიკატორი, რამეთუ თეორიულად შეიძლება იყო ნობელის პრემიის ლაურეატი და სიმკაცრის გამო სტუდენტებს მართლაც არ მოეწონო. „ალიასთან“ ინტერვიუში მე არ მოთქვამს ფრაზა, რომ სტუდენტების მიერ არასასურველი ლექტორის გადაყენების უფლება დასავლური სტანდარტია. ასეთ რამეს ვერ ვიტყვით, რადგან დასავლეთის უნივერსიტეტებშიც არ არის ასე მარტივი ლექტორის გადაყენება. ასეთი რამ არსად არ ხდება.

### ანუ კრიტერიუმი „მკაცრი“ ჩვენს პრაქტიკაში არ იქნება ლექტორის გადარჩევისთვის საკმარისი არგუმენტი?

— ეს არ იქნება გადამწყვეტი. ისე უნდა გითხრათ, რომ დღეს სხვა სტუდენტობა მოდის. მე როცა ადმინისტრაციულ თანამდებობაზე დავინიშნე, პირველი „კულტურული შოკი“ მივიღე, როდესაც სტუდენტები მოვიდნენ საჩივრით, რომ ლექციები გვიცდებოდა და გვიშველეთ. ჩემი სტუდენტობის დროს ასეთი რამ გამოირიცხა იყო. დღეს სტუდენტმა იცის, თუ არ გახდა თავისი საქმის პროფესიონალი, შეიძლება უმუშევარი დარჩეს. ამას ემატება ის მოტივაცია, რომ სტუდენტი სწავლაში ფულს იხდის. ამიტომ მეტ პასუხისმგებლობასაც გრძნობს სწავლის მიმართ. ეს არის აშკარა.

ხარისხის უზრუნველყოფის სამსახურის უფროსის ირინე დარჩიას განმარტების თანახმად (სტუდენტის მიერ ლექტორის არჩევის პრაქტიკა, რეალურად, იურიდიულ ფაქტულტეტზე არსებობს), ჩვენ იურიდიული ფაქტულტეტის დეკანის მოადგილეს ნანა ჭილაძეს მივმართეთ ანალოგიური შეკითხვებით. აღმოჩნდა, რომ მას სტატისტიკაც კი აქვს, თუ რომელ ლექტორს რა ნიშნით ირჩევენ იურიდიული ფაქტულტეტის სტუდენტები. „როგორ გგონიათ, კარგი ლექტორი გაირჩევა? უკვე მეხუთე სემესტრია, ფაქტულტეტზე საგნებთან ერთად ლექტორებსაც ირჩევენ და არანაირი გამოცდილება არ ადასტურებს იმას, რომ მკაცრი ლექტორის შემთხვევაში სტუდენტი არჩევანს მის სასარგებლოდ არ აკეთებს. მე გგონია, რომ ეს პრაქტიკა სერიოზულად შეუწყობს ხელს უნივერსიტეტში პროფესიონალითა „დამაგრების“ პროცესს. ჩვენ გვაქვს ყველანაირი სტატისტიკური მონაცემი, კერძოდ: — ლექტორებს, რომლებიც წერენ არადამაკმაყოფილებელ ქულებს, თუნდაც დიდი რაოდენობით, მეორე სემესტრში კვლავ

ირჩევენ. მე გგონია, რომ რაღაც ეტაპზე, სტუდენტების არჩევანის ფონზე მკვეთრად გამოიკვეთება, როგორი ლექტორები ჭირდება თანამედროვე უნივერსიტეტს. ასეთი ლექტორების მახასიათებელი იქნება არა ლოიალობა, არამედ პროფესიონალიზმი“, — განაცხადა ნანა ჭილაძემ ჩვენთან საუბრისას.

რაც შეეხება იმ თემას, რამდენად შესაძლებელია ყველა ფაქტულტეტზე ამ ნების ამოქმედების შემთხვევაში ლექტორის უმუშევრად დატოვება, სასწავლო პროცესის მართვის დეპარტამენტის უფროსის მოვალეობის შემსრულებლის მერაბ სვანაძის განმარტებით, კონკურსის წესით არჩეული აკადემიური პერსონალის უნივერსიტეტიდან ვადამდე ადრე დათხოვნა ყოვლად წარმოუდგენელია. სტუდენტების მხრიდან ლექტორთა არჩევა კი ჯგუფების გადაწინაღობის დროს ხდება. „ვთქვით, ლექციას

თუ არჩევანი ყველა საგნის მიხედვით ვერ არ გვაქვს. არის საგანი, რომელსაც კითხულობს ერთი პედაგოგი და მას ვერ აირჩევენ. გვერდითა სხვა შემთხვევებიც, როდესაც სტუდენტები ირჩევენ ლოიალურ ლექტორებსაც, მაგრამ, ძირითადად, მოსწონთ ისეთი ლექტორები, რომლებიც განაც, ცოდნის თვალსაზრისით, მეტს მიიღებენ და რომელთა კომპეტენტურობაშიც დარწმუნებული არიან“, — აღნიშნა დარეჯან თვალთვალზე. სტუდენტური თვითმმართველობის პარლამენტის თავმჯდომარე თორნიკე ხუციშვილი კი უფრო კონკრეტულად საუბრობს სტუდენტების არჩევანის პრინციპზე და აცხადებს, რომ გარდა ცოდნისა, ლექტორი ურთიერთობის ხელოვნებასაც უნდა ფლობდეს, რათა მან სტუდენტების სიმბაზითა დაიმსახუროს. „მე მივყვარები „სიკაცრულს“ განათლების კუთხით. როცა ლექტორი სტუდენტ-



ატარებს პედაგოგი და მსმენელია 100 სტუდენტი. პრაქტიკული მეცადინეობა, როგორც წესი, ტარდება 25 სტუდენტთან. ამ შემთხვევაში ფაქტულტეტი 4 პედაგოგს ჯგუფის შექმნას სთავაზობს. სტუდენტს შეუძლია ამ ჯგუფებიდან აირჩიოს ერთერთი“, — განაცხადა მერაბ სვანაძემ. ჰუმანიტარული ფაქტულტეტის დეკანის მოვალეობის შემსრულებელთან დარეჯან თვალთვალთან საუბარში გავარკვიეთ, რომ იურიდიული ფაქტულტეტის გარდა, ლექტორებს ჰუმანიტარულ ფაქტულტეტზეც ირჩევენ. „მაღალ კურსებზე, სადაც 200-400 სტუდენტი სწავლობს, სტუდენტს შეუძლია საგანთან ერთად აირჩიოს ლექტორიც. ეს პრაქტიკა ჩვენს ფაქტულტეტზე არსებობს. მაგალითად, ენათმეცნიერების შესავალი 380-მდე სტუდენტმა აირჩია. ბუნებრივია, ამ 380 სტუდენტს ერთი ლექტორი ვერ მოემსახურება. იქ რამდენიმე პედაგოგი შეთავაზებული და, ამ შემთხვევაში, სტუდენტს, ვისთანაც უნდა, იმასთან ჩაენერება. მაგრამ სემინარის დონეზე ფარ-

ტისგან გაცემული ინფორმაციის უკან მიღებას ადეკვატურად მოითხოვს, ეს აუცილებელიც კია. უნივერსიტეტის ადმინისტრაციისგან თუ სტუდენტების მხრიდანაც, ჩვენ არაერთხელ მოგვისმინია, რომ არ გვაქვს იმის ფუფუნება, რომ ჩვენი ლექტორები გარდა ასე პანტა-ჰუნტით ვიხრათ, რადგან სპეციალისტების სერიოზული კრიზისია. ამიტომ საჭიროა, ეს ინტელექტუალური ძალა უნივერსიტეტში შემოვიტვირთოთ და შევქვეყნოთ, რომ ვინც, მათი პიროვნული და, მით უფრო, პოლიტიკური ნიშნით უნდა დესაქტივირდეს მათი გაშვება“. — განაცხადა თორნიკე ხუციშვილმა.

უნივერსიტეტის მისამართით გამოთქმულ ბრალდებას — თითქოს საბაკალავრო სასწავლო პროგრამები დასავლეთის უნივერსიტეტებიდან პირდაპირ არის გადმოწერილი, ხარისხის უზრუნველყოფის სამსახურის უფროსი ირინე დარჩია პასუხობს: „გახუთ „ალიასთან“ ინტერვიუში მე ვსაუბრობდი ეკონომიკისა და ბიზნესის ფაქტულტეტის საბაკალავრო პროგრამაზე,

რომლის დახვეწის დროსაც ქართული ტრადიციების გათვალისწინებაც მოხდა. რამდენადაც ვიცი, დასავლეთის უნივერსიტეტებიდან გადმოღებული საბაკალავრო სასწავლო პროგრამა მხოლოდ ამ ფაქტულტეტზეა.

ეკონომიკაში გვიჭირს სპეციალისტები — ეს არის ბუნებრივი. საბჭოთა პერიოდში ყველაზე მეტად იდოლოგიზირებული იყო კოლტოლოგია და ეკონომიკა. აქედან გამომდინარე, ამ სფეროებში დასავლური გამოცდილების გაზიარება უფრო მეტად გვეჭირდება, ვიდრე ფიზიკაში, ქიმიკაში, მათემატიკაში ან ბიოლოგიაში...“, — აღნიშნა ქალბატონმა ირინამ. ნამდვილად სასაცილოა, სატირალი რომ არ იყოს, როცა თავის მართლება გინებს იმ საკითხზე, რაც ჩვენი უნივერსიტეტის ევროპულ საგანმანათლებლო სივრცეში ადგილის დასამკვიდრებლად ესოდენ მნიშვნელოვანია და რის გადაჭრასაც, პირველ რიგში, სტუდენტები ითხოვენ.

ვაკინებთ თუ არა ამით „ყველაფერ ქართულს“ უნივერსიტეტში, უნივერსიტეტის ხელმძღვანელობა ამ თემაზეც ძალიან ხშირად ხდება იძულებული — თავი იმართლოს მაშინ, როდესაც ფაქტები ზედაპირზე დევს და ახალი სასწავლო პროგრამებით ახალ სასწავლო სისტემაზე გადასვლის მოტივაციის ახსნასაც არავინ გაუბრუნებს. „თუ ჩვენი ფაქტულტეტის მასშტაბით ვილაპარაკებთ, აქ არანაირი საშიშროება იმისა, რომ ქართული აღმოიფხვრას, ჩვენი სასწავლო პროგრამებიდან ამოვიღოთ ქართული ენა, კულტურა თუ ისტორია, არ არსებობს. პირიქით, საქართველოს ისტორია ჩვენს სავალდებულო საფაქტულტეტო საგნებში გვაქვს შეტანილი. ის საგნები, რაც უნივერსიტეტში ისწავლებოდა დღეისათვის დაარსებისა, ისწავლება დღესაც. წელს ქართული ფილოლოგიის შესწავლის სურვილს 150 პირველკურსელი გამოთქვამს. რაც შეეხება სხვა მიმართულებებისთვის ქართულის შეთავაზებას, მოგეზუნებოდა, ახალი სისტემის თანახმად, ეს სტუდენტის არჩევანზეა დამოკიდებული“, — განმარტავს დარეჯან თვალთვალზე.

სხვათაშორის, მინდა აღვნიშნო, რომ მაშინ, როდესაც უნივერსიტეტში არაერთი საინტერესო ღონისძიება იმართება ქართული ლიტერატურის, კულტურისა და ისტორიული მემკვიდრეობის თემაზე, დარბაზი ხალხით არც თუ ისე სავსეა ხოლმე. მასმედია კი ასეთი ლექციების მიმართ ყურადღებას საერთოდ არ იჩენს.

თუკი ჩვენს ქვეყანაში დღეს ის თემაა სადავო, თუ რატომ ვაძლევთ სტუდენტებს თავისუფალი არჩევანის საშუალებას, მაშინ გამოდის, რომ არათუ წინ, არამედ უკანაც არ ვიხედებით. ყველას მართებს თვალი გაუსწოროს რეალობას — დღეს ახალგაზრდობას ნაკლებად თუ მოახვევთ თავს შენს სხეულზე, ან ინტერესს. აკრძალვით კი ვერაფერს მიმართ პროტესტს უფრო ადვილად გაუჩენ. დღეს სხვა დროა და სხვა ვითარება. ამდენად, როდესაც სტუდენტების არჩევანს ვეხებით, იმაზეც დაგვიჩვენეთ, დღევანდელმა ახალგაზრდობამ საქართველოს დამოუკიდებლობისთვის ბრძოლის გზაზე უფროსი თაობის რა დიდი უნებულებები, რა თვისებები და რა ხასიათი დაინახა. იქნებ ისინი გვთავაზობენ სწორედ იმ გზას, რაც უფრო სამართლიანად გამოგვარჩევს ერთმანეთისგან.

## სადისკუსიოდ

# დაკვიტა ზემოდან და პასიურობა ქვემოდა

## რატომ არ არსებობს დღემდე უნივერსიტეტისთვის საჭირო სახელმძღვანელოების ნუსხა?

მიმდინარე სასწავლო წელს კიდევ ერთხელ დაგვა დღის წესრიგში პრობლემა, რომელზეც სამეცნიერო წრეებში დიდი ხანია საუბრობენ — ესაა თანამედროვე მოთხოვნების შესაბამისი სასწავლო სახელმძღვანელოების დეფიციტი, რაზეც დიდად არის დამოკიდებული ადეკვატური სილაბუსების შედგენა და სწავლების ხარისხის გაუმჯობესება.

### მანია ტორაძე

პრობლემა ახალი არ არის. თავის დროზე, როცა მან მთელი სიმწვავეთი იჩინა თავი, გამოიკვეთა რამდენიმე მიმართულება, რომელზე მუშაობაც სამეცნიერო საზოგადოების პირდაპირი მოვალეობა გახლდათ: უნდა შედგენილიყო სახელმძღვანელოთა ნუსხა, რომლებიც საერთაშორისო საგანმანათლებლო სივრცეში შეუცვლელად მოიხმეოდა, ხოლო ის სახელმძღვანელოები, რომლებიც დროულად ცვალებადობის გამო მოქველდებოდა, უნდა შეცვლილიყო ახალი, თანამედროვე ლიტერატურით. ასევე უნდა შექმნილიყო ელექტრონული ბიბლიოთეკა, რომელიც დღეს ევროპასა და ამერიკაში ყველაზე ხელმისაწვდომ და იაფფასიან სასწავლო ლიტერატურად მოიხმევა. ცხადია, ამ პრობლემის მოგვარება ერთი და იგივე ნიშნის საქმე არ არის. მას დრო, სა-

თანადო კვალიფიკაციის პროფესურა და სახსრები სჭირდება, რაც თანდათან დაიძლევა. მანამდე კი სასწავლო პროცესში სახელმძღვანელოების პრობლემა არა მხოლოდ თბილისის სახელმწიფო უნივერსიტეტს, არამედ ყველა ქართულ უმაღლეს სასწავლებელს ექნება, რაც, თავის მხრივ, დადს დაასვამს სილაბუსების შედგენას.

ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარული ფაქტულტეტის პროფესორის ზაზა ფირალიშვილის თქმით, ამ პრობლემას რამდენიმე განზომილება აქვს. ერთია გამართული სილაბუსის შედგენა იმ სამეცნიერო ინფორმაციის საფუძველზე, რომელიც ობიექტურად არსებობს, მეორე — მუდმივი ცვლილებების შეტანა სილაბუსში სიახლეების გათვალისწინებით. საამისოდ კი უმაღლესმა სასწავლებელმა პედაგოგი უნდა უზრუნველყოს შესაბამისი აკადემიური გარემოთი: ლიტერატურით, ინტერნეტით, საერთა-

შორისო კავშირების განხორციელების ფინანსური საშუალებით. „ახალი ლიტერატურის მოძიება — შემოტანა და საერთაშორისო კონფერენციებში მონაწილეობა საკმაოდ დიდ ხარჯებთან არის დაკავშირებული. ამის გარეშე შეუძლებელია, მუდმივად საქმის კურსში იყო, თუ რა ხდება შენს დარგში. ამ რამდენიმე წლის წინ უცხოეთიდან 150-მდე ნიგნი და 30-მდე სტატიების კრებულის ელექტრონული ვერსიები შემოვიტანე. გამოვცხადებ, რომ ბევრი ნიგნის კოპირებისას მე საავტორო უფლებების ვარღვევდ“, — განაცხადა მან ჩვენთან საუბარში.

სახელმძღვანელოების პრობლემის მოგვარების ერთერთი გზაა სპეციალური ლიტერატურის თარგმნა. ცხადია, კარგია, თუ ჩვენი სტუდენტობა უცხო ენაზე ნაიკითხავს საჭირო მასალას, მაგრამ სწავლის პირველ დონეზე მანაც აუცილებელია, რომ მან მშობლიურ ენაზე მიიღოს განათლება. ამიტომ საუკეთესო გამოსავალია კლასიკურად აღიარებული ლიტერატურის გადმოქართულება. თუმცა, ამასაც აქვს თავისი წინააღმდეგობები. არის დარგები, რომლებსაც არ სჭირდებათ სასწავლო ლიტერატურის ყოველწლიური განახლება, მაგრამ ისეთ დისციპლინებში, რომლებშიც სამეცნიერო

ინფორმაცია შედარებით სწრაფად იცვლება, საქმე უფრო რთულადაა. პროფესორი ზაზა ფირალიშვილი თარგმნას და ადგილობრივი სახელმძღვანელოების შექმნას პარალელურ პროცესად მიიჩნევს. მისი თქმით, სრულყოფილი სახელმძღვანელოები ვერ შეიქმნება, თუ სათანადო თარგმნილი ლიტერატურა არ იარსებებს. „ყველაფერს რომ თავი დავანებოთ, თარგმანი, ნებით თუ უნებლიედ, ანებს იმ კრიტერიუმებს, რომლებსაც ჩვენში შექმნილი ლიტერატურა უნდა აკმაყოფილებდეს. ამასთან, მხოლოდ თარგმანზე აქცენტის გადატანა და საკუთარი თავის მხოლოდ მომხმარებლის მდგომარეობაში ჩაყენება ზიანს აყენებს აკადემიურ პროცესს. ამიტომ, ერთის მხრივ, სტუდენტს ხელი უნდა მიუწვდებოდეს ორიგინალურ ლიტერატურაზე თუ არა, მის თარგმანზე მანაც, მაგრამ, ამავე დროს, იგი მშობლიურ ენაზე არსებული პროპედევტიკული მასალითაც უნდა იყოს უზრუნველყოფილი, რომელიც მას ორიგინალური ლიტერატურის დაძლევაში დაეხმარება“, — განაცხადა მან.



# წლოვით ლეკოდებულ სისტემა ამოქმედდა

## 17 ოქტომბერი სიღარიბესთან ბრძოლის საერთაშორისო დღეა

სიღარიბის პრობლემა — ეს მოუშორებელი სენი კაცობრიობას დასაბამიდან თან სდევს და ყველა დროში, როგორც შეუძლია, ისე ებრძვის მას. თუმცა ოცდამეორე საუკუნეშიც ადამიანები და ქვეყნები ჯერ კიდევ ამ ნიშნით იყოფიან: მდიდრებად და ღარიბებად. მიუხედავად მსოფლიოს ათასობით ჰუმანიტარული დახმარების ორგანიზაციის საქმიანობისა, მილიონობით ადამიანს მინიმალური საარსებო საშუალება დღესაც არ გააჩნია და შიმშილით კვდება.

ჯანდაცვის ორგანიზაციის მონაცემებით, ამჟამად მსოფლიოში მოსახლეობის 35 პროცენტზე მეტი შიმშილობს, ყოველ წელში 15-20 კაცი შიმშილით, ხოლო 10 ბავშვი — ინფექციური დაავადებებით იღუპება. ეს შემთავობები სტატისტიკაა. დონორი ორგანიზაციების მიერ გამოყოფილი თანხები არ არის საკმარისი. ნახევარ მსოფლიოს კი თურმე მეორე ნახევრის გადაუხადელი ვალები ახრჩობს.

ეკონომისტების აზრით, ამის ერთერთი მიზეზი დედამიწაზე არსებული რესურსების არასწორი გადანაწილებაა, რამაც, შესაძლოა, მსოფლიოს ომის საფრთხეც კი შეუქმნას. პარადოქსია, მაგრამ ფაქტია, რომ ნედლეული განვითარებად ქვეყნებში მოიპოვება, განვითარებული ქვეყნები კი მსოფლიო სიუხვეს აკონტროლებენ. შესაბამისად, წარმოება და ბიზნესიც განვითარებულ ქვეყნებში ვითარდება, რადგან ღარიბი ქვეყნები ნედლეულს ვერ ამუშავებენ.

სიღარიბესთან ბრძოლა ახალი ქართული სახელმწიფოს ერთერთი პრიორიტეტია. ქვეყანაში მიმდინარე რეფორმები ყველა სფეროში უმთავრესად ამ მიზანს ემსახურება. ჰუმანიტარული დახმარებით ქვეყანა რომ ამ პრობლემას ვერ დაძლეოს, ეს ეკონომისტებმაც იცინა და პოლიტიკოსებმაც.

### შურთხია ბაროშვილი

ემზარ ჯგერენაია, ეკონომიკური მეცნიერებათა კანდიდატი, ფინანსისტი:

— ოცდამეორე საუკუნეში ეკონომიკა ფილოსოფიურად შეიცვალა. დღეს მსოფლიოს ორი მთავარი პრობლემა ანუხებს — რესურსების შეზღუდულობა და მისი არასწორი გადანაწილება. ჩამორჩენილი ქვეყნები ხშირად განვითარებული ქვეყნების მევალებები არიან. მსოფლიოში ვალის მოცულობა 880 მილიარდ დოლარამდე დაგროვდა. ამიტომ განვითარებული ქვეყნები იძულებული არიან დაეხმარონ ღარიბ ქვეყნებს, სადაც სოციალური უკმაყოფილების გამო ტერიორიების, რელიგიური ფანატიზმის და კრიმინალური დანაშაულებების საფრთხე იზრდება. ამიტომ ასეთი ქვეყნები სხვა სახელმწიფოებისთვისაც რეალურ საშიშროებას წარმოადგენენ. მაგალითად, ნიგერიის მოსახლეობის

ძირითადი მასა უღარიბესია, მათი შემოსავალი თვეში 20 დოლარზე კი არ არის. ამის გამო იქ მუდმივად არეულობაა და შეიარაღებული აჯანყებებიც ხშირია.

ბრძოლა სიღარიბის წინააღმდეგ — ეს არის ბრძოლა მსოფლიო უსაფრთხოებისთვის. მსოფლიო ბანკის, გაეროს და სხვა საერთაშორისო ორგანიზაციების მთავარი ამოცანა სიღარიბის დაძლევაა, რაც სოციალურ და პოლიტიკურ დაძაბულობასთან ბრძოლას ნიშნავს, რაც, ამავე დროს, განვითარებულ ბაზარს, ეკონომიკის და ბიზნესის განვითარების უკეთეს პირობებსაც გულისხმობს. ამ მიმართულებით მსოფლიო ბანკი, პერიოდულად, სხვადასხვა კვლევებს აქვეყნებს. ყველა საკითხს რეგიონების მიხედვით შეისწავლიან, რადგან დახმარების მიზნობრივი პროგრამები განახორციელონ.

მსოფლიო იმ დასკვნამდე მივიდა, რომ უმჯობესი იქნება, კვლევების საფუძველზე მიზნობრივი პროგრამები განხორციელებული იქნას და ინფრასტრუქტურა მონეირდეს.



ციელება დაიწყო და ინფრასტრუქტურა მონეირდეს.

იგივე შეგვიძლია ვთქვათ საქართველოზეც. ჩვენთან საკმაოდ დიდი ტრანშები იყო გამოყოფილი, მაგრამ ეფექტი მაინცდამაინც ვერ მოახდინა, რადგან პროექტების შერჩევაში მთელი რიგი ხარვეზები იყო დაშვებული. მიუხედავად ამისა, სოციალურ სფეროში ბევრი საჭირო და კარგი პროექტი განხორციელდა. ქვეყნისთვის ყველაზე მნიშვნელოვანია დემოკრატიული გარდაქმნების განხორციელება. კარგი იქნება, თუ ეს ორგანიზაციები ქვეყანას ღია ეკონომიკაზე გადაყვანაში დაეხმარებიან, ასევე მნიშვნელოვანია კორუფციასთან ბრძოლა. მთავრობის მხრიდან უნდა განხორციელდეს ეფექტური მეწეუმენტი და საინვესტიციო კლიმატის შექმნა.

განვითარებულმა ქვეყნებმა თავიანთ ეკონომიკურ პოლიტიკას კიდევ ერთხელ უნდა გადახედონ, ამასთან, დამოკიდებულება ჩვენც უნდა შევიცვალოთ.

მსოფლიო ბანკის და გაეროს ყველა პროექტს ქვეყნის რომელიმე სფეროში განხორციელებული

რიფორმა უდევს საფუძველად, თუმცა, ხშირ შემთხვევაში, ეს პროექტები არაეფექტურად ხორციელდება. შესაძლოა, ეს გაეროს ბიუროკრატიზმის ბრალია, რომელზეც საქართველოს პრეზიდენტი სამართლიანად ლაპარაკობდა. ამ ორგანიზაციებს დიდი დაფინანსება და საკმაოდ სერიოზული შემოსავლები აქვთ, მაგრამ რატომღაც შედეგებზე პასუხს არ აგებენ. დიდი რაოდენობით ფული იხარჯება და ხშირად ეფექტი არ ჩანს. რეკომენდაცია ქვეყნის რეფორმებთან უნდა იყოს მიბმული.

— როგორ უნდა დაიძლიოს სიღარიბე საქართველოში, რა პრიორიტეტები უნდა გამოიკვეთოს, რომ ქვეყანამ შეძლოს ამ პრობლემის მოგვარება?

— ჩვენი მთავარი მიზანია ეკონომიკური განვითარება. ვერც ერთი დახმარება, დარიგებული ფული და წამალი, საბოლოოდ, პრობლემას ვერ მოაგვარებს. ქვეყანაში დემოკრატიული გარდაქმნის სწორი მექანიზმი უნდა არსებობდეს. შესაძლოა, თუ პროცესები სწორად არ წარიმართა, 2020 წლისთვის ჩვენთან რესურსების არათანაბრი გადან-

აწილების შედეგად დაპირისპირება გაიზარდოს.

ბოლო 4 წლის განმავლობაში საქართველომ ძალიან ბევრ დახმარებაზე თქვა უარი. მთელი აქცენტი გადატანილია ეკონომიკურ განვითარებაზე. მილიარდებიანი ბიუჯეტი 5 მილიარდი გახდა, რაც ნიშნავს, რომ ადამიანების პირდაპირი თუ ირიბი შემოსავალი 5-ჯერ გაიზარდა. მართალია, ფასებმა მოიმატა, მაგრამ ეს პროცესის თანმდევია და ლოგიკურია, ვინაიდან, შემოსავლების ზრდასთან ერთად, ფასებიც იზრდება. მართალია, სახელმწიფო სექტორში მომუშავე ადამიანების რიცხვი შემცირდა, მაგრამ ზოგიერთმა კერძო სექტორში გადაინაცვლა.

აღსანიშნავია, რომ საქართველოში სერიოზული გარდაქმნები უმოკლეს ვადებში განხორციელდება, რაც ყველაზე მთავარია — შეიცვალა მოტივაცია.

— უმუშევრობა სიღარიბის ერთერთი მიზეზია. დასაქმების რა პროცენტია უნდა ამუშავდეს ქვეყანაში, რომ ეს პრობლემა დაიძლიოს?

— მძლავრი ეკონომიკა, ბიზნესის განვითარება თუ პროფესიონალი კადრების დასაქმება, განათლების მაღალ დონესთან არის დაკავშირებული. ამიტომ ჩვენთვის პრიორიტეტი უნდა იყოს უმაღლესი განათლების რეფორმირება. ვერაფერ შემოგვედგება, რომ წლობით ლექსოდეული სისტემა ამოქმედდა, თუმცა ჯერჯერობით არსებობს ხარვეზები, რომელიც გზადაგზა გამოსწორდება.

საერთოდ, ჩვენ ყველა პრობლემა ერთად გვაქვს მოსაგვარებელი: ტერიტორიული მთლიანობის აღდგენა, დასაქმება, ძლიერი ჯარის შექმნა. ყველაფრის სწრაფად გამოსწორება შეუძლებელია, მაგრამ, რაც მთავარია, დინამიკა არსებობს და მიმართულება სწორია.

### ლაბირინთაგზი

### სიანსკა

## აუდიტორიების დანომვრის ამოუცნობი ლოგიკა

### მაკა ლომოქონია

ივანე ჯავახიშვილის თბილისის სახელმწიფო უნივერსიტეტში აუდიტორიებისა თუ კაბინეტების დანომვრა, რბილად რომ ვთქვათ, გამოუცნობი ლოგიკას ექვემდებარება. საჭირო აუდიტორიის არა მხოლოდ სტუდენტები, პროფესორ-მასწავლებლებიც ძნელად აგნებენ.

„მიმანია, რომ აუდიტორიების, კაბინეტების, სხვადასხვა დანიშნულების ოთახებისა თუ სათავსოების გადანომვრის პრობლემა რაც შეიძლება სწრაფად უნდა მოგვარდეს. ამ მხრივ უნივერსიტეტში ნამდვილი ქაოსი სუფევს! შესაცვლელია უნივერსიტეტის ნუმერაციის სისტემა, რის შესახებ მსჯელობა უკვე დაიწყო და საკითხის მოგვარება სარემონტო-საექსპლუატაციო განყოფილების უფროსს, პროფესორ ანდრეასთან და დიზაინერს ზაზა ჯინჭარაძეს დავაულებთ“ — განაცხადა თსუ-ის მატერიალური რესურსების დეპარტამენტის უფროსის მოვალეობის შემსრულებელმა თამაზ კრავიშვილმა.

რაც შეეხება ნუმერაციის სისტემას, უნივერსიტეტის ადმინისტრაციისათვის ყველაზე მისაღები თამაზ კრავიშვილის მიერ შეთავაზებული ვარიანტი აღმოჩნდა. ეს გახლავთ სასტუმროებში დამკვიდრებული ნუმერაციის პრაქტიკა, ანუ როდესაც ოთახის ნომრის პირველი ციფრი სართლის ნომრს ემთხვევა. მთელ მსოფლიოში წარმატებულად აპრობირებული ამგვარი სისტემა საუკეთესოა ადვილად მიგნების თვალსაზრისით.

ბიოლოგების კორპუსი ბლოკებად

დაიყოფა და ოთახებიც შესაბამისად გადანომვრება. ნებისმიერი საუნივერსიტეტო კორპუსის ფლიგელების შესასვლელში იქნება წარწერა, რომელიც ამ ფლიგელში განთავსებული ოთახების ნომრებს მიაჩნებენ. რთული გადასაწყობია უნივერსიტეტის მეორე კორპუსი. აქ ოთახებს, რა თქმა უნდა, სართულების შესაბამისად დანომრავენ, თუმცა კორპუსის მარჯვენა და მარცხენა ფლიგელზე დაიყოფა და შესასვლელში მიმართულების მიმანიშნებელი ისრები დაიკიდება. რაც შეეხება ინფორმაციას, თუ ვის ეკუთვნის კაბინეტი, ცალკე დაფებზე დანერვენ.

მთავარია და აუცილებელია, რომ ნებისმიერი კორპუსის შესასვლელში საინფორმაციო დაფები ნომრის მიხედვით მიგვანიშნებდეს თუ სად მდებარეობს საძიებელი ოთახი, აუდიტორია თუ კაბინეტი.

გარდა ამისა, უნივერსიტეტში არსებობს აუდიტორიები თავის ისტორიული ნომრებით. ეს აუდიტორიებიც ნუმერაციის საერთო სისტემას დაექვემდებარება, თუმცა, სპეციალურად დამზადებულ დაფაზე მიუთითებენ აუდიტორიის სახელწოდებასა და მის ადრინდელ ნომრებსაც.

„ოთახების გადანომვრის პროცესი, ჩასატარებელი სამუშაოს ხარისხი და ვადები ფინანსურ პრობლემებს უკავშირდება. უბრალოდ უხარისხო დაფების გაკეთება, რომელიც ხვალ და ხვდ კვლავ შესაცვლელი გახდება, არასასურველია. ამიტომ, ჯერჯერობით, საჭირო თანხების მოძიება გვჭირდება. იმედია, ეს ხანგრძლივი პროცესი არ იქნება“, — განაცხადა თამაზ კრავიშვილმა.

## „ბუღალტრული აღრიცხვა და ბიზნესი“ — ახალი პროგრამა თსუ-ში

ივანე ჯავახიშვილის სახელობის თბილისის სახელმწიფო უნივერსიტეტის ბიზნესისა და ეკონომიკის ფაკულტეტზე „ბუღალტრული აღრიცხვა და ბიზნესი“ პროგრამის პრეზენტაცია შედგა. მსგავსი ტიპის პროგრამა თბილისის სახელმწიფო უნივერსიტეტში პირველია.

პროგრამის მიზანია, მოამზადოს ბუღალტრული აღრიცხვისა და აუდიტის მაღალი დონის სპეციალისტები, რომლებიც ქართულ და უცხოურ წამყვან ორგანიზაციებში დასაქმდებიან.

„მართალია, უნივერსიტეტი თანამშრომლობს ცნობილ ფირმებთან და ორგანიზაციებთან, მაგრამ ჩვენთვის ყველაზე მნიშვნელოვანია ქართველ ბიზნესმენებთან მჭიდრო ურთიერთობების დამყარება. ერთერთი ასეთი გამორჩეული ქართული კომპანიაა სააქციო საზოგადოება „მადნეული“. უნივერსიტეტისთვის მნიშვნელოვანია, რომ მისი კურსდამთავრებული აკმაყოფილებდეს შრომითი ბაზრის მოთხოვნებს, რომლის უზრუნველყოფას სწორედ ასეთი პროგრამებით შევძლებთ“, — განაცხადა შეხვედრაზე თბილისის სახელმწიფო უნივერსიტეტის რექტორმა გიორგი ხუბუამ.

„ბუღალტრული აღრიცხვისა და აუდიტის“ პროგრამა მატერიალურ-ტექნიკური ბაზით უზრუნ-

ველყო სააქციო საზოგადოება „მადნეული“, რომელიც მზად არის დაასაქმოს იმდენი სტუდენტი, რამდენსაც საწარმოს საქმიანობა მოითხოვს.

„უნდა ვაღიარო, რომ კომპანია „მადნეული“ ამ დარგის სპეციალისტების ნაკლებობას ყოველთვის განიცდიდა. ამან განაპირობა ჩვენი მოთხოვნა „ბუღალტრული აღრიცხვისა და აუდიტის“ პროგრამის კურსდამთავრებულებზე. სტუდენტები სტაჟირებას გაივლიან კომპანია „მადნეული“-ში. მათგან საუკეთესოები

კი სამუშაოდ ჩვენთან დარჩებიან“, — აღნიშნა კომპანია „მადნეულის“ სამეთვალყურეო საბჭოს თავმჯდომარემ კობა ნაყოფიამ.


„ბუღალტრული აღრიცხვისა და აუდიტის პროგრამით“ ეკონომიკისა და ბიზნესის ფაკულტეტის 20 წარჩინებული სტუდენტი ისწავლის. უახლოეს მომავალში ეკონომიკისა და ბიზნესის ფაკულტეტს „ბუღალტრული აღრიცხვისა და აუდიტის“ სამაგისტრო პროგრამაც ექნება.



სტუდენტები დეკანატებისგან დროულ განმარტებას ითხოვენ

„ჩვენ ყველაფერს გვიან ვიგებთ!“ — ასეთ პრეტენზიებს გამოთქვამენ სტუდენტები ზოგიერთი დეკანატის საყურადღებოდ, რომლებიც მათ სასწავლო პროცესთან დაკავშირებულ ახალ გადამწყვეტილებებსა და ოფიციალურ ინფორმაციებს თურმე ხან დროულად, ხან კი გასაგებ და პოპულარულ ენაზე არ აწვდიან.

გვინდა შევახსენოთ სტუდენტებს, რომ ყველა ინფორმაცია მათ შეუძლიათ იხილონ თსუ-ის ინტერნეტ-საიტზეც.



ჩაბით სტუდენტურ ფორუმში: www.forum.tsu.ge

უნივერსიტეტში სტუდენტთა ერთი ჯგუფის ინიციატივით შეიქმნა სტუდენტთა ფორუმი, რომლის მისამართია: www.forum.tsu.ge ეს ფორუმი შეიქმნა არა მხოლოდ სტუდენტებისთვის, არამედ სასწავლო პროცესთან დაკავშირებულ პრობლემებზე ლექტორებთან სასაუბროდ პროფესორ-მასწავლებლებისთვისაც. ფორუმის შექმნის მიზანი სტუდენტებსა და პროფესორ-მასწავლებლებს შორის ვირტუალური ურთიერთობის ჩამოყალიბების მცდელობაა. როგორც ფორუმის შექმნის ინიციატორმა სტუდენტებმა გვაცნობეს, ამ ინიციატივას სტუდენტური თვითმმართველობა მისცემდა.

სტუდენტური კლუბი Press

„გავუფრთხილდეთ ერთმანეთის კულტურას!“

სტუდენტები კახის ქერმუხის წმინდა გიორგის ეკლესიის კარის აჭედვას აპროტესტებენ



საქართველო

18 ოქტომბერს თსუ-ისა და ფილიპე გოგიჩაიშვილის სახელობის იურიდიულ-ეკონომიკური ინსტიტუტის 40-მდე სტუდენტმა საქართველოში მოქმედ აზერბაიჯანის საელჩოს შენობასთან საინფორმაციო ქერმუხის წმინდა გიორგის სახელობის ეკლესიის აჭედვის ფაქტი გააპროტესტა. ახალგაზრდებმა საკუთარი პოზიცია მოკრძალებულ ფორმად გამოხატეს. მათ ვაკეში მდებარე წმინდა გიორგის სახელობის ეკლესიიდან საელჩოს შენობამდე გზა ფეხით გაიარეს და აზერბაიჯანის საელჩოს სახელზე დაწერილი საგანგებო მიმართვა იქვე, შესასვლელში დატოვეს.

„საქართველო ის ქვეყანაა, სადაც საუკუნეების განმავლობაში სხვადასხვა რელიგიური და ეთნიკური ჯგუფის წარმომადგენლები მეგობრულ და ტოლერანტულ გარემოში თანაცხოვრობდნენ. ერთად არსებობდნენ მართლმადიდებლური ეკლესიები, მუსლიმანური მეჩეთები, ებრაული სინაგოგები... ამ ფონზე აზერბაიჯანული მხარის დამოკიდებულება ქართული ეკლესია-მონასტრებისადმი სწორად არ მიგვაჩნია. ვფიქრობთ, ქართულ მრევლს უფლება აქვს, თავისუფლად ჩაატაროს ღვთისმსახურება აზერბაიჯანის ტერიტორიაზე არსებულ ძველ ქართულ ეკლესია-მონასტრებში. ქართველი სტუდენტების სახელით გთხოვთ, ადგეს ღვთისმსახურება ქერმუხის წმინდა გიორგის სახელობის ეკლესიაში. ჩვენი თხოვნაა, ვიყოთ ტოლერანტული! პატივი ვცემთ და გავუფრთხილდეთ ერთმანეთის კულტურას!“ — ნათქვამია სტუდენტურ მიმართვაში. როგორც აქციაში მონაწილე სტუდენტებმა განმარტეს, მათ ფართომასშტაბიანი და აგრესიული ფორმის მიტინგის გამართვას თავი შეგნებულად აარიდეს, თუმცა დარწმუნებული არიან, რომ ქვეყანაში არ არსებობს არც ერთი მართლმადიდებელი ქრისტიანი, რომელსაც განსხვავებული პოზიცია შეიძლება ჰქონდეს. აზერბაიჯანის საელჩოს დაცვის თანამშრომლებმა სტუდენტებს ტარნ-

ფარანტების მესერსა და შენობის კედლებზე გაკვრის საშუალება არ მისცეს, რის გამოც, ისინი, იძულებული გახდნენ, აქციის მთავარი ლოზუნგები: „ვიყოთ ტოლერანტული“ და „გავუფრთხილდეთ ერთმანეთის კულტურას!“ იქვე მდებარე საცხოვრებელი კორპუსის კედელზე გამოეფინათ. მათ საელჩოს წინ საინფორმაციო ტერიტორიაზე მდებარე ეკლესია-მონასტრების ამსახველი ცოცხალი ფოტო-გამოფენა მოაწყვეს. ფოტო მასალა ამავე სტუდენტებმა გაზაფხულზე საქართველოს ამ ძირძველი კუთხის მონახულებისას შეაგროვეს.

საინფორმაციო ერთადერთი მოქმედი ქართული ეკლესიის კარის აჭედვის შესახებ ინფორმაცია 15 ოქტომბერს „ადამიანის უფლებათა ცენტრმა“ გაავრცელა. ტაძარი უკვე ორი კვირაა, დაკეტილია და იქ ქართველებს არ უშვებენ. ამავე ცენტრის ცნობით, კახის ქერმუხის წმინდა გიორგის ეკლესიის კარი აზერბაიჯანელებმა აჭედეს და წირვა-ლოცვის განახლების შემთხვევაში, ქართველებს ფიზიკური ანგარიშსწორებით ემუქრებიან.

საინფორმაციო ქართული მოსახლეობის განცხადებით, ადგილობრივმა აზერბაიჯანელებმა ქართველ მოძღვარს ეკლესიის კარის გასაღები ძალით წაართვეს.

ცენტრის ინფორმაციით, მომხდარის გამო, ისტორიულ ჰერეთში მცხოვრები ქართველები უკიდურესად აღშფოთებულნი არიან, მაგრამ წმინდა ანდრეას ვერ ბედავენ და დახმარებას ქართულ საზოგადოებას თხოვენ.

მათივე თქმით, აზერბაიჯანელების მიერ საინფორმაციო მცხოვრები ქართველების მიმართ ზეწოლა განსაკუთრებით მას შემდეგ გაძლიერდა, რაც გაუგებარი მიზეზების გამო საქართველო-აზერბაიჯანის დამაკავშირებელი სამთაწაროს ხიდი ჩაიკეტა. საინფორმაციო და კახეთში, კერძოდ კი, დედოფლისწყაროს რაიონში მცხოვრები ჰერები უკვე ორი წელია, ერთმანეთს ვეღარ უკავშირდებიან.

როგორც ცენტრში აცხადებენ, ინციდენტმა დახმარებისთვის არა ერთხელ მიმართეს როგორც საქართველოს პრეზიდენტს, ასევე, საქართველოს პარლამენტის წევრებს, ოპოზიციას, მაგრამ - უშედეგოდ.



შეხვედრა

მოკლედ

როდის ჩატარდება ერთიანი სამაგისტრო გამოცდები?

ინო ბერელიძე

განათლებისა და მეცნიერების მინისტრის მოადგილე ბელა ნიფურია თბილისის სახელმწიფო უნივერსიტეტის სტუდენტური თვითმმართველობის ინიციატივით თსუ-ის სტუდენტებს შეხვდა. მან საჯარო ლექცია წაიკითხა უმაღლესი განათლების რეფორმის მიმდინარეობის შესახებ, სტუდენტების პრობლემები მოისმინა და დასმულ შეკითხვებსაც უპასუხა.

ქალბატონმა ბელა ნიფურიამ სტუდენტებს მოკლედ უამბო იმ ცვლილებებისა და პრიორიტეტების შესახებ, რასაც განათლების რეფორმა ითვალისწინებს. მისი განმარტებით, უკვე დასრულდა რეფორმის პირველი ეტაპი, რაც გულისხმობს, რომ არსებობს საკანონმდებლო ბაზა, კრედიტების დაგროვების ევროპული სისტემა, უმაღლესმა სასწავლებლებმა გაიარეს ინსტიტუციური აკრედიტაცია და ემზადებიან პროგრამული აკრედიტაციისათვის, სასწავლებლებში ჩამოყალიბდა და აირჩა მართვის ორგანოები და ა.შ.

ამერიიდან კი იწყება მნიშვნელოვანი, მეორე ეტაპი, როდესაც სტუდენტები აქტიურად უნდა ჩაებან სასწავლებლის მართვის პროცესში.

„უმაღლესი განათლების რეფორმა მთლიანად სტუდენტზეა ორიენტირებული. თუმცა, მნიშვნელოვანია, თავად სტუდენტი იყოს აქ-

ტიური და მოტივირებული ამისათვის. სასწავლებლებმა კი იმაზე უნდა იზრუნონ, რომ მათ ხარისხიანი განათლება შესთავაზონ და სწავლისათვის ხელსაყრელი პირობები შეუქმნან“, — განაცხადა მინისტრის მოადგილემ.

ბელა ნიფურიამ იმ ცვლილებებზე ისაუბრა, რაც უახლოეს მომავალში განათლების სისტემაში განხორციელდება. აქედან, მთავარია, ეროვნული საკვალიფიკაციო ჩარჩოს შექმნა, რომელზედაც განათლების სამინისტრომ მუშაობა უკვე დაიწყო და რომლის ფარგლებშიც მოხდება სასწავლო პროგრამების შინაარსის შესაბამისობა ევროპულ საგანმანათლებლო პროგრამებთან.

ბელა ნიფურიამ ისაუბრა სამაგისტრო გამოცდების შესახებ და აღნიშნა, რომ აქამდე თითოეულ უმაღლეს სასწავლებელს შეეძლო, თავად განესაზღვრა სამაგისტრო პროგრამის ჩატარების წესი. მინისტრის მოადგილის განმარტებით, სავარაუდოდ, 2008 ან 2009 წლის შემოდგომიდან მაგისტრანტებისთვის ჩატარდება ერთიანი სამაგისტრო გამოცდა, რომელსაც შეფასებისა და გამოცდების ეროვნული ცენტრი განახორციელებს, რის შემდეგაც უმაღლესებს დამატებითი გამოცდის ჩატარების უფლება ექნებათ.

შეხვედრაზე საუბარი მომავალში კრედიტების დაგროვების სისტემასაც შეეხო. როგორც ცნობილია, ბაკალავრის ხარისხი მიენიჭება იმ სტუდენტს, რომელიც დაა-



გროვებს 240 კრედიტს, შესაბამისად, თითო სემესტრში 30 კრედიტის ოდენობას. როგორც შეხვედრაზე ბელა ნიფურიამ განაცხადა, უახლოეს მომავალში სტუდენტს უფლება ექნება იმდენი კრედიტი ან საგანი აირჩიოს, რამდენიც დაძლევას შეძლებს. შესაბამისად, დასაშვებია თითოეულმა სტუდენტმა რამდენიმე წლის განმავლობაში მოახერხოს 240 კრედიტის დაგროვება. ეს მეთოდი აპრობირებულია უცხოეთის საგანმანათლებლო სივრცეში, რომლის სრულყოფილი ნაწილია ნეკრი საქართველო 2010 წლისთვის უნდა გახდეს.

ქიმიის დარგს პოპულარიზაცია სჭირდება

11-დან 14 სექტემბრამდე უნივერსიტეტმა უმასპინძლა კავკასიის ქვეყნების სამეცნიერო სიმპოზიუმს, რომელიც პოლიმერებისა და პოლიმერული მასალების ქიმიას მიეძღვნა.

სიმპოზიუმის თანაორგანიზატორი იყო საფრანგეთის მონპელიეს უნივერსიტეტის მუშაობაში მონაწილეობდნენ მეცნიერები საფრანგეთიდან, უკრაინიდან, პოლონეთიდან, ყაზახეთიდან, სომხეთიდან, ფინეთიდან და რუსეთიდან. ერთერთი ორგანიზატორის, პროფესორ ომარ მუჰკანიანის განცხადებით, სამეცნიერო ღონისძიების მაღალ დონეზე ჩატარებას ხელი შეუწყო თსუ-ის დამფუძნებლებმა და საფინანსო განყოფილებამ.

სიმპოზიუმს სტუმრობდა საფრანგეთის მონპელიეს უნივერსიტეტის პროფესორი მარკ აბადი, რომელიც ახალი სასწავლო წლიდან თბილისის სახელმწიფო უნივერსიტეტის პირველი კურსის სტუდენტებს ლექციებს ვიდუოდვალის მეშვეობით წაუკითხავს.

დასკვნით სხდომაზე მონაწილეებმა მიიღეს დადგენილება, რომ ანალოგიური ღონისძიება ყოველ სამ წელიწადში ერთხელ გაიმართოს. შემდგომი სიმპოზიუმი ჩატარდება ბათუმში 2010 წლის სექტემბერში.

# სტუდენტთა გულწრფელი ინტერესები ვაზის ფოთლებში მოიხსნება პოლიტიკური ფიქრების წინააღმდეგ



## პირველი გვერდიდან

პრობლემები სოფლის მეურნეობისა და, კერძოდ, მევენახეობის დარგში, სხვა ნებისმიერი სფეროს მსგავსად რეალურია. თითოეული მოქალაქე დათრგუნა ცოტა ხნის წინ ტალღევიზიით ნაჩვენებმა უსიამოვნოდ პარადოქსულმა პრეცედენტმა, როცა ვაზთან ურთიერთობაში „გამობრძმედილმა“ კახელმა გლეხმა ნაჯახს ხელი სტაცა და მნიშვნელოვანი შესულ ვაზს გამეტებით წაუშინა. საინტერესოა, ვაზის გაჩეხვის შემდეგ ამ კაცს უსამართლობით ავსებული ფილა შეუმსუბუქდა თუ უფრო მეტად დაუმძიმდა? მაგრამ ფაქტია, რომ საზოგადოება დაფიქრდა...

რადგან თანამედროვე ცხოვრების დინამიკა არც ხანგრძლივად ფიქრის დროს იძლევა, ამავე საზოგადოების ყველაზე ჯანსაღი და ახალგაზრდა ნაწილი რთულში მონაწილეობა გადაწყვიტა. თბილისის უმაღლესი სასწავლებლების სტუდენტური თვითმმართველობების ორგანიზებით 6 ოქტომბერს კახეთის რამდენიმე რაიონში ერთდროულად რამდენიმე აქცია, „სტუდენტური რთველი — 2007“ გაიმართა.

სასოფლო-სამეურნეო საქმიანობაში სტუდენტების ჩაბმა წინამორბედი თაობისთვის კომუნისტური ტრადიციების გადმონათად აღიქმება, თუმცა უნდა ვაღიაროთ, რომ ყურძნის მოსავლის დაბინავებაში მონაწილეობის ინიციატივა ამჟამად თავად სტუდენტებისგან მოდის და შრომაც ნებაყოფლობითაა.

ივანე ჯავახიშვილის სახელობის თბილისის სახელმწიფო უნივერსიტეტის სტუდენტთა 70 წევრიანი ჯგუფი გურჯაანის რაიონის სოფელ ჩუმლაყის ერთერთ ვენახში ისე აღმოჩნდა, რომ არცერთი მათგანი არც რთველის შემდეგ დაინტერესებულა მისი მეპატრონის ვინაობით. ყველაფერი თსუ-ის სტუდენტური თვითმმართველობის კულტურის დეპარტამენტის თავმჯდომარის თეონა ჭალიძის ექსპრომტად გაჩვენებული იდეის საფუძველზე მოხდა. მან ერთ ჩვეულებრივ დღეს ტელევიზიით ოქტომბრის თვის ამინდის გრძელვადიანი პროგნოზი მოისმინა, სადაც ითქვა, რომ მოსალოდნელია თუნდაც სიმბოლური ნვლილის შეტანა შესაძლებელი. „მეორე დღესვე დავრეკე სოფლის მეურნეობის სამინისტროს ცხელ ხაზზე, საიდანაც იმ განყოფილებასთან დამაკავშირეს. რთველიც რთველის პროცედურებს კურირებს. შევატყობინე სტუდენტებსაც და ყველაფერი ერთმანეთის დახმარებით დაგეგმეთ. რთველში ნასვლის სურვილი ყველა ფაქტობრივად გამოითქვა და სტუდენტების რაოდენობა იმდენად დიდი აღმოჩნდა, რომ ყველას დაკმაყოფილება ვერ მოხერხდა“, — თქვა მან.

გამგზავრებამდე ერთი შეხედვით უმზეო ამინდი გურჯაანში შესვლისთანავე სასიკეთოდ შეიცვალა, წინასამუშაო განწყობა თეთრი მაისურებითა და „ქეპებით“ ეკიპირებამ გააათქვეცა და მოხდა ისე, რომ სტუდენტების მასპინძლებს ზუსტად ორ საათში 5 ტონიანი ლაფეტის ორჯერ დაცლა მოუხდათ.

ერთმანეთის მხარდამხარ ყოფნას რა ჯობია, მაგრამ დაკრეფილი ყურძნის ჩაბარება მთავარი პრობლემაა, ყურძენი ისეთი მოიყვანეს გლეხებმა, კაცის თვალი ვერ გაძლება მათი ცქერით და ყურებითო — შიგადაშიგ ისმოდა მეზობელი ვენახის დარაჯებისა თუ მეპატრონეების გაღეჟილი რეპლიკები, მაგრამ მუშაობასა და სიმღერაში გართულ სტუდენტებს ეს არ გაუფიქრიათ.

ადგილობრივი მოსახლეობის ძირითადი პრობლემა ყურძნის ჩასაბარებელი ფასის 30 თეთრამდე შემცირებაა. იმის გამო, რომ ღვინის ქარხნები ამაზე მეტად მოკრეფილ ყურძენს არ იბარებენ, ან საკუთარი ვენახები აქვთ და ცალკეული პირების ყურძენი არ

სჭირდებათ, გლეხობა უარს ამბობს საკუთარი ხელით მოყვანილი ყურძნის დაკრეფაზე.

„რთველმა რთულად ჩაიარა. რადგან ღვინის ქარხნები ყურძენს არ იბარებენ, გლეხები ვენახს არ კრეფენ. გლეხის ყურძენი არავის უნდა, ცხოვრება ჭირს, არც ტექნიკა გვაქვს. მოსავლის მოყვანა ძვირი ჯდება და მისი ჩასაბარებელი ფასი ამიტომ არის მიუღებელი. ამის გამო, ზოგმა ყურძენი გადაყარა და ვაზი გაჩეხა, მის ადგილას ატამს, პომიდორს მოიყვანს და ამოიხსნის. არადა, წინათ ვაზის გაჩეხვისთვის 3 წელი ციხე იყო. ვასავალი არც დანურულ ღვინოს აქვს. მთავრობამ შაბიამანი მაინც უნდა გააიფოს და გლეხის შრომასა და საკუთარ ინტერესებს შორის პროპორცია დიცივას“, — აგვისსენს კახელმა გლეხებმა.

კახეთში მიმდინარე რთველი ხელისუფლებას ყურადღების მიღმა რომ არ დაუტოვებია, სადავო ნაშენებელი არ არის, რადგან ვენახში სოფლის მეურნეობის მინისტრი პეტრე ცისკარიშვილი თავადაც ვიხილეთ. როგორც მინისტრმა აღნიშნა, უკვე ერთი თვეა, კახეთის ხშირი სტუმარია და შიგადაშიგ არც საკუთარი ხელით ყურძნის კრეფაზე ამბობს უარს. „წელს კახეთში დაახლოებით 180-200 ათასი ტონა ყველა ჯიშის ყურძნის მოსავალი მოვიდა, ყველაფერი გეგმაზომიერად მიდის. პროდუქციის მოთხოვნა იმაზე მეტია, ვიდრე გვეგონა. იმ პირობებში, როცა ღვინის დარგში ყველაზე დიდ სავაჭრო პარტნიორს, რუსეთის პოლიტიკური ემბარგო აქვს გამოცხადებული და ჩვენი ექსპორტიდან, დაახლოებით, 45 მილიონი ბოთლი ღვინო აღარ გადის რუსეთში, ყურძენზე მოთხოვნის შემცირება მოსალოდნელი იყო. მას შემდეგ, რაც შევქმენით სერიოზული საკანონმდებლო ბაზა ფალსიფიცირების წინააღმდეგ ბრძოლის კუთხით, რთველი, კახეთის გარდა, უკვე მთელი საქართველო ჩაერთო, რადგან ყურძენზე რეალური მოთხოვნა გაჩნდა. ჯიშის და ხარისხის მიხედვით ფასები სხვადასხვაა, რომელიც 30-35 თეთრიდან 50 თეთრამდე მერყეობს. ვინც ვენახს კარგად უწლის და პეტრეზე ბევრი მოსავალი მოჰყავს, იმას ვაზის მოვლა მიღებული მოსავლის ჩაბარებაზე ძვირი არანაირად არ დაუფდება“, — განმარტა პეტრე ცისკარიშვილმა.

ვენახის მეპატრონე, რომელსაც თსუ-ის სტუდენტებმა მოსავლის დაბინავებაში „ხელი ნაშეველეს“, რიგითი ადგილობრივი მოსახლე, გურჯაანის გამგეობის ყოფილი თანამშრომელი შალკო უმსარაველი აღმოჩნდა. ყურძნის მოყვანა-ჩაბარებასთან დაკავშირებით პრობლემების არსებობა არც მან უარყო, თუმცა არც სტუდენტების ყრიაშული გამოწვეული სიხარული დაუმალავს. „რომ გავიგე, ახალგაზრდები ვენახის დასაკრეფად მოდიანო, გამიხარდა. 12 ტონამდე ყურძენი

მოვიდა, ბავშვები რამდენსაც განვდებთან, იმაზეც მაღლობელი დავრჩები. ჩემი ვენახი ახალია, წელს ბოლომდე არ დავტვირთე, მაგრამ მომავალ წელს ნამდვილად ამაზე მეტი მოსავალი მექნება. ცუდი ის არის, რომ ყურძენს რაიონში სულ რამდენიმე ქარხანა იბარებს და გლეხს პროდუქციის ჩამბარების მოძებნა უჭირს“, — აღნიშნა მან. სტუდენტების მიერ დაკრეფილი ყურძენი ღვინის კომპანია „ნავისის ველისთვის“ იყო განკუთვნილი, სადაც ამავე სახელობის ღვინოს ჩამოასხამენ, თუმცა ჩამბარებულს აქვს უფლება, ბოთლით ჩამოსხმული პროდუქცია ბაზარზე მისთვის სასურველი სახელწოდებითაც გაიყიდოს.

როგორც სტუდენტური რთველის მიმდინარეობით და მიღებული შედეგით აღფრთოვანებულმა „რთველი 2007“-ის კოორდინატორმა დავით ბერიძემ აღნიშნა, კახეთში რთველი ორ კვირაში მთლიანად დასრულდება. ქარხნებს, ფერმერებსა და გლეხებს შორის დადებული ხელშეკრულების საფუძველზე შესყიდული ყურძნის რაოდენობა ცოტა არ არის და არც ღვინის ჩამოსხმა იქნება რთული. „რა თქმა უნდა, პრობლემები ყოველთვის არსებობდა და ახლაც არსებობს, მაგრამ საქმე ისე ნამდვილად არ არის, რომ ვენახის გაჩეხვის ცალკეულ პრეცედენტს ხალხმა მხარი აუბას. უბრალოდ, გლეხს მეტი აქტიურობა მართებს ვენახის მოყვანისა და შემდეგ მოსავლის ჩამბარებელი ობიექტის მოძიებისას“, — აღნიშნა დავით ბერიძემ.

უკვე განხორციელებული სტუდენტური იდეის ფონზე ახალგაზრდებმა შესამურად იმრომეს და იხალისეს კიდევ. ყურძნის კრეფაში აზარტულობის ხარისხზე უფრო მეტად მათი უმრავლესობის გამოუცდებლობამ და ამით გამოწვეული ინტერესმა იმოქმედა. იმის მიუხედავად, რომ ზოგიერთი მათგანი რთველში პირველად არ იყო, ყურძნის საჭრელად დარიგებულ დანებზე თითქმის თითქმის ყველამ „შეიჭრა“. სამაგიეროდ, გამოუცდებლობა არ დატყობია მათ ცეკვა-სიმღერას. გოგონებს ყველაზე მეტად დაკრეფილი ყურძნით დამიმბული ვედროების გამოტანა უჭირდათ, ბიჭები კი, უპრეტენზიოდ ასრულებდნენ ორმაგ სვლას და ლაფეტი თვალის დახამბავებაში რამდენჯერმე, შესაძლოა, ამიტომაც შეივსო. სტუდენტები ცოტა დილაღლენ, თუმცა ეს არცერთ მათგანს არ დახმარებია. პირიქით, შესვენების მიზნით, ჩრდილში შეკრებილთა შორის მორიგი ინიციატივა გაჩნდა — თვის ბოლოსთვის დასავლეთ საქართველოში მანდარინობა იწყება და დახმარება იქაურ მშრომელებსაც სჭირდებათ. ინიციატივის განხორციელებაში თეონა ჭალიძეს კვლავ სოფლის მეურნეობის სამინისტროს „ცხელი ხაზის“ საფუძვლიანი იმედი აქვს.

„თუ უჭირთ, იცოდნენ, რომ დახმარება შეგვიძლია“ — გულწრფელი მოტივი, რის გამოც სტუდენტები გურჯაანს ესტუმრენ

იურიდიული და სოციალურ და პოლიტიკურ მეცნიერებათა ფაკულტეტების სტუდენტები ირინა ჩიხლაძე და მარი დოლოძე რთველში პირველად მოხვდნენ და ძალიან მოეწონათ:

— მოკრეფა ადვილია, მაგრამ ვედროები ძალიან მძიმდება. მეგობრებთან ერთად ყოფნა, სადაც არ უნდა იყო, ყველგან კარგია, თან მუშაობის დროს სიმღერასაც არაფერი ჯობია. წინა დღით გავიგეთ, რომ ასეთი აქცია იგეგმებოდა და კარგია, რომ საიმი მოხვდით.

მიხეილ სამხარაძე, სოციალურ და პოლიტიკურ მეცნიერებათა ფაკულტეტის თესამე კურსის სტუდენტი, ამავე ფაკულტეტის თვითმმართველობის თავმჯდომარე:

— კიდევ ვმღერო, კიდევ ვხატავ, მაგრამ რთველში დიდი ხანია არ ვყოფილვარ. რა თქმა უნდა, შთაბეჭდილება დიდი იყო, თან ბავშვობა გავიხსენე, თან პირველკურსელებიც გავახარეთ. გვიჩვენებ, კახეთს გვრძნო, რომ ახალგაზრდები მათ მხარში უდგანან. გლეხის მიერ ვენახის გაჩეხვის ფაქტი აღარ უნდა განმეორდეს. თუ უჭირთ, იცოდნენ, რომ დახმარება შეგვიძლია. არა მგონია, საქართველოში ვენახის გაჩეხვის საჭიროება არსებობდეს. სტუდენტებისთვის საინტერესო თავად მოვლენა იყო. ღვინის ფესტივალშიც დიდი სიამოვნებით მივიღებთ მონაწილეობას. საქართველოში ღვინოს რეკლამა არ სჭირდება, მაგრამ საზოგადოებამ საჭიროა, უფრო მეტად დაინახოს, რომ ღვინო არ არის უბრალოდ სასმელი, რომელმაც ქვეყანას მხოლოდ შემოსავალი უნდა მოუტანოს. ის საზღვარგარეთ ჩვენი სახელმწიფოს იმიჯია.

არჩილ კაიკაციშვილი, იურიდიული ფაკულტეტის მეცხრე სემესტრის სტუდენტი:

— იმის გარდა, რომ პირველად ვნახე, როგორ ხდება რთველის მოწვევა, ასევე საფუძველი ჩაეყარა ახალ მეგობრებთან ურთიერთობას. ბევრი თანაუნევერსიტეტელი გავიცანი. კახეთში სტუმრობა სოციალური აქტი იყო: მევენახეობის დარგში არსებობს პრობლემები. ვენახის გაჩეხვის პრეცედენტი, მტკიცებულად აღვიქვი და როგორც ერთ მოქალაქეს, სურვილი გამიჩნდა, რომ რაღაც ფორმით დახმარებოდა ვენახის ნებისმიერ მეპატრონეს. მაქვს თვითკამყოფილების დიდი ინტერესი. ვფიქრობ, უნდა შემუშავდეს სახელმწიფო პროგრამა, რომელიც ყოველწლიურად საშემოდგომო სამუშაოებში ახალგაზრდების ფართოდ ჩართვას შემუშავებს ხელს. ასევე ხელისუფლების მოვალეობაა, მშრომელ ადამიანებს დროულად გადაუჭრას მოსავლის დაბინავებისა და მისი რეალიზების პრობლემები. დღევანდელმა რთველმა აჩვენა, რომ ერთად ყოფნის შემთხვევაში, შედეგად აუცილებლად კარგი გვექნება. ჩვენი მხრიდან ნაბიჯი უკვე გადადგმულია და ეს ერთჯერად სოციალურ აქტად არ უნდა დარჩეს.

სოციალური და პოლიტიკური მეცნიერებათა ფაკულტეტის პირველი კურსის სტუდენტი ქეთი ასათიანიც აღფრთოვანდ რთველში შემდგარი დებიუტით და, ალბათ, პირველად იხანა, რომ სოფელი არა აქვს.

— ყველაზე მეტად მიხარია, რომ გლეხს ყურძნის მოკრეფაში დავეხმარე, თან ისე, რომ მისი გვარი და სახელიც არ ვიცი. თანაკურსელებთან ერთად ქალაქგარეთ პირველად ნამოვედი და უკვე გადავწყვიტე, რომ აქტიურ სტუდენტურ ცხოვრებაში აუცილებლად ჩავეერთო.

აღმოსავლეთ საქართველოში მოსავლის დაბინავების პროცესი დასასრულს მიუახლოვდა. ნომერში სტუდენტები მანდარინობაში მონაწილეობის მისაღებად დასავლეთისკენ გაერმართებიან, თუ, რა თქმა უნდა, მორიგი ქილიკის მსხვერპლი არ გახდებიან.



მომზადდა  
სატიუნა ხატიანაშვილმა



# მარიამ ლორთქიფანიძის ყოველთვიის აქვს უფლება, ყველგან პირველმა თქვას საკუთარი მოსაზრება

## მარიამ ლორთქიფანიძის დაბადებიდან 85-ე წლისთავი

ადამიანის ფასი განისაზღვრება იმით, რასაც ქმნის, თუნდაც მისი ნამოქმედარი სულ მცირედი იყოს. მცირედს კი ნამდვილად ვერ დავარ-ქმევთ იმას, რაც 2007 წლის 11 ოქტომბერს მარიამ ლორთქიფანიძის იუბილის აღნიშვნის ინიციატორებმა, ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარული ფაკულტეტის სტუდენტებმა: ლევან კიკვიძემ, ოლენა აბრამიშვილმა და გიორგი ასტაშაძემ მოახერხეს. სწორედ სიკეთის ქმნის სურვილი, ადამიანურ ბუნებაში ფესვგადგმული ეს გრძობა ამოძრავებდა ამ სამ ახალგაზრდას, როდესაც ზაფხულის ერთ საღამოს, უნივერსიტეტის ბაღში გადანი-ყვეტილება მიიღეს და უნივერსიტეტის რექტორატის მხარდაჭერით განახორციელეს კიდევ.

მოენყო საიუბილეო საღამო, ფოტოგამოვენა, წიგნის „ჩემი გზა (ზოგი რამ რაც გამახსენდა)“ პრეზენტაცია, გამოსაცემად მომზადდა მარიამ ლორთქიფანიძის „სამეცნიერო სტატიების კრებული“, ჩატარდა პროფესორთა და სტუდენტთა სამეცნიერო კონფერენციები, თსუ-ის შემო-ქმედებითა ჯგუფმა, ალექსანდრე უნაფიშვილის ხელმძღვანელობით, ოცდაათწლიანი დოკუმენტური ფილმი „მარიამ ლორთქიფანიძე 85“ გადაიღო. იუბილარის პატივსაცემად თსუ-ის პირველ კორპუსში 85-ე კაბინეტს (საქართველოს ისტორიის წყაროთმცოდნეობის და ისტორი-ოგრაფიის სამეცნიერო კვლევით ლაბორატორიას) „აკადემიკოს მარიამ ლორთქიფანიძის კაბინეტი“ ეწოდა.

### ბაკა ლომონიძე

ყოველდღე, ჭაჭაჭაძის პროს-პექტზე, უნივერსიტეტის ბაღში, პირველი კორპუსის ფოიეში, აუდი-ტორიებზე თუ კაბინეტში უსათუოდ მოპკრავთ თვალს მშვიდი ნაბიჯე-ბით მიმავალ ჭაჭარა ქალბატონს, ზოგჯერ მომღიმარს, ზოგჯერ სევ-დიანს, ჩაფიქრებულს. ეს მარიამ ლორთქიფანიძეა - ადამიანი, რომ-ლის სახელი და გვარი საქართველო-ში ყველამ იცის. ქალბატონი, რომელიც საუკეთესო მოგონებე-ბით დასახლებულა გარშემო მყოფ-თა გულში: პატარა, გამზდარ გოგ-ონას თავიდან აღმაცურად უყურებდნენ კლასში, მერე ნი-ჭიერებით, სიბეჯითითა და თავმოყ-ვარებით გამორჩეულა, და როგორც საუკეთესო მონაწილე, სკოლა ოქროს მედლით დაუმთავრებია. მეგობრობა და გვერდში დგომაც განსაკუთრებუ-ლი სცოდნია, ალბათ ამიტომ, პიო-ბაზე — ვის კლასში ხარ? მარიამ ლორთქიფანიძის, — პასუხობდნენ მარიამის თანაკლასელები. „მარიამსთან სტუდენტობა გან-საკუთრებულად გვიყვარდა, თანაც,

პატივითი მაშინ მარტო მაგას ჰქონ-და — ეგ კი, მოგესხენებათ, „დიდი „როსკოში“ იყო. ვუსმენდით ფირ-ფიტებს, ვერთობოდით, „ბრის ილი მიაუს“ ვთამაშობდით“, — იხსენებს ქალბატონი მარიამის სიყრმის მე-გობარი ოთარ ჯაფარიძე.

60-იან წლებში ეროვნული ისტო-რიებისა და ენების წინააღმდეგ გეგ-მაზომიერი ბრძოლა დაიწყო. შე-მუშავდა თვალსაზრისი, რომ საბჭო-თა კავშირი ერთი სახელმწიფოა და მისი ისტორია შეწყვეტილია უნდა იყოს წარმოდგენილი. „სსრკ ისტო-რია“ წოდებულ სახელმძღვ-ანელოში საქართველოს ისტორიას მხოლოდ 15 გვერდი დაეთმო. ეროვნული ისტორიის პოზიციების დამცველთა რიგებში მაშინ ქალბა-ტონი მარიამიც ჩადა. ამ ადამიან-თა ძალისხმევით, საქართველოს ისტორია ვერ ამოღეს საშუალო სკოლის პროგრამიდან — ეს კი კო-მუნისტური რეჟიმის პირობებში საკმაოდ რთული მისაღწევი გახლ-და.

1988 წელს თბილისის სასულიერ-ო აკადემიაში განაახლა მუშაობა. მრავალი სასულიერო თუ საერო პირი ამ ფაქტს სკეპტიკურად უყურებდა და მიაჩნდათ, რომ სა-



სულიერო აკადემიას კომპეტენ-ტური კადრები არ ჰყავდა. იმ დღი-დან მოყოლებული ქალბატონი მარ-იამი თბილისის სასულიერო აკა-დემიის პროფესორი გახლავთ.

გმირობის ტოლფასი მაგალითებ-ის მოყვანა უსასრულოდ შეიძლება ამ ადამიანის ცხოვრებიდან. ქართვე-ლიებით აღსავსე ბიოგრაფიის ფონზე უსათუოდ უნდა აღინიშნოს ერთი ფაქტიც: თუ ადამიანი ამა თუ იმ პოლიტიკური მოვლენის მონაწილეა, ეს მისი დანაშაული როდია. ნების-მიერი მოქალაქისთვის, მითუმეტეს ისტორიკოსისთვის, საზოგადოე-ბრივი პოზიციის დაფიქსირება ბუნე-ბრივი საქციელია. ასაკი დანაშაული არ გახლავთ და იგი სხვისთვის გაღი-ზიანებისა და ჩრდილის მიყენების მიზეზად არ უნდა იქცეს.

„ვისაც კომუნისტური რეჟიმის პირობებში არ უმუშავია (პირველ რიგში, ისტორიკოსებს, საქართვე-ლოს ისტორიის მკვლევარებს ვგულისხმობ), გაუჭირდება იმის გაგება, თუ როგორი მარწმუნების ქვეშ იმყოფებოდნენ ისინი... ვინც მუშაობს, მას შეეცდომა მოსდის, უშეცდომო მხოლოდ ისაა, ვინც არაფერს აკეთებს“, — მიაჩნია ქალ-ბატონი მარიამს.

სწორედ ამიტომ, დღესდღეო-ბით ქალბატონი მარიამი ქართველი ხალხის შეგნებული ნაწილის პა-ტივისცემასა და აღიარებას იმსახ-ურებს. ამიტომ თამამად აცხადებს,

რომ არასოდეს ჰქონია უკმარისო-ბის განცდა ახლობლებისა თუ კოლეგების მხრიდან, რომ ყოველთვის სათანადოდ იყო დაფასებული. 85 წლის იუბილეზე საკუთარი მოსწავლეების მონ-დობებამ კი, როგორც თავად აცხა-დებს, რამდენიმე წლის სიცოცხლე შემატა.

„რთულია დამისახურო სიყ-ვარული სტუდენტების მხრიდან. ამგვარ ჯილდოს მხოლოდ დიდი შრომის, მეცნიერული ნიჭიერებისა და მრავალწლიანი კეთილსინდის-იერი საქმიანობის შედეგად თუ მოი-პოვებს პროფესორი“, — განაცხა-და საიუბილეო საღამოზე თსუ-ის რექტორმა გიორგი ხუბუამ.

მართლაც, დაუსრულებლად შეიძლება ვისაუბროთ ქალბატონ მარიამ ლორთქიფანიძის სამეცნიერ-ო დამსახურებაზე. პირველი ქართული უნივერსიტეტის სამეც-ნიერო წრეების კორიფების მოს-წავლესა და კოლეგაზე.

„მე ქართული მეცნიერების განვითარებისა და მისი ტრიუმფის მომსწრე ვარ, კარგად მახსოვს, როგორ იმსახურებდნენ მსოფლიო აღიარებას ქართული სამეცნიერო სკოლები. წილად მხვდა ბედნიერე-ბა, ვყოფილიყავი ისეთი შესანიშნავი ლექტორების სტუდენტი, როგორე-ბიც იყვნენ: სიმონ ჯანაშია, ნიკო ბერძენიშვილი, ალექსანდრე ნა-მორაძე, იასე ცინცაძე, გიორგი



### შურთხია ბაროშვილი

ივანე ჯავახიშვილის სახელობის თბილისის სახელმწიფო უნივერ-სიტეტის სარაჯიშვილის სახელობის აუდიტორიაში ახლად შექმნილი „თავისუფალ სტუდენტთა ასოცი-აციის“ წევრები შეიკრიბნენ. მათ უნივერსიტეტის სტუდენტებს ასო-ციაციის წესდება გააცნეს და რექ-ტორის სახელზე მიღებული პეტი-ცია წაუკითხეს.

როგორც ასოციაციის თავმჯ-დომარემ, სოციალურ და პოლი-ტიკურ მეცნიერებათა ფაკულტე-ტის სტუდენტმა მახარე მერაბაშ-ვილმა განაცხადა, ასოციაციის მი-ზანია, სტუდენტების უფლებათა დაცვა და მათი აქტიური ჩართვა საუნივერსიტეტო ცხოვრებაში. მი-სი ინფორმაციით, ასოციაციაში გაერთიანებულნი არიან სხვადასხ-ვა საგანმანათლებლო სასწავლე-

ბლების სტუდენტები, რომლებიც ერთობლივად განიხილავენ პრობ-ლემებს და ეძებენ არსებულ სიტუ-აციიდან გამოსავალს.

ასოციაციის ერთერთი წევრის, სოციალურ და პოლიტიკურ მეც-ნიერებათა ფაკულტეტის სტუდენ-ტის ნანა კალანდარიშვილის განცხ-ადებით, სარაჯიშვილის აუდიტორი-აში შეკრებილი სტუდენტები აპრო-ტესტებდნენ უნივერსიტეტის ად-მინისტრაციის გადაწყვეტილებას კრედიტებთან დაკავშირებით. მი-სივე ინფორმაციით, მათ მოთხოვ-ნას უკვე 2500 სტუდენტი შეუერთ-და და, შესაბამისად, ასოციაციამ მიიღო „პეტიცია“, რომელიც უნი-ვერსიტეტის რექტორს გიორგი ხუ-ბუას გაეგზავნება.

შეხვედრაზე სტუდენტებმა კრედიტების გაზრდა მოითხოვეს და სემესტრული საფასურის — 750 ლარის გადახდა გააპროტესტეს.

## ვინც არ სწავლობს, ის მეტს იხდის! — „თავისუფალ სტუდენტთა ასოციაცია“ ამ ფორმულირების წინააღმდეგ

„ჩვენი აზრით, ეს გადან-ყვეტილება უსამართლოა და ლახავს სტუდენტთა უფლებებს, ვინაიდან არათანაბარ მდგომარეობაში აყენებს მათ და აიძულებს გადაიხადონ უსა-მართლოდ გაზრდილი გადასახადი. მაშინ, როდესაც სტუდენტი კონკრეტულ გადასახადს უნდა იხდიდეს კონკრეტული საგნის კრედიტის საფასურის შესაბამისად (მაგალი-თად, თუ სტუდენტს აკადემიური ხარისხის მისაღებად დააკლდა 5 კრედიტი, მან მთელი სემესტრის საფასური კი არ უნდა გადაიხადოს, არამედ მხოლოდ 5 კრედიტის ექვი-ვალენტური ღირებულება).

ასევე თუ გავითვალისწინებთ იმასაც, რომ კრედიტების რაოდენო-ბა შეზღუდულია 30-მდე, მივიღებთ იმ დასკვნამდე, რომ თუ სტუდენტი თუნდაც ერთ საგანს ვერ ჩააბარებს, ავტომატურად გაივლის დამატებით სემესტრს, ანუ გადაიხდის 750 ლარს. ჩვენი აზრით, კრედიტების ასე-თი სისტემა გამოუვალ მდგომარე-ობაში აყენებს სტუდენტებს და საბ-ოლოლო უბიძგებს, რომ დამატები-თი თანხები შეიტანონ ბიუჯეტში. აქ უკვე საუბარი აღარ არის იმაზე, რომ

აღნიშნული წესი არ უნდა ეხებოდეს მოქმედ სტუდენტებს, თუ გავ-ითვალისწინებთ იმას, რომ ეს წესი ამომავალ სტუდენტის მდგომარე-ობას“, — აღნიშნა შეხვედრაზე.

ასოციაციაში სხვა უნივერ-სიტეტების სტუდენტებიც არიან გაერთიანებულნი, მაგრამ სახელმ-წიფო უნივერსიტეტის სტუდენტებს აუცილებლად უნდა სცოდნოდან, რომ უნივერსიტეტის რექტორის ბრ-ძანებაში უკვე შესულია ცვლილება, რომლის თანახმად 2007-2008 სასწავ-ლო წელი გარდამავალ პერიოდად გამოცხადდა. ამასთან, რექტორის 2007 წლის 5 სექტემბრის ბრძანების მე-11 პუნქტში ცვლილება შევიდა, კერძოდ, სტუდენტებზე არსებული საკრედიტო დავალიანების საფასური 2008 წლის 1 იანვრამდე გან-ისაზღვრება ცალკეული დისციპლი-ნის კრედიტების რაოდენობაზე გათვ-ლით და 1 კრედიტის საფასური არის 25 ლარი. ბრძანებაში ჩანერილია პუნ-ქტი, რომლის მიხედვით, თუ სტუდენ-ტი 1 იანვრის შემდეგ სასწავლო პრო-გრამით გათვალისწინებულ ვადაში ვერ მოაგროვებს კრედიტების საჭირო რაოდენობას, უფლება აქვს,

გოზალიშვილი, გიორგი ნორაძე, გიორგი ჩიტაია - თითოეული მათ-განი საკუთარი დარგის საუკეთესო სპეციალისტი გახლდათ და სიკეთის კეთების დიდი სურვილი შინაგან მოთხოვნილებად ჰქონდათ გადაქ-ცეული“, — იხსენებს ქალბატონი მარიამი.

პირველ სექტემბერს უნივერ-სიტეტში მოსულ პირველკურსელ (ისტორიის ფაკულტეტზე - ხე-ლოვნებათმცოდნეობის სპეციალო-ბით) მარიამ ლორთქიფანიძეს ცხრილში ივანე ჯავახიშვილის ლექციების ძებნა დაუწყია. აღმოჩნ-და, რომ ივანე ჯავახიშვილი ის-ტორიკოსებთან ლექციების კითხ-ვას მხოლოდ მესამე კურსიდან იწ-ყებდა. მაშინ იურისტების ლექციე-ბზე დასწრების ნება უთხოვია და მიუღწევია კიდევ სანადვლისთვის.

დღეს კი თსუ-ში არა ერთი სტუ-დენტი აბარებს მხოლოდ იმის გამო, რომ ქალბატონი მარიამის ლექციე-ბს დაესწროს, მოისმინოს მისი მო-საზრებები საქართველოს ისტორი-ის აქტუალურ საკითხებზე. ჰუმანი-ტარული ფაკულტეტის სტუდენტე-ბი, რომლებსაც ქალბატონი მარი-ამის საგანი პირველ კურსზე არ ეკითხებათ, მის ლექციებზე დასწრებას ითხოვენ და, ეს, ბუნე-ბრივია. უნივერსიტეტის მარიამ ლორთქიფანიძისთვის არასოდეს ყოფილა სამსახური. აქ მან საკუ-თარი ცხოვრების შეგნებული ნაწ-ილი სამშობლოსა და სამსახ-ურში გაატარა. თავისი ცოდნა და სიკეთე ახალგაზრდების კეთილ-დღეობისთვის ზრუნვას მოახმარა. ამიტომაც აცხადებს სრული პასუხ-ისმგებლობით: „მცირედ ნაწილს მაინც თუ ვიმსახურებ, რაც ჩემს შესახებ დაწერა და ითქვა, თვლი, რომ ჩემი ვალი მოვიხადე!“

მარიამ ლორთქიფანიძეს ყო-ველთვის აქვს უფლება, ყველგან პირველმა თქვას თავისი მოსაზრე-ბა, რადგან მან ეს თავისი გა-ნათლებით, ამ ქვეყნისადმი სამსახ-ურით, ეროვნულ პოზიციებზე დგო-მით დამსახურა. თუკი რომელიმე პოლიტიკოსს თავისი სუბიექტური დამოკიდებულებების გამო სურს, ჩრდილი მიაყენოს ქალბატონ მარი-ამს, ეს მხოლოდ მისი პიროვნული პრობლემა იქნება და ამით ის პოლი-ტიკური დივიდენდებს ვერ დაა-გროვებს.

### პროტესტი

# ჩემი პრინციპია, რომ მწერალი არ იყოს დავალებული ხელისუფლებისგან

## შეხვედრა ლაშა ბულაძესთან



თურმე, ამ სამყაროში, ერთადერთი სფეროა ლიტერატურა, სადაც არ გატყუებენ!... როდესაც ადამიანს უჭირს ტყუილ-მართალისა და შავ-თეთრის გარჩევა, აქაც ლიტერატურაა მშველელი!...

ეს „საიდუმლო“ მწერალმა ლაშა ბულაძემ თსუ-ში გამართულ შეხვედრაზე „გაანდო“ პირველკურსელებს. მართალია, ლაშა ბულაძე მორალისტ მწერლად არ მიიჩნევს თავს, მაგრამ მისგან ბევრი შეიძლება ისწავლოს და სასიკეთო რჩევებიც მიიღოს. თინეიჯერების საყვარელი მწერალი და დრამატურგი ილიას და ჯავახიშვილის იდეების გამზიარებელია. მწერლის აზრით, მათი მოღვაწეობა იმითაც იყო მნიშვნელოვანი, რომ ისინი სოციალური კრიტიკოსები იყვნენ და მათ ნაწარმოებებს სარკის ეფექტი ჰქონდა. ლაშა ბულაძეს, ასევე, ძალიან მოსწონს ლათინოამერიკული მწერლობა — მარკესი, ბორხესი, კორტასარი... მისი აზრით, 70-იანი წლების ქართულ ლიტერატურაზე სწორედ მათ მოახდინეს გავლენა.

ლაშა ბულაძე კარგად იცნობს თეატრალურ სამყაროსაც. მან ქართულ მყარებულს თავი დაამახსოვრა როგორც სკანდალურმა დრამატურგმა. იგი მიიჩნევს, რომ მწერალმა სოციალური რეალობა უნდა ასახოს.

როგორც თვითონ ამბობს, გაუმართლა, რომ კარგი ქართულის მასწავლებელი შეხვდა და წიგნის კითხვა შეაყვარა, შემდეგ კი თვითონაც სცადა ბედი მწერლობაში. „ერთ-

ერთი მიზეზი, თუ რატომ ეზარებათ საქართველოში კითხვა, არის ის, რომ ადამიანები წიგნის სამყაროში არასწორად შეიყვანეს. მათ ცნობიერებაში კითხვა საშინელ სიმძიმესთან არის დაკავშირებული. წიგნის კითხვა არ უნდა იყოს მხოლოდ მოვალეობა, ის სიამოვნებას უნდა განიჭებდეთ“, — ურჩია პირველკურსელებს საყვარელმა მწერალმა.

„ლაშა ის მწერალია, რომელიც განსაკუთრებით კარგად იცნობს თანამედროვე ახალგაზრდების ფსიქოლოგიას, მისი ნაწარმოებებისადმი განსაკუთრებული ინტერესი იმითაც აიხსნება, რომ მწერალი მათთვის ახლობელ თემებზე საუბრობს, მისი პიესები წარმატებით იდგმება ქართულ სცენაზე. დიდი ხანია, მასთან ვმეგობრობთ, ამიტომ უნივერსიტეტში ყოველთვის სასურველი სტუმარია.“

— განაცხადა თსუ თვითმმართველობის კულტურის დეპარტამენტის უფროსმა თეონა ჭალიძემ.

„თავისუფალი თემა“ — ასე დაარქვეს სტუდენტებმა შეხვედრას, რომელიც კითხვა-პასუხის ფორმატით წარიმართა:

— რა აზრის ხართ მწერლის მოქალაქეობრივ პოზიციაზე, რამდენად უნდა იყოს ჩართული იგი საზოგადოებრივ-პოლიტიკურ პროცესებში?

— ეს შეკითხვა ძალიან ქრესტომათიულია. საქართველოში ყოველთვის არსებობდა მოსაზრება, რომ მწერალი, მაინცდამაინც, ჰუმანიზმის სადარჯოზე უნდა იდგეს და აკეთილშობილებდეს კაცობრიობას. ეს ძალიან რთულია. უმთავრესი იმპულსი, თუ რატომ იწევს მწერალი წერას, არის ის, რომ მას სხვა ადამიანებისგან განსხვავებით, მიანიჭოს, რომ ის ამბები, რომელსაც ის თხზავს, არ შეუძლია, სხვასაც არ მოუყვას. მწერლის განცალკევება სხვა მოქალაქისგან არასწორია. მწერალიც ისევე ბრახდება, როგორც ბიოლოგი, ისიც ისევე წერვიულობს, როგორც ექიმი. ასე რომ, ადამიანის სამოქალაქო აქტიურობა არ განისაზღვრება პროფესიით. საბჭოთა პერიოდში ის მწერლები აქტიურობდნენ და იდგნენ ტრიბუნასთან, რომლებიც მართალია, ნიჭით დიდად არ გამოირჩეოდნენ, მაგრამ იყვნენ მებაირადენი და ხელისუფლებ-

ის იდეების გამომოვანებლები. იმ დროს დანერგილი ზოგიერთი წიგნი კომენტარია იმ რეალობისა, რომელიც, სამწუხაროდ, არსებობდა და ეს რეფლექსურად გადმოგვყვა კიდევ. თავისი პოზიციის დაფიქსირება ყველა ადამიანს შეუძლია. ჩემი პრინციპია, რომ მწერალი არ იყოს დავალებული ხელისუფლებისგან. არ მიყვარს დიდაქტიური ტონი, მაგრამ ნაწარმოებში მწერლის პოზიცია უნდა ჩანდეს, თუმცა ძალიან ფრთხილად, რომ მორალისტურ სიბრტყეში არ გადაიჭრას. თუ პოზიცია არ ჩანს, გაუგებარია მწერლის ღირებულებები.

სამწუხაროდ თუ საბედნიეროდ, პროზა, რაც უნდა სიმბოლისტური, სოურეალისტური, ექსპერიმენტალური ან ავანგარდისტული იყოს, მაინც პრობლემებზე საუბრობს. როგორც ჩანს, საქართველოს ჭირდებოდა და დღესაც ჭირდება კრიტიკული აზროვნება.

— თანამედროვე ქართველი მწერლები ხშირად თავს არიდებენ ლიტერატურულ ენას, ხშირად ისინი უხარისხოდ ასახავენ რეალობას, რა არის ამის მიზეზი?

— ენა ურთიერთობის მთავარი კომპონენტია. არსებობდა ენა, რომლითაც ჩვენი წინაპრები საუბრობდნენ, სხვაგვარად საუბრობენ ჩვენი მშობლები, სხვა ენა ისმის ქუჩაში, სხვა — ტელევიზორზე. ზოგიერთს ნარმოუდგენია, რომ თუ ლიტერატურას ქმნი, მაინცდამაინც აღმატებული ენა უნდა გამოიყენოს მწერალმა. დღეს ლიტერატურა მკვეთრად სოციალური გახდა. ვერ დავეთანხმები იმ კრიტიკოსებს, რომლებიც ამტკიცებენ, რომ ქართული ლიტერატურა არ ასახავს რეალობას. პირიქით, ჩემი აზრით, ერთადერთი, რასაც თანამედროვე ქართული ლიტერატურა ასახავს, რეალობაა. თემა და შინაარსი განაპირობებს ენას და სტილს. ძველი ბიჭები შეუშინეს ენით ხომ არ ისაუბრებენ? მართალია, არიან ისეთი მწერლები, რომელთა ნაწარმოებები უფრო ახლოს არის მსუბუქ ჟურნალისტიკასთან, ვიდრე მწერლობასთან, მაგრამ არიან ღირსეულებიც — მაგალითად, აკა მორჩილაძე, რომელიც აბსოლუტურ დამაჯერებლობას აღწევს რეალობის აღწერისას.

— როგორც იცით, უნივერსიტეტში ჩამოყალიბდა თეატრალური დასი, თქვენი

აზრით, გაამართლებენ?

— ძალიან კარგი იქნება, რომ ეს ტრადიცია დამკვიდრდეს უმაღლეს სასწავლებლებში. არაფერია იცის, რა მოულოდნელობებს შემოგვთავაზებს ცხოვრება, შეიძლება სხვა პროფესია ავირჩიოთ, მაგრამ სულ სხვაგვანა გამოვავლინო ჩვენი უნარები და ამას ხელმეწყობა ჭირდება. კარგი იქნება, სოციალურ კომპონენტებსაც თუ გაითვალისწინებთ. ბროდვეიზე არის თეატრები, რომლებიც კონკრეტულ პრობლემაზე, მაგალითად, დანგრეული ოჯახების, ოჯახური ძალადობის, აბორტის თემებზე იდგმება. ასობით პიესა იწერება. უმეტესი მათგანი ლიტერატურულად ღირებული არ არის, მაგრამ, თავისთავად, ეს პროცესს ქმნის.

— თქვენი აზრით, რომელი წიგნია დღეს ყველაზე მალარეიტინგული, რომელი მწერლის წიგნები იყალბება ყველაზე მეტად?

— ამერიკის ერთერთმა სააგენტომ ჩაატარა გამოკითხვა, რომლის მიხედვით „ჰარი პოტერი“ წიგნების საუკეთესო სამეულში მოხვდა. დაუჯერებელია, მაგრამ ასეა. პირველ ადგილზეა ბიბლია, მეორეზე — „ჰარი პოტერი“, მესამეზე — ყურანი.

სხვათაშორის, გაცილებით კარგ ზღაპრებს წერდნენ ანდერსენი და ჰოფმანი, მაგრამ რატომაც „ჰარი პოტერი“ ბევრად უფრო პოპულარულია. შეიძლება იმიტომ, რომ მასში აღწერილი ამბები უფრო სიტუაციურია. დღეს ამ წიგნის წყალობით ერთ დროს ყველაზე უსუსური და ღარიბი გამოცემლობა ერთერთი მდიდარია მსოფლიოში.

საქართველოში ყველაზე კარგად გოჩა მანველიძის წიგნები იყიდება. ეს არის მასკულურული ტიპის ლიტერატურა, მაგრამ, ალბათ, ესეც დროის მოთხოვნაა. როდესაც საუბრობენ ქართული ლიტერატურის და საზოგადოების პრობლემებზე, ყოველთვის მინდა პესიმისტებს ვუპასუხო: დღეს ნებისმიერი სახის ლიტერატურა იქმნება. ქართველი მკითხველი რომ არსებობს, ამის დასტურია ტრადიციულად ქვეყნის წიგნის ბაზრობები, რომელიც ყოველწლიურად იმართება. ამით იმის თქმა მინდა, რომ არც ისე უიმედოდ გვაქვს საქმე.

### მრავალი გავიდა

### პლიც-ინტერვიუ

## დისკუსია კონსტიტუციური მონარქიის დამყარების თაობაზე

12 ოქტომბერს ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის სტუდენტური გაზეთის „ახალგაზრდა იურისტისა“ და სტუდენტური მოძრაობა „პირველების“ ძალისხმევით გაიმართა დისკუსია საქართველოში კონსტიტუციური მონარქიის დამყარების

თაობაზე, რომლის ინიციატივაც საქართველოს კათალიკოს-პატრიარქს, უნიმედესსა და უნეტარესს ილია II-ს ეკუთვნის. შეხვედრას ესწრებოდნენ ტრადიციონალისტთა კავშირის თავმჯდომარე აკაკი ასათიანი, კონსტიტუციონალისტი ვახტანგ ხმალაძე, მწერალი ლაშა ბულაძე, უნივერსიტეტის სტუდენტები და პროფესორ-მასწავლებლები.

„ქართველი ერი თავისი სულიერი მწყემსის მოსაზრებას ანგარიშს უწევს. საბოლოო სიტყვა კი საზოგადოებაზეა, რომელმაც უნდა დაინახოს ამ საკითხის სამართლებრივი, ისტორიული და რეალური ასპექტები“, — განაცხადა დონისძიების ორგანიზატორმა არჩილ კაკიაციშვილმა.

შეხვედრაზე, მოწვეულ სტუმრებთან ერთად, თავისი მოსაზრებები გამოთქვა იურიდიული ფაკულტეტის დეკანმა დავით კერესელიძემ. დისკუსიაში ჩაერთვნენ სტუდენტებიც. გადაწყვედა, რომ დისკუსიები ამ თემის ირგვლივ კვლავ უნდა გაგრძელდეს.



## თსუ-ის კურსდამთავრებულთა კიოლნის უნივერსიტეტის საერთო მუშაობის ხარისხი მიენიჭებათ

### სათუშა სატიანოვილი

ივანე ჯავახიშვილის სახელობის თბილისის სახელმწიფო უნივერსიტეტში მოქმედი სამაგისტრო პროგრამების წესებსა გერმანული სამართალი დეპარტამენტი.

გერმანული სამართალი კიოლნის უნივერსიტეტის იურიდიული ფაკულტეტის გერმანულენოვანი სამაგისტრო პროგრამა, რომლის სრულსა და დამთავრების შემდეგ კურსდამთავრებულებს კიოლნის უნივერსიტეტის სამართლის მაგისტრის ხარისხი მიენიჭებათ, საუკეთესო შედეგების მქონე მაგისტრები კი, სწავლას კიოლნის უნივერსიტეტის მაგისტრატურაში გააგრძელებენ. გერმანიის საელჩოს წარმომადგენლებს, პროგრამის დამფინანსებლისა და გერმანული პროფესორების მონაწილეობით 4 ოქტომბერს გერმანული სამართლის პროგრამა საზეიმოდ გაიხსნა. გაზეთ „თბილისის უნივერსიტეტმა“ რამდენიმე შეკითხვით თსუ-ის იურიდიული ფაკულტეტის დეკანს დავით კერესელიძეს მიმართა.



ტექსტიდან გამომდინარე, ყველაზე დიდ მიღწევად სწორედ ეს ითვლება.

— 2007 წლის ერთიანი ეროვნული გამოცდების შედეგების მიხედვით, თსუ-ის სხვა ფაკულტეტებთან შედარებით, პირველ კურსზე ჩარიცხულთა რაოდენობა ტრადიციულთან შედარებით ნაკლებად რეიტინგული აღმოჩნდა. ამის მიზეზად რას მიიჩნევთ?

— პირველ კურსზე ჩარიცხული სტუდენტების რაოდენობა მცირეა, რადგან მისაღები კონტინგენტიც მცირე გვყავს. იურიდიულ ფაკულტეტზე სამი მიმართულების გაერთიანების შემდეგ ნათესავე სტუდენტი იყო და მათი შემცირება აუცილებელი გახდა. რეზერვამდე ბიზნესის სამართალი და საერთაშორისო სამართალი ცალ-ცალკე იყო, ჰუმანიტარული ფაკულტეტებიც კი, სამართლის ასწავლიდა. სტუდენტების ასეთი მრავალრიცხოვანი კონცენტრაცია, შესაბამისად, ამ სინთეზმა გამოიწვია. ახლა კლების ბუნებრივი პროცესი მიმდინარეობს. ჩვენ სწავლის განსაკუთრებული რეჟიმი გვაქვს არა მხოლოდ უნივერსიტეტის, არამედ საქართველოს მასშტაბით. თითოეულ სემესტრში რამდენიმე ასეული სტუდენტი ასეთ რეჟიმს თავს ვერ ანთმებს და სხვა უნივერსიტეტში, ან სხვა ფაკულტეტზე გადადის. მთლიანობაში, ამაჟამად, ბაკალავრიატში, დაახლოებით, 1 200-მდე, სამაგისტრო პროგრამებზე 200-მდე სტუდენტი და 300 დოქტორანტი სწავლობს.

— ბატონო დავით, რით გამოიჩინა ახალი გერმანულენოვანი სამაგისტრო პროგრამა იმდენარჩევი სამაგისტრო სასწავლო გეგმისგან, რომელიც იურიდიულ, ან უნივერსიტეტის სხვა ფაკულტეტებზე მოქმედებს?

— ეს არის თსუ-ისა და კიოლნის უნივერსიტეტის იურიდიული ფაკულტეტების ერთობლივი პროგრამა, რომელიც სამართლის მაგისტრის აკადემიური ხარისხის ერთობლივად მიანიჭებს ითვალისწინებს. ეს პროექტი არის პირველი, რომელიც, პროგრამის მოთხოვნების დაკმაყოფილების შემთხვევაში, საქართველოში ხარისხის მიანიჭებს გერმანული ფაკულტეტის მხრიდან მოხდება. ასეთი ქართველი მაგისტრები კიოლნის უნივერსიტეტის დიპლომებს მიიღებენ. ბოლონის პროცესის ერთერთი უმნიშვნელოვანესი მიმართულება სტუდენტებისა და პროფესორების გაცვლაა. ამ მიმართულებით ნაბიჯი დიდი ხანია გადადგმულია, როცა სხვადასხვა უნივერსიტეტებთან და, კონკრეტულად, იურიდიულ ფაკულტეტებთან ინტენსიური საერთაშორისო ურთიერთობები დაიწყო, მაგრამ ეს არის პირველი შემთხვევა, როდესაც, რეალურად, ერთობლივ პროგრამაზე საუბარი. ბოლონის კონ-

ჩვენ თქვენგან ვსწავლობთ!

ჩვენ თქვენ გბაძავთ!

ჩვენ გვინდა ვისაუბროთ თქვენს ენაზე!

გაზეთი „თბილისის უნივერსიტეტი“ მოგმართავთ თხოვნით, ითანამშრომლეთ ჩვენთან, რათა ვიყოთ უფრო თანამედროვე!

# დაკვიტა ზემოდან და პასიურობა ქვემოდან

რაგომ არ არსებობს დღემდე უნივერსიტეტისთვის საჭირო სახელმძღვანელოების ნუსხა?

## მე-4 გვერდიდან

უნივერსიტეტის პროფესორები, სახელმძღვანელოებთან ერთად, სილაბუსების რეცენზირების პრობლემასაც აყენებენ. მათი აზრით, დიდია ალბათობა იმისა, რომ სარეცენზიო სილაბუსი იმ ადამიანის ხელში აღმოჩნდება, რომელმაც წინა კონკურსში ვერ გაიმარჯვა ან მომავალში აპირებს მონაწილეობას, რაც რეცენზიის ობიექტურობას ეჭვქვეშ დააყენებს.

მათ, ასევე, მიუღებლად მიაჩნიათ ამ საკითხის მხოლოდ უცხოელი ექსპერტების დახმარებით გადაწყვეტა. „ჯერ ერთი, უცხოელებს არ უყვართ ცუდი რეცენზიების წერა, მეორეც, წმინდა ფსიქოლოგიური თვალსაზრისით, მათ მხოლოდ მწირი წარმოდგენა შეიძლება ჰქონდეთ ჩვენს აკადემიურ გარემოზე. არის კიდევ ერთი, ვფიქრობ, არც ისე უმნიშვნელო მომენტი: უცხოელებზე აქცენტის გადატანით ჩვენ შეიძლება უნებურად უნდობლობა გამოვუცხადოთ ჩვენს პროფესორებს და ექსპერტებს, არასასურველი ფსიქოლოგიური კლიმატი შევქმნათ და გადაჭარბებული ადმინისტრირების წნეხის ქვეშ მარტოობით ადამიანები, რითაც, პირველ რიგში, საუნივერსიტეტო რეფორმა დაზიანდება. რეცენზირება აუცილებელია, მაგრამ კარგად უნდა მოვიფიქროთ მისი ფორმები და კრიტერიუმები“, — აღნიშნა პროფესორმა ზაზა ფირალიშვილმა.

დასმული საკითხებიდან, შესაძლოა, ზოგიერთი სადავო იყოს, მაგრამ ის, რაშიც პროფესორებსა და სტუდენტებს ერთნაირად სჭირდება უნივერსიტეტის დახმარება, სახელმძღვანელოებია. ამ დიალოგის შემდეგ, ბუნებრივია, გაჩნდა კითხვა — რა კეთდება ამისთვის უნივერსიტეტის მხრიდან, როგორ ივსება ბიბლიოთეკა, რა ახალი სახელმძღვანელოები იბეჭდება უნივერსიტეტის გამომცემლობაში.

გამომცემლობის დირექტორთან, ნუგზარ ნიკლაურთან საუბარში გაირკვა, რომ თან-



ამედროვე მოთხოვნებთან შესაბამისი ქართული სახელმძღვანელოების ბეჭდვა ჯერ ისევ პრობლემაა, რადგან აქამდე ინერციით გრძელდებოდა საფაკულტეტო სარედაქციო საბჭოების მიერ ყველა წიგნისთვის გაცემული რეკომენდაციების მანუა ტრადიცია. გამომცემლობა კი ცდილობს უნივერსიტეტის გრიფით მხოლოდ მაღალი დონის და სასწავლო ღირებულების მქონე ლიტერატურა გამოსცეს. „ჩვენ არ გვაქვს იმის ფუნქცია, რომ უნივერსიტეტმა თანხები არასაჭირო წიგნების დაბეჭდვისთვის დახარჯოს. მაგალითად, იყო ისეთი შემთხვევები, როცა მოგვმართეს 30 წლის წინ გამოცემული წიგნის ხელახალი დასტამვის მოთხოვნით. ამიერიდან, რომ მეცნიერება დღეს ძალიან დინამურად ვითარდება და 30 წლის წინანდელი სახელმძღვანელო, რაგინდ საუკეთესო არ უნდა იყოს, ვერ გამოადგება სტუდენტებს“, — განაცხადა ნუგზარ ნიკლაურმა. მისი თქმით, გამომცემლობას აქვს გამოკვეთილი პოზიცია —

თუკი არსებობს მაღალი დონის სახელმძღვანელო რომელიმე მიმართულებით, განსაკუთრებით ზუსტ და საბუნებისმეტყველო მეცნიერებაში, უნდა ითარგმნოს. სხვა შემთხვევებში კი უნდა მოიძებნოს კლასიკურად აღიარებული ლიტერატურა, მოიპოვონ მისი თარგმნის და დაბეჭდვის უფლება.

„რაც შეეხება ქართველოლოგიას, აქ სხვა მდგომარეობაა. ეს მიმართულება ჩვეინა და ჩვენვე უნდა მივაქციოთ ყურადღება. მაგალითად, მზად გვაქვს თამაზ გამყრელიძის „თეორიული ენათმეცნიერება“, მერაბ ჩხეიძის „ქართულ-იჩქერიული ენების შედარებითი გრამატიკა“, აკაკი შანიძის „ხევსურული პოეზია“ ბატონი აკაკის კომენტარებით, ასევე ალბომი „საქართველო — კოსტიუმი, ტიპაჟი, ორნამენტი“. ასე რომ, უნივერსიტეტის გამომცემლობა დააფინანსებს ქართველოლოგიას. სხვა მიმართულებებში კი თვითონ უნდა იაქტიურონ, რომ მოგვანოდონ იმ ლიტერატურის ნუსხა, რომელიც თანამედროვე სწავლებისთვისაა აუცილებელი“, — განაცხადა გამომცემლობის დირექტორმა.

რაც შეეხება დასაბეჭდად გამზადებულ სახელმძღვანელოებს, ბატონი ნუგზარის თქმით, უნივერსიტეტის გამომცემლობა ბევრ საინტერესო სახელს ჰპირდება საუნივერსიტეტო საზოგადოებას, მაგალითად, დასაბეჭდად გამზადებულია კისის „სტატისტიკა“, გაიტონისა და ჰილის ცნობილი და საუკეთესოდ აღიარებული სახელმძღვანელო, რომელსაც თარგმნიან ფიზიოლოგიის ინსტიტუტის თანამშრომლები, ასევე დაგეგმილია გამოიცეს „ნეირონატომია“ და მსოფლიოში საუკეთესო სახელმძღვანელოდ მიჩნეული ჰარისონის „შინაგანი სწავლება“.

გამომცემლობას განზრახული აქვს დაისტამბოს ოქსფორდის სერია, რომელიც, მართალია, სახელმძღვანელო არ არის, მაგრამ სწავლების პირველ საფეხურზე, ზოგადი განათლებისთვის ძალიან მნიშვნელოვანია. ესენია ჯონ ამოლდის „ისტორია“, ჯონათან ჯულერის „ლიტერატურის თეორია“, ბატერ-

ის და მაკმანუსის „ფსიქოლოგია“, პიტერ კოლისის „კოსმოლოგია“ და სუზან ბლეკ-ბორის „ცნობიერება“, ზიმბარდოსა და გერიკის მთელ მსოფლიოში აღიარებული სახელმძღვანელო „ფსიქოლოგია და ცხოვრება“.

„შეამჩნიეთ, ალბათ, რომ რამდენიმე წიგნია მედიცინის სფეროდან. ეს იმის შედეგია, რომ ჩვენ უშუალო კონტაქტები გვაქვს მედიცინის ფაკულტეტის დეკანთან, სანდრო ცისკარიძესთან და მასთან კონსულტაციის შემდეგ დავადგინეთ იმ წიგნების სია, რომლის უპირველესი საჭიროებაც არსებობს. სხვა ფაკულტეტებთანაც გვაქვს კონტაქტები, მაგრამ მათ შორის მედიცინის ფაკულტეტი გამორჩეულად აქტიური და მონაწილეობისაა.

რაც შეეხება ავტორებს, ჩვენ დაგეგმვით როლანდ თოფჩიშვილის სახელმძღვანელო „ევროპისა და ამერიკის ხალხების ეთნოლოგია“, ასევე გამოსაცემად მზადდება მიხეილ ქურდიანის „იბერიული-კავკასიური ენათმეცნიერების საფუძვლები“, ლელი ბარამიძის „ქართული ენის ისტორიული გრამატიკა“, ზურაბ კიკნაძის „ქართული ფოლკლორი“, „ქართული ჟურნალისტიკის ქრესტომათია“, რომელიც მოიცავს XIX საუკუნეს. ვაპირებთ გამოვცეთ ზურაბ ქოქეთაძის „მემბრანოლოგია“, არნოლდ გეგეჭკორის „ბიოგეოგრაფია“, რომელიც შესანიშნავად ილუსტრირებული წიგნი იქნება“, — აღნიშნა ნუგზარ ნიკლაურმა.

ამჟამად გამომცემლობაში დასასტამბად შეტანილია კიდევ რამდენიმე ნაშრომი და მიმდინარეობს მისი ექსპერტიზა. საბოლოო გადაწყვეტილება იმასთან დაკავშირებით, გამოიცეს თუ არა უნივერსიტეტის გრიფით ეს წიგნები, მიღებული არ არის.

ამ ეტაპზე მიღებული ინფორმაციის საფუძველზე შეგვიძლია განვაცხადოთ, რომ უნივერსიტეტის გამომცემლობა ტენდერის ჩატარებას ელის. გამარჯვებული ფორმა წლის ბოლომდე გამოსცემს 25-მდე ახალ, მაღალპოლიგრაფიულ დონეზე დასტამბულ წიგნს.

## კვლევა

# „შუშანიკის წამებაში“ მოხსენიებული ბიბლიური ტექსტი შეიძლება სულაც არ იყო ქართული?!

## ქართულ-ებრაული დისკუსია

### შურთსია გაროშვილი

— მე ისრაელში ვცხოვრობ, მაგრამ ჩემი საქმიანობა იმის საშუალებას მძლევს, რომ იქაც საქართველოს ვემსახურო, — განაცხადა ქართველმა ებრაელმა მეცნიერმა და მთარგმნელმა, რეუვენ ენოხმა თსუ-ში გამართულ შეხვედრაზე, სადაც საჯარო ლექცია — „ფიქრები ბიბლიური წიგნების ქართული თარგმანების შესახებ“ წაიკითხა.

ებრაული ენა რეუვენ ენოხმა დიდი მეცნიერების: აკაკი შანიძის, ვარლამ თოფჩიშვილის, ივანე ქავთარაძის რჩევით შეისწავლა. იგი მათ დამსახურებდად მიიჩნევს, რომ ებრაულ კულტურას ეხიარა. პირველად ვარლამ თოფჩიშვილის დაავლებით დაიწყო მუშაობა ქართულ ებრაელთა სამეცნიერო ენის შესწავლაზე და ამ მიზნით საქართველოს ყველა კუთხე შემოიარა. თუმცა პედაგოგის გარდაცვალების შემდეგ ამ თემაზე მუშაობა შეწყვიტა და მისი გაგრძელება მხოლოდ ოცდასამი წლის შემდეგ შეძლო.

საქართველოდან წასვლის შემდეგ ისრაელში თავის დამკვიდრება არ გასჭირვებია. ამჟამად, ბატონი რეუვენი იერუსალიმის ებრაულ უნივერსიტეტში სამეცნიერო ჯგუფთან ერთად მეცნიერულ პროექტებზე მუშაობს. ასევე, სამარიაში, არიელის თოფჩიშვილს ცენტრში, ებრაული მემკვიდრეობის განყოფილებაზე რამდენიმე კურსის კითხულობს. მათ შორის, ერთერთია „ყოფილი საბჭოთა კავშირის ებრაული თემები“. ამ ლექციებზე მას საშუალება ეძლევა თანამემამულეებს ქართველი ებრაელების შესახებაც ესაუბროს და საქართველოს ისტორიაც გააცნოს. მისი აზრით, არ შეიძლება ქართველ ებრაელებზე ისაუბრო ისე, რომ საქართველოს წარსული არ გაიხსნოს. მისმა ნაშრომმა, რომელიც ქართველ ებრაელთა მეცნიერებას ეხება, სამეცნიერო წრეებში დიდი ინტერესი გამოიწვია.

„ისრაელში ქართული კულტურისადმი ინტერესი ძალიან დიდია, მაგრამ ამ მიმართულებით ცოტა რამ კეთდება. ჩემი აზრით, ერთობლივი თანამშრომლობაა საჭირო“, — აცხადებს ბატონი რეუვენი.

საჯარო ლექციაზე წამოჭრილმა საკითხებმა ქართველი სტუდენტების გარდა, მისი ყოფილი პედაგოგები, კოლეგები და მეცნიერებიც დააინტერესა. რეუვენ ენოხმა ქართულ ბიბლიურ თარგმანებთან დაკავშირებით მსმენელს საკმაოდ ორიგინალური ვერსიები შესთავაზა. თუმცა თავიდანვე განაცხადა, რომ მისი კვლევა არ შეიძლება ჩაითვალოს ერთადერთ და ფუნდამენტურ წყმარებლად და ეს მხოლოდ მისი მოკრძალებული „ფიქრებია“.

ქართულ სამეცნიერო წრეებში არაერთხელ დასმულ შეკითხვაზე, პირველად როდის და რომელი ენიდან ითარგმნა ბიბლია ქართულად, მეცნიერს, შეიძლება ითქვას, ორიგინალური ვერსია გააჩნია. მისი აზრით, პირველ ქართულ ლიტერატურულ ძეგლში — „შუშანიკის წამება“ მოხსენიებული ბიბლიური ტექსტი, შეიძლება, სულაც არ იყო ქართული და მას განათლებული სომეხი პიტიახის ასული, შესაძლოა, სხვა ენაზე კითხულობდა.

„ამ უძველესი ტექსტის გაცნობისას ასეთი კითხვაც ჩნდება: — ნუთუ შუშანიკმა ქართული ისე კარგად იცოდა, რომ ამ ენაზე კითხულობდა ფსალმუნს? ვინ იცის, იქნებ სომეხურად კითხულობდა ან ბერძნულად? ის ხომ განათლებული ქალი იყო. მაგრამ ისიც შეიძლება დაგუშვათ, რომ იგი არამეულად კითხულობდა, რადგან ბიბლიის იმდროინდელი არამეული თარგმანი ნამდვილად არსებობს. ბატონი რეუვენის აზრით, სავარაუდოდ, შუშანიკს არამეულიც ეცოდინებოდა, რადგან სპარსეთის იმპერიის სახელმწიფო ენა სწორედ არამეული გახლდათ, სომხეთი კი სპარსეთის იმპერიის ნაწილი იყო.“

„კორნელი კეკელიძე წერდა, რომ ყურადღება მივაქციოთ იმ ებრაელების მონაწილეობას ქართულ ებრაულ საქმიანობაში, რომლებიც იმ დროს საქართველოში იმყოფებოდნენ. პირველი ქრისტიანები საქართველოში ებრაელები იყვნენ, რატომ არ შეიძლებაოდა გაქრისტიანებულ ებრაელებს მონაწილეობა მიეღოთ ქართულ მნიშვნობრულ საქმიანობაში. ასევე, შესაძლებელია, რომ ისინი ქართველებს ტექსტების თარგმანში დახმარებოდნენ“, — აღნიშნა მეცნიერმა.

მისი თქმით, ამ მიმართულებით საკვლევი

და საკამათო მრავლად არის. თუნდაც ის ფაქტი, რომ ქართული მწერლობა შეიძლება სულ სხვა დროს და სხვა ნაწარმოებით იწყებდეს დროის ათვლას, მაგალითად, წმინდა ნინოს ცხოვრებით, ან ფარნავაზის ცხოვრებით, როგორც ამას ზოგიერთი ქართველი მკვლევარიც ვარაუდობს.

აკადემიკოსმა მზექალა შანიძემ რეუვენ ენოხს თხოვა, ამ საკითხებთან დაკავშირებით მომავალშიც გავგრძელებინა კვლევა და ურჩია, თავისი მოსაზრებების განსამტკიცებლად უფრო მეტი და დამაჯერებელი არგუმენტები მოეპოვებინა: „გვაქვს ძალიან ბევრი საინტერესო და მნიშვნელოვანი მასალა ბიბლიის თარგმანთან დაკავშირებით, მაგრამ, ჯერჯერობით, ევროპაში სათანადოდ ამის შესახებ არ იცან. ბატონი რეუვენის მოსაზრებები საინტერესოა, მაგრამ მაინც ვფიქრობ, რომ ამ საკითხების კვლევისას მეტი დაფიქრება და დაკვირვებაა საჭირო. ქართული ბიბლიური წიგნები, ძირითადად, ითარგმნებოდა მონასტრებში. ვფიქრობ, რომ სადმე ებრაული დიასპორა ისეთი ძლიერი ყოფილიყო, რომ ქრისტიანული ბიბლიური წიგნების თარგმანში უშუალოდ მიეღო მონაწილეობა. თუ ასეთი მაგალითები უფრო მეტი მოიძებნება და შემდგომში კვლევა გაიკავშირება ამგვარ ფაქტებს, მხოლოდ მაშინ ექნება ამ ვერსიას არსებობის უფლება. ამიტომ კვლევა ამ მიმართულებით უნდა გაგრძელდეს. საკითხი საინტერესოა, მაგრამ ერთი და ორი მაგალითი სერიოზული დასკვნების გასაკეთებლად არ კმარა.“

მზექალა შანიძის აზრით, ზოგიერთი წიგნების თარგმნის დროს შესაძლებელია ყოფილიყო ებრაული გავლენა, მაგრამ ამისათვის კიდევ სხვა ფაქტორების გათვალისწინებაა საჭირო, კერძოდ — არა მხოლოდ წმინდა ტექსტობრივი თვალსაზრისით, არამედ, სად, როგორ და რა პირობებში შეიძლება ყოფილიყო ისეთი მძლავრი კულტურული კერა, რომელსაც ბიბლიის თარგმანზე შეიძლება მოეხდინა გავლენა.

რეუვენ ენოხის ნაშრომის შესახებ პროფესორმა ელგუჯა ხინთიბიძემაც გამოთქვა მოსაზრება: „ბატონი რეუვენის „ფიქრები“, მართლაც, ყურადღებას იმსახურებს, თუმცა



ჩვენ მხოლოდ „შუშანიკის წამებაზე“ დაყრდნობით არ ვამტკიცებთ, რომ ბიბლია ქართულ ენაზე მეხუთე საუკუნეში არსებობდა. „ქართლის ცხოვრებაში“ წერია, რომ არჩილ მეფის დროს ბიბლია, კერძოდ, სახარება ითარგმნა. ასევე, შეგვიძლია დავიმოწმოთ ბერძნული წყარო, როდესაც იოანე რუფუსი პეტრე იბერის ცხოვრებაზე ლაპარაკობს. მისი ცნობით, პეტრე იბერმა თავის ენაზე ზეპირად იცოდა ბიბლიური წიგნები. რუფუსი მნიშვნელოვანი ფიგურა იყო და ამიტომ შეგვიძლია ვივარაუდოთ — მან ზუსტად იცოდა, რომ მეხუთე საუკუნეში ქართველებს თავიანთ ენაზე ჰქონდათ ბიბლია.

სამწუხაროდ, ევროპაში წმინდანთა დიდ ლექსიკონებში, დიდ საძიებლებში არ არის ცნობები ქართველი წმინდანების, მათ შორის, შუშანიკის შესახებ. ჩვენი მოვალეობაა ევროპელ მეცნიერებს მათ შესახებ ვაცნობოთ. ერთერთ გზად კი ჩვენი დიასპორა მეგულება, რომელიც საქართველოს ფარგლებს გარეთ ცხოვრობს და ქართულ კულტურას ემსახურება, მათ შორისაა რეუვენ ენოხი.“

# მაღალტემპერატურული ზეგამტარობის საიდუმლო ჯერ კიდევ არ ამოხსნილა

8-11 ოქტომბერს ივანე ჯავახიშვილის სახელობის თბილისის სახელმწიფო უნივერსიტეტი მასპინძლობდა მნიშვნელოვან საერთაშორისო კონფერენციას — „მაღალტემპერატურული ზეგამტარობა, თავდაპირველი კონცეფცია და ახალი შედეგები“, რომელიც ნობელის პრემიის ლაურეატის, ალექს მიულერის 80 წლისთავსა და მაღალტემპერატურული ზეგამტარობის აღმოჩენის 20 წლისთავს მიეძღვნა.

კონფერენციის თბილისში ჩატარების იდეა ეკუთვნოდა ივანე ჯავახიშვილის სახელობის თბილისის სახელმწიფო უნივერსიტეტის პროფესორს ალექსანდრე შენგელაიას, რომელიც ალექს მიულერის მოწვევა. კონფერენციის მუშაობაში მონაწილეობდა 15 ქვეყნის 40-მდე მეცნიერი, მათ შორის ნობელის პრემიის ლაურეატი გეორგ ბედნორცი, რომელიც, ალექს მიულერთან ერთად, თბილისის სახელმწიფო უნივერსიტეტმა საპატიო დოქტორად აირჩია.

## მანია ტორაძე

ზეგამტარობა, როგორც მოვლენა, 1911 წელს აღმოაჩინეს, თუმცა მისი ფართო გამოყენება დღემდე არ ხერხდება, რადგან ის ძალიან დაბალ ტემპერატურაზე მიიღება. ზეგამტარობის აღმოჩენიდან დღემდე ფიზიკოსების ოცნებაა, რომ ეს მოვლენა ნივთიერებებში ჩვეულებრივ ოთახის ტემპერატურაზე დაიშვას.

შვეიცარიელმა მეცნიერებმა კარლ ალექსანდრე მიულერმა და იოჰანეს გეორგ ბედნორცმა მიაკვლიეს სრულიად ახალი ტიპის ნივთიერებას, რომელმაც ზეგამტარობის გამოყენების ტემპერატურა წინააღმდეგობა შედარებით ძალიან მაღლა აწია. ეს იყო ე.წ. კრიტიკული ტემპერატურის ნახტომისებური გაზრდა. ამ აღმოჩენისთვის ალექს მიულერს და გეორგ ბედნორცს 1986 წელს ნობელის პრემია მიენიჭა.

შვეიცარიელი მეცნიერების ფუნდამენტურ ნაშრომს, პრაქტიკული გამოყენების თვალსაზრისით, ძალიან დიდი მნიშვნელობა აქვს, რადგან ამ მოვლენის დამზერის შემდეგ ზეგამტარობის გამოყენებისთვის საჭიროა არა თხევადი ჰელიუმი, არამედ, თხევადი აზოტი, რომლის ფასი ათჯერ ნაკლებია თხევადი ჰელიუმის ფასზე. ამდენად, ზეგამტარობის გამოყენება ეკონომიკურად გაცილებით უფრო მომგებიანი და მარტივი გახდა. მართალია, მეცნიერებმა ჯერ კიდევ ვერ მიიღწიეს ზეგამტარობის მაღალტემპერატურული ზეგამტარობის მექანიზმს. თუ ისინი მიაკვლევენ ძირითად პრინციპს, კიდევ უფრო მაღლა ასწევენ კრიტიკულ ტემპერატურას.

ამ ეტაპზე მკვლევარები ორი მიმართულებით მუშაობენ — განაგრძობენ ახალი ნივთიერებების ძიებას, სადაც კიდევ უფრო მაღალი იქნება კრიტიკული ტემპერატურა და იკვლევენ მაღალტემპერატურული ზეგამტარობის მექანიზმს. თუ ისინი მიაკვლევენ ძირითად პრინციპს, კიდევ უფრო მაღლა ასწევენ კრიტიკულ ტემპერატურას.

თბილისში ჩატარებულ კონფერენციაზე მეცნიერები მნიშვნელოვან შეთანხმებამდე მივიდნენ — იმისთვის, რომ შეისწავლონ მაღალტემპერატურული ზეგამტარობის ფენომენი, აუცილებელია კრისტალური მესერის რხევების გათვალისწინება. აქამდე ცნობილ მეცნიერთა დიდი ჯგუფი ამტკიცებდა, რომ ეს ფაქტორი არც ისე მნიშვნელოვანია. ბოლოდროინდელმა კვლევებმა და ექსპერიმენტებმა კი დაადასტურეს, რომ აუცილებელია კრისტალური მესერის გათვალისწინება იმ მოდელებში, რომლებსაც თეორეტიკოსები ქმნიან მეცნიერული ექსპერიმენტების საფუძველზე.

კონფერენციის მონაწილეთა დიდი ყურადღება დაიმსახურა თსუ-ის პროფესორის, ალექსანდრე შენგელაიას მოხსენებამ, რომელიც შეეხებოდა იმ ექსპერიმენტულ ფაქტებს, რომლებიც მაღალტემპერატურულ ზეგამტარებში ჯერ კიდევ არ არის ახსნილი. კერძოდ, მან ისაუბრა ექსპერიმენტებზე, რომელიც შვეიცარიაში, პოლ შერერის ინსტიტუტის ცენტრში განლაგებულ ამპჩარებულზე ჩატარდა და საინტერესო შედეგებით დასრულდა. ამ ეტაპზე თეორეტიკოსებმა შედეგების ახსნა რომელიმე თეორიულ მოდელს უნდა შეუსაბამონ.

თბილისის სახელმწიფო უნივერსიტეტში ჩატარებულ სამეცნიერო კონფერენციას მაღალი შეფასება მისცეს მონაწილეებმა, რომლებმაც გაიზიარეს საქართველოს განათლებისა და მეცნიერების მინისტრის კახა ლომაიას წინადადება და შეთანხმდნენ, რომ ამგვარი კონფერენცია თბილისში რეგულარულად — ორ წელიწადში ერთხელ გაიმართოს.

**კახა ლომაია**, საქართველოს განათლებისა და მეცნიერების მინისტრი: — წელს უკვე ნობელის პრემიის მეორე ლაურეატი ესტუმრა საქართველოს. პირველი იყო გერმანელი ბიოფიზიკოსი, პროფესორი მიხეილ დელს გახლავთ შვეიცარიელი პროფესორი,



ფიზიკოსი ბედნორცი. ეს მიანიშნებს, რომ საქართველო საერთაშორისო სამეცნიერო ღონისძიებების მსოფლიო რუკაზე იმკვიდრებს ადგილს, რაც მნიშვნელოვანია ახალგაზრდობის მეცნიერებისადმი ინტერესის კიდევ უფრო გაღვივების თვალსაზრისით. ჩვენი ქვეყნის მთავრობის სახელით მონაწილეებს გავაცანინიციებთ, რომ ეს კონფერენცია რეგულარულად ჩატარდეს საქართველოში, იმისდა მიხედვით, თუ როგორ აიგება სამუშაო გრაფიკი იმ მაღალი რანგის მეცნიერებისა, რომლებიც იმყოფებიან თბილისის სახელმწიფო უნივერსიტეტში.

**გიორგი ხუბუა**, ივანე ჯავახიშვილის სახელობის თბილისის სახელმწიფო უნივერსიტეტის რექტორი:

— ჩვენთვის დიდი პატივია, რომ ნობელის პრემიის ორი ლაურეატი — ალექს მიულერი და გეორგ ბედნორცი თბილისის სახელმწიფო უნივერსიტეტის საპატიო დოქტორები გახდნენ. არანაკლებ საამაყოა ის, რომ ბატონი მიულერის მონაწილეობა, ალექსანდრე შენგელაია უნივერსიტეტის სრული პროფესორია.

მოხალისე ვარ, რომ მაღალი დონის კონფერენცია თბილისის სახელმწიფო უნივერსიტეტში ჩატარდა და მასში მონაწილეობდა 15 ქვეყნის 40-მდე ცნობილი მეცნიერი მსოფლიოს თითქმის ყველა კონტინენტიდან. ეს არის დიდი აღიარება ქართული საუნივერსიტეტო მეცნიერებისა.

**ალექსანდრე ალექსანდროვი**, ლონგბორგის უნივერსიტეტის პროფესორი:



— კონფერენციამ ძალიან მაღალ დონეზე ჩაიარა. აქ შეიკრიბნენ ადამიანები, რომლებიც ამ თემატიკაზე, მინიმუმ, ბოლო 20 წლის განმავლობაში მუშაობენ. ჩვენ ერთმანეთს ძალიან კარგად ვიცნობთ და ეს პრობლემა დღემდე ყველას ანუხებს, რადგან მაღალტემპერატურული ზეგამტარობის საიდუმლო ჯერ კიდევ არ ამოხსნილა. ისეთი შედეგები იქმნება, რომ წარმოიშობა კონსენსუსი იმ ძირითადი ურთიერთქმედების თაობაზე, რომელიც პასუხისმგებელია მაღალტემპერატურული ზეგამტარობის პროცესზე. ყოველ შემთხვევაში, თბილისში გამართულ კონფერენციაზე ჩვენ, მცირე გამოაკლისის გარდა, შევთანხმდით, რომ კრისტალური მესერის რხევებთან ურთიერთქმედება მაღალტემპერატურულ ზეგამტარებში უმთავრესია.

სასაიმოვნოა, რომ აქ ვხედავთ გეორგ ბედნორცს, რომელმაც ალექს მიულერთან ერთად აღმოაჩინა მაღალტემპერატურული ზეგამტარობა. მაშინ, როცა ისინი ამ საკითხზე მუშაობდნენ, სტიმული იყო მაღალი კრიტიკული ტემპერატურის აღმოჩენა ელექტრონებისა და მესერის რხევების ძლიერი ურთიერთქმედების სისტემაში.

ამ კონფერენციაზე დაისვა კონკრეტული საკითხები. კერძოდ, რომელი ურთიერთქმედება აგებს პასუხს ეფექტზე, როგორ გაზარდოთ ტემპერატურა, რომ მივალნოთ ოთახის ტემპერატურას, რის შედეგადაც ეს აღმოჩენა შეიძენს ფართო გამოყენებით მნიშვნელობას.

თავად თეორეტიკოსი გახლავართ და, ბუნებრივია, თეორიული საკითხები მაინტერესებს. ექსპერიმენტული შედეგების შესახებ აქ ბევრი საინტერესო მოხსენება წარმოადგინეს. განსაკუთრებით კი აღვნიშნავ იმ ჯგუფს, რომელიც დაკავებულია შედეგადობის სიღრმის გამოვლენით. ძალიან საინტერესო იყო პროფესორ ალექსანდრე შენგელაიას მოხსენება. კიდევ დამამახსოვრდა, რამდენიმე მოხსენება, სადაც განხილული იყო მაგნიტური ველის შედეგადობის სიღრმე და მისი დამოკიდებულება ტემპერატურაზე.

ჩემთვის მნიშვნელოვანია, რომ პრაქტიკულად ყველა (ის ადამიანებიც კი, რომლებსაც არ სჯეროდათ), შეთანხმდა, რომ ამ მასალებს აქვს ე.წ. „პოლარონები“ — ეს არის ელექტრონები, რომლებიც ძლიერად არიან დაკავშირებული მესერთან და ისინი ვრცელდებიან მესერის დეფორმაციასთან ერთად.

ამ საკითხებზე ჯერ კიდევ აღმოჩენამდე ვმუშაობდი და ვიცო, რომ ბედნორცი და მიულერი, ფაქტობრივად, ეძებდნენ პოლარონებს ახალ მასალებში. ამ კონფერენციის შემდეგ უფრო მყარად ვარ დარწმუნებული, რომ მათ ის იპოვეს.

## საკატიო დოქტორობა ნიშნავს, რომ მე აწი უნივერსიტეტის აკადემიური პერსონალის წევრი ვხდები

**იოჰანეს გეორგ ბედნორცი**, ნობელის პრემიის ლაურეატი, შვეიცარიელი მეცნიერი:


— მას შემდეგ, რაც თქვენი აღმოჩენა ნობელის პრემიით აღინიშნა, რა შეიცვალა მყარი სხეულების ფიზიკაში?

— ჩვენ აღმოვაჩინეთ ნივთიერების სრულიად ახალი კლასი, რომელშიც ზეგამტარ-

ობას არავინ ეძებდა. აღმოჩენის შემდეგ ველოდით, რომ ამის თაობაზე მეცნიერებში გარკვეული სექსპტიციზმი დაისადგურებდა, მაგრამ, ჩვენდა გასაკვირად, მან ძალიან დიდი აუიოტაჟი გამოიწვია. რამდენიმე ადამიანმა დაიჯერა, რომ ეს სიმართლე იყო და ჩვენი შედეგები გაიმეორა, რამაც კიდევ უფრო მყარად დაადასტურა, რომ მართლაც ვიყავით. ამის შემდეგ დაიწყო არნახული ბუმი ამ მიმართულებით. შედეგად ის მივიღეთ, რომ ზეგამტარობის კრიტიკული ტემპერატურა, რომელიც აღმოჩენის დროს 35 კელვინი იყო, ამჟამად 135 კელვინია..

რაც შეეხება ამ მოვლენის ახსნას, ჯერჯერობით, 20 წელი გავიდა და მთელი მსოფლიოს მეცნიერები თავს იმტკიცებენ მისი მექანიზმის ახსნაზე, მაგრამ, ჯერჯერობით, შედეგები არ ჩანს.

დიდი პროგრესია აღმოჩენის პრაქტიკული გამოყენების, ტექნიკური და ინჟინერული თვალსაზრისითაც. თავიდან ძნელი იყო ზეგამტარი კაბელების დამზადება, მაგრამ ამჟამად უკვე



მეორე თაობის ზეგამტარი კაბელები მზადდება, რომლებიც თავიანთი მონაცემებით უკვე ბევრად აჭარბებენ ტრადიციულ დენის გამტარებს, მაგალითად, როგორცაა სპილენძი.

მაღალტემპერატურული ზეგამტარობის აღმოჩენამ, ასევე, დიდი იმპულსი მისცა ექსპერიმენტული მეთოდების დახვეწას და დამუშავებას. ამიტომ, დღეს, გაცილებით მეტი არსენალი გვაქვს ექსპერიმენტული კვლევებისათვის, რაც, იმის მიმანიშნებელია, რომ შესაძლოა, ახალი აღმოჩენების წინაშე დავდეთ.

**ალბო, სხვა უნივერსიტეტების საპატიო დოქტორიც ბრძანდებით. რა შეგრძნებაა, როცა ხედავთ, რომ თქვენს დამსახურებას ასე აფასებენ და აღიარებენ?**

— რა თქმა უნდა, ამ მომენტებში ყოველთვის თქუფლება სიამაყის გრძობა, რადგან ის საქმე, რომელიც ერთად გავაკეთეთ მე და ჩემმა კოლეგამ, ალექს მიულერმა, დაფასებული და შეფასებულია მსოფლიოს სხვადასხვა ქვეყანაში. რა თქმა უნდა, საპატიო დოქტორობა ნიშნავს, რომ მე ამ უნივერსიტეტის აკადემიური პერსონალის წევრი ვხდები, რაც ჩემთვის ძალიან დიდი პატივია.



## ავსტრალიაში მოღვაწე ქართველი მეცნიერის ლექსიანი თსუ-ში

ავსტრალიაში მოღვაწე ქართველი მეცნიერი, მათემატიკოსი ესტატე ხმალაძე, რომელმაც შარშან წარმატებული სტუდენტისთვის სტიპენდია დაანება, რამდენიმე კვირაა, უსუსტ და საბუნებისმეტყველო მეცნიერებათა ფაკულტეტის IV კურსის სტუდენტებისა და მაგისტრანტებისთვის კითხულობს ინტენსიურ კურსს „შესავალი შემთხვევით პროცესთა თეორიაში და მისი გამოყენებები“. ლექციები ნოემბრის თვეში დასრულდება, რის შემდეგაც სტუდენტთა ამ ჯგუფთან მუშაობას პროფესორ ესტატე ხმალაძის ასისტენტი გააგრძელებს.

## ბისენის უნივერსიტეტის პროფესორმა თსუ-ში საჯარო ლექსია წაიკითხა

თსუ-ში სტუმრად იმყოფება ბისენის (გერმანია) უნივერსიტეტის პროფესორი ლორენც კინგი, რომელიც, ქართველ და უცხოელ მეცნიერებთან ერთად, 2008 წლის სექტემბერში თსუ-ში ჩაატარებს საერთაშორისო კონფერენციას თემაზე: „გარდამავალი პერიოდი ევროპასა და კავკასიის ქვეყნებში“.

ბისენის უნივერსიტეტსა და ივანე ჯავახიშვილის სახელობის თბილისის სახელმწიფო უნივერსიტეტს შორის დიდი ხანია, პარტნიორული ურთიერთობები არსებობს. შარშან თსუ-ის დელეგაცია მიწვეული იყო ბისენის უნივერსიტეტის საიუბილეო დღეებზე, სადაც ქართველმა პროფესორმა ალექსანდრე შენგელაიამ წამოაყენა საერთაშორისო კონფერენციის თბილისში ჩატარების იდეა, რასაც მეცნიერთა და DAAD-ის წარმომადგენელთა მხრიდან მხარდაჭერა მოჰყვა.

ამ ეტაპზე პროფესორი ლორენც კინგი სამუშაო შეხვედრებს ატარებს თბილისის სახელმწიფო უნივერსიტეტსა და DAAD-ის წარმომადგენლობაში. 17-19 ოქტომბერს პროფესორმა ლორენც კინგმა წაიკითხა საჯარო ლექცია თემაზე: „თანამედროვე გეოგრაფიის აქტუალური საკითხები“.

# ახალი ინტერპრეტაციები არგონავტიკაზე

## საერთაშორისო კონფერენცია – არგონავტიკა და მსოფლიო კულტურა

მეცნიერების

### საქართველოსა და კვიპროსის შორის ურთიერთობა ახალ შინაარსს იძენს

კონფერენციის ფარგლებში თსუ-ის რექტორმა გიორგი ხუბუამ და კვიპროსის უნივერსიტეტის პრეზიდენტმა ფაკულტეტის დეკანმა იოანის ტაიფაკოსმა ივანე ჯავახიშვილის სახელობის თბილისის სახელმწიფო უნივერსიტეტსა და კვიპროსის უნივერსიტეტს შორის ურთიერთთანამშრომლობის ხელშეკრულებას მოაწოდეს ხელი. ხელშეკრულება საქართველოს და კვიპროსის საუნივერსიტეტო სივრცეების დაახლოებას, სტუდენტებისა და პროფესორ-მასწავლებლების მობილობის გააქტიურებას შეუწყობს ხელს. გიორგი ხუბუამ იმედი გამოთქვა, რომ ორ ქვეყანას შორის არსებული კულტურული ურთიერთობების ტრადიციები აღდგება და ახალ შინაარსსაც შეიძენს.

იოანის ტაიფაკოსის განცხადებით, კვიპროსის უნივერსიტეტის პრეზიდენტმა ფაკულტეტს შესანიშნავი ინტელექტუალური პოტენციალი, თანამედროვე ტექნიკური აღჭურვილობა და საბერძნეთთან დაკავშირებულ დარგებში მაღალი დონის კვლევების წარმოების შესაძლებლობა გააჩნია, რაც მიმდინარე აკადემიური წლიდან ორივე უნივერსიტეტისთვის კარგ წინაპირობად იქცევა სახელმწიფოებო პუნქტების შესასრულებლად.



### მოსაზრებები მედას თვალაზუა

კონფერენციის მსვლელობაში არგონავტიკის თქმულებასთან დაკავშირებით არა ერთი საინტერესო მოსაზრება გამოითქვა. მიმოიხილეს ჰელიოსის კოლხური მემკვიდრეობა, აიეტის ქვეყანა და არგო ჰომეროსის ტრადიციამ, მედას სახე თანამედროვე ქართული მხატვრული კულტურის კონტექსტში, თანამედროვე ბერძნულ დრამატურგიაში, იტალიურ კულტურაში: მითოლოგიაში, თანამედროვე ლიტერატურის ზოგიერთ ნიმუშში, მუსიკასა და იკონოგრაფიაში. საუბარი ვან გოგის, ვერმიდელის, ლარს ფონ ტრიერისა თუ პაზოლინისეულ მედასაც შეეხო. იმსჯელეს არგონავტიკის ტექსტის ორი ტრადიციით წაკითხვის აუდიო-ესთეტიკურ ეფექტსა თუ არგონავტიკის თემის ასახვის ფორმებზე ბიზანტიურ რომანში, არგონავტიკის მითის ენიგმატურ ლოგიკასა თუ ქრისტიანულ სახისმეტყველებასზე.

დიდი ინტერესი გამოიწვია ახალგაზრდა ვენეციელი მეცნიერის, ფილიპომარია პონტანის მოხსენებამ „მედას ზმანებანი“, რომელშიც იგი პირველი საუკუნის დასაწყისში შექმნილი პაპირუსის გრაფილის (სახელწოდებით „Papyrus Oxyrinchus 4712“) ფრაგმენტების აღდგენას ცდილობდა.

„Papyrus Oxyrinchus 4712“-ის ასზე მეტი ფრაგმენტი სამი წლის წინ ჯოვან ბატისტა დალესიომ გამოაქვეყნა.

საერთაშორისო კონფერენცია „არგონავტიკა და მსოფლიო კულტურა“ ივანე ჯავახიშვილის სახელობის თბილისის სახელმწიფო უნივერსიტეტის კლასიკური ფილოლოგიის, ბიზანტიისტიკისა და ნეოგრეციისტიკის ინსტიტუტში 1-დან 3-ოქტომბრამდე მიმდინარეობდა. კონფერენცია საბერძნეთის კულტურის სამინისტროსა და საქართველოში საბერძნეთის საელჩოს ურთიერთთანამშრომლობით ჩატარდა.

სხვადასხვა ქვეყნის მეცნიერებმა ერთმანეთს საკუთარი მოსაზრებები გაუზიარეს. კონფერენციის განმავლობაში მათ საშუალება ჰქონდათ, თვალყური ედევნებინათ არგონავტიკის სფეროში წარმოებული თანამედროვე გამოკვლევებისთვის. სამეცნიერო დისკუსიები სხვადასხვა მიმართულებით წარმოებდა: „არგონავტიკა და ანტიკური კულტურა“, „არგონავტიკა პოსტანტიკურ ეპოქაში“, „არგონავტიკა თანამედროვე მსოფლიოში“. კონფერენციის დასრულების შემდეგ ბერძენმა სტუმრებმა საქართველოში ის ადგილები მოინახულეს, სადაც ისტორიამ არგონავტიკის კვალი დღემდე შემოინახა.

კლასიკური ფილოლოგიის, ბიზანტიისტიკისა და ნეოგრეციისტიკის ინსტიტუტის დირექტორის, პროფესორისმა გორდო ზიანის განცხადებით, მსგავსი კონფერენციები კიდევ ერთხელ ადასტურებს, რომ უნივერსიტეტი მხოლოდ სასწავლო ფუნქციით არ იზარგლება, არამედ იგი ტრადიციულად აგრძელებს სამეცნიერო მუშაობას, როგორც მეცნიერთა აქტიურობის გამოსავლენად, ასევე სტუდენტებისთვის უახლესი ინფორმაციის მიწოდების მიზნით. რაც შეეხება არგონავტიკის თემს, ის მართალია უძველესია, თუმცა აქტუალურობა არ დაუკარგავს და როგორც ნებისმიერი ჭეშმარიტად მეცნიერული ღირებულების პრობლემა, გამუდმებით კვლევას საჭიროებს.

მეცნიერები ვარაუდობენ, რომ ეს საკმაოდ მწირი ნაწევრები არგონავტიკის თემაზე შექმნილი ელინისტური ეპიკური პოეზიის ფრაგმენტები უნდა იყოს, რომლის აპოლონიის როდოსელთან კავშირი უცნობია.

აქვე მოგახსენებთ, რომ ბერძენი პოეტი და ფილოლოგი აპოლონიის როდოსელი ჩვ.წ.აღ-მდე III საუკუნეში მოღვაწეობდა. სწორედ მან შეინახა და ლიტერატურულად გადაამუშავა არგონავტიკის კოლხეთში მოგზაურობის ამსახველი მითები. „არგონავტიკის“ პირველ ორ წიგნში დეტალურად არის გადმოცემული არგონავტიკის გასამგზავრებლად მზადება და კოლხეთამდე გავლილი გზა. მესამე წიგნში მედას იასონისადმი სიყვარულია აღწერილი. მეოთხე წიგნი კი სამშობლოსკენ მიმავალი არგონავტიკის ფანტასტიკურ მოგზა-

მესი სამუშაოს შესრულებაში. პაპირუსის მე-11 და მე-12 სტრიქონები ეხმარება აპოლონიისთან იასონისა და მედას პირველი საიდუმლო შეხვედრის ეპიზოდის შესავალს. ეს პაპირი იმითაც არის საინტერესო, რომ მას მოჰყვება სამედიცინო პროტოკოლის მსგავსი რამე, რომელიც აღწერს მედას სასიცოცხლო ემოციებს გვირგვინის გამოჩენისას. საეჭვოა, რომ ეს ანალოგიები შემთხვევითი იყოს, - განმარტავს ფილიპომარია პონტანი.

მეცნიერის აზრით, პაპირუსები ეხება პოემას, რომელიც დიდ ყურადღებას ამახვილებდა მედას ჩაძინების პროცესსა და სიზმრის დაწყებაზე: ეს შეიძლება გვირგვინი იყოს იმ მოსაზრებებთან, რომლებიც ლიტერატურაში მედას თვალბრუნებელი დაკავშირებით ფიგურირებს (ეგვიპტეში აპოლონიისადმი და გრილპარცერიდან პაზოლინისა და არიელ დორფმანამდე). შესაძლოა, ეს ფორმულირება ასევე გვახსენებდეს არისტოტელის „ფიზიოლოგიურ დოქტრინას სიზმრების შესახებ“, რომელიც შეესაბამება ელინისტური ეპიკისთვის ტიპურ დანიტერესებას საბუნებისმეტყველო მეცნიერებით და რაც აპოლონიის მიერ „არგონავტიკაშიც“ გახლავთ დამონებული.

არისტოტელეს ტრაქტატის (სიზმრის ფიზიოლოგიაზე) მიხედვით „სიზმრები წარმოქმნილია აღქმითა მოძრაობით გრძობითი ორგანოებიდან სისხლის გავლით უკან „შეგრძნების ორგანოზე“ ანუ გულამდე, რომელიც ტრადიციამ, ანტიკური ტრაგედიებიდან მოყოლებული, განსაზღვრა როგორც სიზმრის ჭეშმარიტი ადგილი.

„ზოგადად რომ ვთქვათ, მჯერა, რომ ცოტა თუ უარყოფს, რომ პოემა, რომლის ფრაგმენტები შემონახულია „POxy 4712“-ში მედას სიზმრის წარმოქმნასა და არსს ეხება. სტრუქტურულ და ლინგვისტურ დონეზე ამ ნაწევრებს ბევრი მსგავსება აქვს როდოსელის მესამე წიგნის პასაჟებთან. ეს ორი ელემენტი შეიძლება სრულად შეესაბამებოდეს არგონავტიკის შესახებ სხვა ცნობილი ელინისტური პოემიდან შემორჩენილ ვარიანტს“, - აცხადებს ფილიპომარია პონტანი და „POxyrinchus 4712“-თან დაკავშირებით სამ ძირითად პრობლემას გამოყოფს:

„თუ ჩვენი პაპირუსის პოემა აპოლონიის არგონავტიკაზე აღინიშნება, უნდა უგულებელვყოთ მირლეული ასკლიპიადეს მსჯელობა, რომლის მიხედვით აპოლონიისმა ყველაფერი გადმოიღო კლეონისაგან. აპოლონიის მართლაც პირველი იყო, ვინც მონლოგებისა და სიზმრების ახალი ლიტერატურული მოდელები შემოიტანა? პირველი იყო ის, ვინც მედას გვიჩვენებს და სიყვარულია და ქალურობის განსახიერებად დაგვიხსნა? და როგორ უნდა შევაფასოთ იმის შესაძლებლობა, რომ საუკუნეების შემდგომ კლეონის ნაშრომი ყოფილიყო ვალერიუს ფლაკუსის არგონავტიკის წყარო? რა უნდა ვუყოთ ახლანდელ თეორიებს, რომლებიც უგულებელვყოფენ ელინისტურ პერიოდში მითოლოგიური ეპიკის ტრადიციის არსებობას?“

### გადაყლაპა თუ არა გველეშაპმა იასონი



შავი ზღვის საერთაშორისო უნივერსიტეტის პროფესორმა, ფილოლოგმა და ფოლკლორისტმა ქეთევან სიხარულიძემ არგონავტიკის თქმულების უცნობი ვერსია წარუდგინა მსმენელს. მისი მოხსენება სახვითი ხელოვნების იმ ძეგლებს შეეხო, რომლებზე წარმოდგენილი ეპიზოდებიც არ დასტურდება საყოველთაოდ ცნობილი მითოლოგიურ ტრადიციაში. ამის მიზეზი ის გახლავთ, რომ ფოლკლორული წყაროები ყოველთვის არ აისახებოდა წერილობით ძეგლებში და დროთა განმავლობაში დავიწყებას ეძლეოდა.

ჩვენამდე მოღწეული არგონავტიკის თავადადასავალი ლიტერატურულად დამუშავებული ვერსიისა. სავარაუდოა, რომ მას საფუძვლად დაედო ფოლკლორული სიუჟეტი, რომელსაც ზეპირსიტყვიერებაში უსათუოდ ექნებოდა შესაბამისი ვარიანტი. ამას ადასტურებს ის ფაქტიც, რომ ანტიკური ხანის ავტორები ზოგჯერ განსხვავებულ ინფორმაციას გვანდებენ თქმულების ცალკეული ეპიზოდებისა და გმირების შესახებ.

ქალბატონი ქეთევანი არგონავტიკის მითის ერთერთი ვერსიის რეკონსტრუქციას ვატიკანის მუზეუმში დაცული ნოთელფიგურული კილიქის საშუალებით ახდენს. კილიქზე გამოსახული გველეშაპი ადამიანს გადმონათხვეს პირიდან. შესაძლოა ვივარაუდოთ, რომ ეს გმირი იასონია და გველეშაპის მიერ მისი გადაყლაპვისა და შემდეგ ამონთხვევის ფაქტთან დაკავშირებით აღწერილი ცნობა ამჟამინდელ თქმულებაში არა გვაქვს.

„სავარაუდოა, რომ მხატვარმა კილისზე თქმულების მისთვის ცნობილი ეპიზოდი გამოსახა, რომელიც დროთა განმავლობაში დავიწყებას მიეცა. საზოგადოდ, გველეშაპის მიერ გმირის გადაყლაპვა უძველესი და უნივერსალური მოტივია. იგი გველეშაპის სახის სემანტიკას უკავშირდება, რამაც ინიციაციის რიტუალის მითოლოგიური გააზრება განაპირობა“, - აღნიშნავს ქეთევან სიხარულიძე.

გველეშაპი რთული მითოლოგიური სახეა, მასში ერთმანეთს ერწყმის გველისა და თევზის სიმბოლიკა თუ ფუნქციები, რასაც მისი ქართული სახელი „გველეშაპი“ მშვენივრად გამოხატავს. ფიზიკურ

ძალასთან ერთად გველეშაპი სიბრძნის განსახიერებაცაა. მასთან ზიარებული ადამიანი განსაკუთრებული შესაძლებლობებით აღიჭურვება. ამისთვის კი მის წიაღში, უფრო სწორად მუცელში უნდა ჩასულიყო, საიდანაც გარდასახული გამოდიოდა.

„ამგვარი პროცესი გააზრებული იქნა, როგორც სიკვდილის გზით ღვთაებრიობასთან ზიარება და იგი ხელახალი შობის სემანტიკით დაიტვირთა. როგორც ჩანს, გველეშაპის მიერ გმირის გადაყლაპვა და ამონთხვევა არქაული მითოლოგიური სიუჟეტი იყო, რომელიც ინიციაციის რიტუალს დაედო საფუძვლად და რომლის რუდემენტები გველეშაპის მსოფლიოს ხალხთა ფოლკლორულ-ეთნოგრაფიულ მასალებში,“ - აღნიშნა ქეთევან სიხარულიძემ.

გველეშაპთან მებრძოლ წმინდა გიორგის იკონოგრაფიაში ხან თევზის, ხან გველეშაპის ქერცლისებური ჯავშანი აცვია. ქერცლისებურად განლაგებული ლითონის ფირფიტების მსგავსი ორნამენტი ბრინჯაოს ხანის კავკასიაში აღმოჩენილ ნივთებზეც გვხვდება და მას თევზისებური ეწოდება. ამგვარი ჯავშანი რომელთა აღჭურვილობაშიც შედიოდა, მაგრამ მისი მითოლოგიური სემანტიკა დიდი ხნის დავიწყებულია.

კავკასიაში რომ გველეშაპის ძლიერი კულტი არსებობდა, ფოლკლორულ-ეთნოგრაფიული მასალებიც ადასტურებს: ერთერთი მითის მიხედვით, მთის ნაპრალები განოლილმა გველეშაპმა გამოზარდა გმირი და მას ჯაჭვის პერანგი აჩუქა, რითაც გმირი უძლეველი გახდა. გარდა ამისა, კავკასიის ტერიტორიაზე დიდი რაოდენობით არის აღმოჩენილი მეგალითური იფიკურული - ეგრეთწოდებული ვეშაპოიდები. ზოგიერთ მათგანს ზურგზე სანმისი ან ცხვრის ტყავი აქვს ამოტვიფრული, რაც იმაზე მიგვანიშნებს, რომ მათ ბარაქიანობისა და სამეფო ხელისუფლების მფარველის ფუნქცია ეკისრებოდათ. სწორედ ამის გამო იცავდნენ საგანგებოდ ხეზე გამოფენილ სანმისს, როგორც ღვთაების სიმბოლოს.



ქეთევან სიხარულიძის აზრით, არგონავტიკის თქმულებაში სანმისის მოდარაჯე გველეშაპის არსებობა კავკასიურ ტრადიციებს ეფუძნებოდა. აქედან გამომდინარე, არ არის გამორიცხული, რომ იასონიც ყოფილიყო გველეშაპისგან გადაყლაპული გმირთა რიცხვში, იგი ხომ კოლხეთში იმ მიზნით ჩამოვიდა, რომ საკუთარ ქვეყანაში მეფის სტატუსით დაბრუნებულიყო — მეფის ტახტის მისაღებად გმირს კი გამოჩვენებდა, ყოველმცოდნეობა და განჭვრეტის უნარი უნდა ჰქონოდა. სავარაუდოა, რომ მითის ჩვენთვის უცნობ ვერსიაში იასონი კი არ იტაცებდა სანმისს, არამედ ინიციაციის გზით მოიპოვებდა მას, როგორც სამეფო ხელისუფლების სიმბოლოს. ვატიკანის მუზეუმში დაცულ ნოთელფიგურულ კილიქსზეც ალბათ ეს მომენტია ასახული.“

# სახელმწიფო არის დროებითი რეალობის ავტონომია

ფორუმში გვიკავშირდებიან

ნიმუ კაკაულია

— გამარჯობა ბატონო გივი! ჩვენი ვირტუალური გაცნობა შედეგა — ლიტერატურულ ფორუმში „ეპლიტო“ თქვენ ასე გეცნობათ უამრავი ადამიანი, ვინც თქვენი შემოქმედებით ინტერესდება. ურთიერთობის ასეთ ფორმაზე გადასვლა რამ გიკარნახათ? თქვენ კარგად „მიიღეთ“ და შეითვისეთ კომუნიკაციის ახალი ტექნოლოგია მაშინ, როცა თქვენი თაობიდან ზოგიერთ მათგანს კომპიუტერის მიმართ აგრესიაც კი აქვს. მაინც როგორ მივიზიდათ ამ „ეშმაკის გამოგონილმა“ ეკრანმა?

— აღმოვაჩინე, რომ მწერალს სჭირდება კომუნიკაცია. მისი სიტყვა, ლექსი, მოთხრობა თუ ესე — ეს არის კომუნიკაციის საშუალება გარკვეულ აუდიტორიასთან, შენს მკითხველთან. ნიგნები არ იყიდება! ნიგნების ტირაჟი, როგორც წესი, არ აღემატება ორასიდან ათასს. ფორუმში ათასობით ადამიანი გვეხმარება, ვინც რეალურად წაიკითხა ჩემი და სხვათა ტექსტები. ეს დრომ გვიხმარა და აქ უკვე ბუზლუნი თუ 80-იანი წლების მენტალიტეტით სიარული ახსურდება. ისე, წავიტრაბახებ და ვიტყვი, რომ შინაგანად ნოვატორების მომხრე ვიყავი, ვარ და ასე მოვკვდები ალბათ... არ მიყვარს დახვებულნი აზროვნება.

ტარიელ ჭანტურია ხუმრობს ხოლმე: „ათასმა სეროჟამ ისწავლა მანქანის ტარება და რა გახდა, მე და შენც რომ ვისწავლოთ“. ელემენტარული მონდომება საჭირო, მეტი არაფერი. თავიდან ჩემს ლექსებს ვერ ვაქვეყნებდი, შრიფტს ვერ ვცვლიდი, სასაცილო დღეში ვიყავი, მაგრამ არ შემრცხვია და ვისწავლე.

— თქვენ უნივერსიტეტული ბრძანებით და საინტერესოა თქვენი შეხედულება დღევანდელ სტუდენტურ ცხოვრებაზე. გსურთ თუ არა, დღეს უნივერსიტეტში სწავლობდით? თუ თქვენი დრო ჯობდა... მოდის თაობა, რომელმაც საერთოდ არაფერი იცის, რა ხდება და საბჭოთა პერიოდის დროს თქვენი სტუდენტობისას...

— დიახ, სამწუხაროდ, მე ვიყავი საბჭოური პერიოდის სტუდენტი. ამ წლების მიმართ ნოსტალგიას ათასი მიზეზის გამო ნამდვილად არ ვგრძნობ, თუმცა მაშინ ადამიანთა შორის ურთიერთობები პოლიტიზირებული არ იყო, რაც დღეს ასე მინატრება. მე ვარ 26 მაისს დაბადებული და ეს უნივერსიტეტში სწავლის დროს ჩემს ტრაგედია იქცა. ყოველ დაბადების დღეზე ჯიბეში პასპორტი მედო, რადგან მეგობრებთან ერთად ქეიფის დროს თავზე დაგვადებოდა ხოლმე ერთი მაიორი (სუკ-ის კაბინეტიდან), რომელსაც თავისი „კუდები“ ჰყავდა და გვეკითხებოდნენ: — რას აღნიშნავთ? მოგესხენებათ, ეს იყო საქართველოს დამოუკიდებლობის დღე, ჩვენ ეს ძალიან კარგად ვიცოდით... მერაბ კოსტავა, შოთა ჩანტლაძე... ხომ აბსოლუტურად განსხვავებულად მოაზროვნე ახალგაზრდები იყვნენ და 26 მაისს უნივერსიტეტის ეზოში ჩვენი თავყრილობა თვალშისაცემი იყო.



დღეს ვისაც უნდა სწავლა, აქვს ის მუხტი და ის სურვილი, რომ ისწავლოს, მისთვის შესანიშნავი პერიოდია. ის ნიგნები, რაც გვენატრებოდა, ყოველთვის გამოგვკვნიდა კონსტანტინე გამსახურდიას თუ სხვა დიდი მწერლების ბიბლიოთეკებიდან და ჩუმიდ ვაგრცხვებდით ქსეროასლებს. ბედნიერი ვარ, რომ 1961 წელს მოვხვდი უნივერსიტეტის ბიბლიოთეკაში, რომელიც საქართველოში პირველი ბიბლიოთეკა — შალვა ალხაიშვილის ეკუთვნოდა. მე 17 წლიდან სწორედ იმ ბიბლიოთეკაში გავიზარდე.

დღევანდელ სტუდენტებს კი მეტი თავისუფლება აქვთ თუნდაც იმ კუთხით, რომ რაც ჩვენ დროს იყო პრობლემური, ის დღევანდელი თაობისთვის ხელმისაწვდომია. ქლისი და ვაჟის ურთიერთობა ტაბუდირებული თემა იყო, გარკვეული კონტროლის ქვეშ ვიყავით ყველა. მალვით აბსოლუტურად ყველაფერი ხდებოდა, მაგრამ დღეს ეს თემა ღიაა.

\*\*\*  
ასე ვარსებობთ, ამბობიდან ამბობებამდე ჩნდება პაუზა ერთნაირი, თორმეტწლიანი ან ოთხნაირი და დღე-ღამეს ვითვლით პულსივით, გახშირებული სუნთქვის სითბო მინებს დაორთქლავს, თვალში ჩაგვხედავს გაოგნების ნუთი გულცივი და დაემუნჯდებით, უსიტყვობით გავისუსებთ და მეგაფონებს, ტელე-არხებს შევისვლიან იგივეობის უსახური ჰაბიტუსები...

29. 09. 2007

ძნელია, უკომენტაროდ დატოვო პოეტის ლექსად ნათქვამი, მით უფრო მაშინ, როდესაც იგი ფორუმში გეპატიჟება... ჩვენი რუბრიკის სტუმარია გივი ალხაიშვილი. ადამიანი, რომელიც პოლიტიკაში არასდროს ერევა, თუმცა აზრი თუ მოერევა, არასდროს იხებს უკან — თქვას მისი სათქმელი.

სუბტილია, მიმდინარე პოლიტიკური ბატალიები და ჩვენთვის ისტორიულად კარგად ნაცნობი მორიგი ისტორია ყველას გვიბიძგებს დიდ პოლიტიკაზე სჯა-ბაასისკენ. თავს არავინ წააგებს, თუკი იმას იტყვის, რისი თქმაც არ ეშინია. მთავარია, ადამიანს არ ეშინოდეს, რომ მისი სიტყვები მოცემულ ისტორიულ პერიოდში შეიძლება პოპულარულად სულაც არ აღერდეს, მაგრამ იცოდეს ერთი რამ: რომ მისი სიტყვების უკან ქვეყნის მომავალი თაობის წარმომადგენელთა ბედი დგას.



ამით იმის თქმა მინდა, რომ დრო შეიცვალა და ახალგაზრდობაც უფრო თავისუფალია. თუმცა ბოლომდე არც ისინი არიან თავისუფალი მიუხედავად იმისა, რომ ტოტალიტარული რეჟიმი აღარ არის. ვისაც პასუხისმგებლობის გრძნობა აქვს, ის ვერასდროს იქნება თავისუფალი.

ღვთის ნინაშე რაღაც გარკვეული შიში ხომ გვაქვს ყველას. დოსტოვესკის აქვს ასეთი გამოთქმა: „თუ ღმერთი არ არსებობს, მაშინ ყველაფერი დასაშვებია“. აი, „ყველაფრის დაშვებაში“ რომ გადავიდეთ, თუ გადადის ჩვენი დამოკრატია, ეს არის ცუდი.

— საბჭოთა ხელისუფლებისთვის უნივერსიტეტი ყოველთვის იყო ის კერა, რომლის ნიაღშიც გამოთქმულ თავისუფალ აზრს, უმეტესწილად, იგი ანგარიშს უწევდა. აქ „აზირობებული ტალღა“ ხშირად აბალანსებდა კიდევ ხელისუფლების ქმედებებს. უნივერსიტეტს ეს მისია უკვე აღარ აკისრია, რადგან თავისუფალი სიტყვის თქმა დღეს ქვეყნის პარალელურ სფეროში შეიძლება და უამრავი დემოკრატიული ინსტიტუტი მუშაობს საზოგადოებრივი აზრის ფორმირებისთვის. ამდენად, დღეს პრიორიტეტულია განათლება პოლიტიკის გარეშე. საინტერესოა თქვენი აზრი განათლების რეფორმაზე...

— ძალიან ჭკვიანი წმინდა მამა ამბობდა (მე ხშირად ვიმეორებ ამ სიტყვებს), რომ სახელმწიფო არის დროებითი რეალობის ავტონომია. ამ დროებითი რეალობის ავტონომიაში არიან სამინისტროები და მინისტრები, რომლებიც დროებითი რეალობის ნაწილი არიან. დროებითი რეალობა არის დროებითი იმიტომ, რომ დროებითი რეალობა აუცილებლად შეიცვლება ხვალ, ზეგ... შესაბამისად, განათლების რეფორმაც და დაიხვეწება, ან მოვა სხვა ხელისუფლება და მას შეცვლის. მაგრამ საქართველოში არ შეიძლება იყოს გამუდმებული რევოლუციური ცვლილებები, რადგან ჩვენ ასე სახელმწიფოდ ვერ ჩამოვყალიბდებით.

ვხედავთ, რომ განათლების პრიორიტეტები აბსოლუტურად შეიცვალა. არ მომწონს, როდესაც კლასიკურ ფილოლოგიაში ნაკლები ყურადღება ექცევა, მაგალითად, ჰაგიოგრაფიული ძეგლების კვლევას.

საბჭოთა პერიოდში იდეოლოგიური იყო ყველა პუმანიტარული დარგი — ეს გახლდათ საშინელება, ამდენად ვერ ვიტყვი, რომ მაშინ უკეთესი განათლება გვქონდა. მაგრამ სპეციფიკურ დარგებს — კლასიკურ ფილოლოგიას, მათემატიკას, ფიზიკას, ბიოლოგიას დიდი ხელშეწყობა ჰქონდა და ეს დარგები ხელშეუხ-

და ხდებოდნენ დოქტორები. მათ „წარმატებული“ ადამიანები ერქვათ, ჰქონდათ მაღალი ხელფასი და პრივილეგია, რაც მათი ცხოვრების ნესზეც აისახებოდა. „მამამისი პროფესორია და მას უნდა მივათხოვოთ ჩვენი ქალიშვილი“ — ეს ერთერთი გავრცელებული ფრაზა გახლდათ და ის დრო რომ წავიდა, კარგია!

— ანუ თქვენ წინააღმდეგი ხართ საზოგადოებაში პრივილეგირებული ფენის წარმოშობისა, თუნდაც ეს იყოს ინტელიგენცია? ჩვენ დღეს სწორედ შემოქმედი ადამიანების მიძინების პრობლემას განვიცდით. იქნებ ამის მიზეზი ის არის, რომ ასეთ ადამიანებს აღარ ვაფასებთ, აღარ სწავსავლივთ, აქტიურად არენაზე აღარ გამოგვყავს?

— მწერალი უნდა იყოს თავის ადგილზე და უნდა აკეთოს ის, რაც უნდა აკეთოს. ჩემთვის არ არის საჭირო არავითარი პრივილეგია. ნუ თხოულობენ პრივილეგიებს — „რადგან ჩვენ ვწერთ ლექსებს და მოთხრობებს, ჩვენ მთავრობამ უნდა გვარჩინოს!“ ასეთ მიდგომას რომ ვაპროტესტებ, ამის გამო ბევრი მწერალი მემტყუნება. ამავე დროს, შემოქმედი ადამიანებისადმი მთავრობის მხრიდანაც არასწორი დამოკიდებულებაა. ქართულ მწერლობაში არც ერთი პროექტი არ ხორციელდება. აქ ლაპარაკი არ არის პირდაპირ დაფინანსებაზე, სტიპენდიის მიცემაზე ან ფულის ჩუქებაზე. საუბარია წარმატებული პროექტების განხორციელების ხელშეწყობაზე. როდესაც მე და ტარიელ ჭანტურიას კულტურის სამინისტრო უარს გვეტყვის ჩვენს მიერ შედგენილ ქართული პოეზიის ანთოლოგიაზე იმ ერთადერთი მიზეზით, რომ ქართული პოეზია სახელმწიფოს პრიორიტეტი არ არის, რაღაზე უნდა ვილაპარაკოთ? ჩვენნაირ პატარა ქვეყანაში უშუალოდ ლიტერატურის ბაზრის იმედად დატოვება. ეს ნიშნავს ლიტერატურული კრიტიკის კვდომას, დრამატურგიის კვდომას, პოეზიისას და ეს სახეზეა...

— რით ახსნით თუნდაც იმ ტენდენციას, რომ ქართული ლიტერატურა სულს დაგვას? ეს ყველა ნამდვილ ქართველს ალელვებს, რადგან ჩვენი მწერლობიდან აღარ მოდის ის მუხტი, რომელიც საზოგადოებისთვის საჭირო — საკვები ღირებულებების დამკვიდრებას უწყობდა ხელს?

— ჩვენ ასე გლობალურად არ ვფიქრობთ. აი, მაგალითად, ბაზარში გაიყიდება ვიღაც ნითელთმინანი გოგოს ნიგნი სათაურით: „ცოლი წავიდა სალაღატოდ“. ბაზარში მისცა „დაბრო“ და ეს უკვე საკმარისია. აქ ლიტერატურაში ჩარევაზე კი არ არის ლაპარაკი, ამ შემთხვევაში ვეხებით, ზოგადად, კულტურაზე ზრუნვის თემას. ლექსები თუ ჩანაცვლა კლასიკას, ეს დიდი დამსახურებაა ჩვენი პრესის, რადიოსი თუ ტელევიზიისა. ჩავთვალოთ, რომ ჯერჯერობით, დიდი ცივილიზაციის განაპირა პოზიციაზე ვართ. თუმცა ცივილიზაცია დიდად არ მხიბლავს, რადგან ცივილიზაციას კულტურა არაფრად უღირს და იგი ისეთივე უღმერთოა, როგორც გლობალიზაცია. ცივილიზაცია და კულტურა ერთი და იგივე არასდროს ყოფილა. ცივილიზაცია თავისი საბაზრო კანონებით კედელთან აყენებს კულტურას — ეს არის ფაქტი. ამიტომ პატარა ქვეყნების ხელისუფლებამ უნდა გააცნობიეროს, რა გააკეთოს კულტურის გადასარჩენად. ვიღაცებს ფულეები კი არ უნდა ურიგოს, არამედ ერთი-ორი შადრევანი ჩვენც უნდა გავგიკეთოთ. დღეს-დღეობით იგივე პარალელურად არ გამოდის არც ერთი ლიტერატურული ჟურნალი, რომელსაც კულტურის სამინისტრო პროექტის დონეზე მანაც ეხმარებოდეს.

— ხელისუფლებისთვის, დღეს, მწერლები საშიშროებას ნამდვილად არ წარმოადგენენ, რადგან ისინი პოლიტიკურ პროცესებში აქტიურად აღარ ერევიან. თუმცა უმეტესობას საკმაოდ აგრესიული პოზიცია აქვს და ესეც განაპირობებს მათ გაუცხოებას დღევანდელი პოლიტიკისგან. არავინ იცის, ქვეყანა ამით იგებს თუ აგებს, დღეს „თქმა სჯობს არათქმას“ თუ პირიქით, მაგრამ საინტერესოა — რას ფიქრობს ბატონი გივი ალხაიშვილი მწერლის როლზე ასეთ დაძაბულ ვითარებაში?

— 2003-ში მოხდა რევოლუცია, გიორგობის დღე იყო... ის, რომ შევარდნამე გადადგა და ეს ახალგაზრდები მოვიდნენ, ამის გამოველი მომხრე ვიყავი. პირველ არხზე პარკეტი და ვთქვი: მხარში დავუდგეთ მათ და ერთად მივხედოთ ქვეყანას-თქო. ეს იყო ჩვენი დამოკიდებულება. ეს აზრი დღემდე არ შემიცვლია. აქტიურ პოლიტიკაში არასოდეს ვყოფილვარ. იყვნენ მწერლები პარლამენტში და მათ თავი მოგვჭრეს, ზოგმა დსთ-ს მისცა ხმა... ჩემს სათქმელს კი ლექსში ვამბობ ხოლმე. მოკლედ, ასეა...



# ინიშნალოვანი თარიღები

13 ოქტომბერი რეკლამის დღეა. პირველი სარეკლამო საქმიანობა 1814 წელს აშშ-ში ვოლნი პაღმერმა დაიწყო. იგი საგაზეთო ფართის გაყიდვაში კომპანიებს 25% საკომისიოს ართმევდა. XIX საუკუნის ცნობილი სარეკლამო აგენტმა ჯორჯ პოულმა 1865 წელს ბოსტონში საკუთარი სარეკლამო სააგენტო დააარსა, 1869 წელს კი „როუელის ამერიკული საგაზეთო ცნობარი“ გამოსცა, რომელშიც 500-მდე ამერიკული და კანადური გაზეთის ტირაჟი იყო მითითებული, რაც იმ დროისთვის საკმაოდ რთულად მოსაპოვებელი მონაცემები გახლდათ. 1875 წელს კომპანია „ფრენსის უილენდ ეიერის“ მფლობელებმა ე.წ. „ლია კონტაქტის“ პრაქტიკა შემოიღეს: მათ დაადგინეს აგენტისთვის განკუთვნილი საკომისიოს რაოდენობა იმ თანხიდან, რომელსაც გამოცემული იღებდა.

1946 წლის 14 ოქტომბერს ლონდონში სამოქალაქო ინჟინერების ინსტიტუტის შენობაში სტანდარტიზაციის ნაციონალური ორგანიზაციების კონფერენცია გაიხსნა. მასში 25 ქვეყანა მონაწილეობდა. კონფერენციაზე სტანდარტიზაციის საერთაშორისო ორგანიზაციის იმჟამინდელმა პრეზიდენტმა ფარუქ სუნტერმა წამოაყენა წინადადება — 14 ოქტომბერი სტანდარტიზაციის მსოფლიო დღედ დაეკანონებინათ, რათა ხაზი გაესვათ მსოფლიო ეკონომიკის განვითარებაში სტანდარტიზაციის მნიშვნელობისთვის.

1922 წლის 17 ოქტომბერს გაეროს გენერალურმა ასამბლეამ სილარიუსის წინააღმდეგ ბრძოლის საერთაშორისო დღედ დაანება. 1996 წელს მსოფლიოს ქვეყნების ლიდერებმა საერთაშორისო სამრეწველო სამიტზე მიიღეს გადაწყვეტილება, ორჯერ შეემცირებინათ (2015 წლისთვის 800-დან 400 მილიონამდე) იმ ადამიანების რიცხვი, რომლებიც შიმშილით იხოცებიან.

1945 წელს, გაეროს წესდების ძალაში შესვლის შემდეგ, 24 ოქტომბერი გაერთიანებული ერების ორგანიზაციის საერთაშორისო დღედ დაკანონდა. ხოლო გენერალური ასამბლეის 1997 წლის რეკომენდაციით, გაეროს წევრი ყველა ქვეყნისთვის ეს დღე სახელმწიფო ზეიმად გამოცხადდა. გაეროში თავდაპირველად 51 ქვეყანა გაერთიანდა. დღეს მისი წევრი 191 ქვეყანაა.

- 24-დან 30 ოქტომბრამდე განიარაღების კვირეულია.
- 25 ოქტომბერი მშვიდობისთვის მებრძოლ ქალთა საერთაშორისო დღეა. ეს თარიღი, ქალთა საერთაშორისო ფედერაციის გადაწყვეტილებით, 1980 წლიდან აღინიშნება.
- 30 ოქტომბერი საავტომობილო ტრანსპორტის მუშაკთა დღეა. ცნობილია, რომ მსოფლიოში ავტომობილების რაოდენობა მოსახლეობის რაოდენობასთან შედარებით სამჯერ სწრაფად იზრდება.
- 30 ოქტომბერი პოლიტიკური რეპრესიების მსხვერპლთა ხსოვნის დღეა.

## პელოვის დღესასწაული და გობრას სულაღის დასაფრთხობა

„პელოვის“ (halloween) ერთერთი უძველესი და ფართოდ გავრცელებული დღესასწაულია, რომელსაც 31 ოქტომბერს კანადაში, დიდ ბრიტანეთში, ირლანდიაში, ესპანეთსა და ლათინურ ამერიკაში აღნიშნავენ. თანამედროვე პელოვის სხვადასხვა კულტურის, ადათ-წესებისა და ტრადიციების შერწყმის შედეგად ჩამოყალიბდა.



დაახლოებით 2 ათასი წლის წინ ძველი კელტები (თანამედროვე ირლანდიის, ინგლისისა და, ნაწილობრივ, საფრანგეთის ტერიტორიაზე მცხოვრები ხალხები) ზაფხულს ახალი წლის წინა ღამეს აცილებდნენ (ახალი წელი კელტებისთვის 1 ნოემბერს იწყებოდა). მათ მიაჩნდათ, რომ 31 ოქტომბრის ღამეს გარდაცვლილები დედამიწაზე ბრუნდებოდნენ ცოცხალი შთამომავლების საქმეების შესაფასებლად. ამ ღამეს ძველი კელტები ბოროტი სულების დასაფრთხობად გარეული ცხოველის ქურქით იმოსებოდნენ.

ქრისტიანობის გავრცელების შემდეგ არაერთი წარმართული დღესასწაული აიკრძალა. რომის პაპმა ბონიფაციუს IV-მ 1 ნოემბერი ყოველთა წმინდანთა დღედ გამოაცხადა და, მას შემდეგ, 1 ნოემბერს კათოლიკე წმინდანებისა და მონაშენების სულელებს იხსენიებდნენ. „პელოვის“ ტრადიციებით ამერიკამაც გაამდიდრა. 31 ოქტომბრის ღამეს საკარნავალო კოსტიუმებში გამოწყობილი ბავშვები კარდაკარ დადიან, მასპინძლები კი ბავშვებს უხვად ასაჩუქრებენ.

## სელოვის ნიშნების ეფექტურად განმეორის ახალი საშუალება



ღრუბლის 50 ნმ დიამეტრის ფორები მკვლევარებმა მიკროემულსით შეასესეს — ეს გახლდათ სურფაქტის მონაწილეებისგან შემდგარი ნაერთი (საპნისმაგვარი, ზედაპირულად აქტიური ნივთიერება), რომელიც გასანმენდი ობიექტის ზედაპირიდან ჭუჭყს შრეებზე აძრავს.

ღრუბლის 50 ნმ დიამეტრის ფორები მკვლევარებმა მიკროემულსით შეასესეს — ეს გახლდათ სურფაქტის მონაწილეებისგან შემდგარი ნაერთი (საპნისმაგვარი, ზედაპირულად აქტიური ნივთიერება), რომელიც გასანმენდი ობიექტის ზედაპირიდან ჭუჭყს შრეებზე აძრავს.

განმეორის ამგვარი მეთოდი მარტივი და იოლია: ზედაპირს რამდენიმე მილიმეტრ გელს ნაუსვამენ და 10 წუთიდან 1 საათამდე (დაბინძურების ხარისხის შესაბამისად) გააჩერებენ. ნარმოქმნება ფირფიტა, რომელსაც მაგნიტით მოაცილებენ.

გელის საფუძველზე დამზადებულ გამმენდ სისტემებს, მართალია, ადრეც იყენებდნენ, მაგრამ მათ ხშირად უარყოფით შედეგამდე მივყავდით — ნებუნების გამო ისინი აგრესიული გამმსხელების გარეშე ძველად სცილდებოდნენ გასანმენდ ზედაპირს, რაც ნიშნების დაზიანების მიზეზი ხდებოდა.

ბალიონის მეთოდებს მთელ მსოფლიოში იყენებენ. კოლეგებთან ერთად იგი სიენისა და ფლორენციის ტაძრებში აღორძინების პერიოდის ნახატების აღდგენაში მონაწილეობდა. რაც შეეხება ახალ — ნანოტექნოლოგიურ მეთოდს, მისი გამოცდა ძველებურ ფრესკებზე ნარმატებით დასრულდა.

მთავარი რედაქტორი ნინო კაკულია	რედაქციის წევრები: გია მაჩაბელი, ზაზა ფირალიშვილი, ვახტანგ გურული, ნინო ჩიხლაძე, ნოდარ ხალერი, თემურ ნადარეიშვილი
მთავარი სამცხალისტი მაია ტორაძე	
ტექნიკური რედაქტორი მანანა ჯურხაძე	
კომპიუტ. უზრუნველყოფა თამარ ქავჭავაძე	
	მისამართი: ილია ქავჭავაძის გამზ.1
	22 10 34



## კვირის პროდუქტაში შეზავალი ზოგბიერთი დანამატი ბავშვებში ჰიპერაქტიურობასა და ყურადღების დეფიციტს იწვევს

საუთჰემფთონის (დიდი ბრიტანეთი) უნივერსიტეტის მეცნიერებმა შეისწავლეს, თუ როგორი ზეგავლენა აქვს საბავშვო კვების პროდუქტებში შეზავალ დანამატებს 3-დან 8 წლამდე ასაკის ბავშვების ქცევაზე. შერჩეული 300 ბავშვიდან ნაწილს შესთავაზეს სასმელი, რომელიც სტანდარტული რაოდენობით საღებავსა და კონსერვანტებს შეიცავდა, ნაწილს კი — ისეთი სასმელი, რომელშიც საერთოდ არ იყო მსგავსი დანამატები. პირველ ჯგუფში ბავშვების ქცევა ჰიპერაქტიური გახდა, ანუ აღგზნებლობა ზოგიერთ შემთხვევაში იმდენად მაღალ დონეზე მიაღწია, რომ მედიკამენტებით ჩარევა გახდა საჭირო.

ლიანად გვიჩვენებს, რომ ხელოვნური დანამატები ADHD-ის განვითარებას უწყობს ხელს და უხვადაა ნაყინში, საკონდიტრო ნაწარმსა თუ სასმელებში, რომლებიც ბავშვების კვების რაციონიდან აუცილებლად უნდა ამოვიღოთ, — მიიჩნევენ კვლევის ხელმძღვანელი ჯოიმი სტივენსონი.

ექიმები ადასტურებენ, რომ საღებავებისა და კონსერვანტების შემცველი სასმელის დალევის შემდეგ, სასკოლო ასაკის ბავშვების 5%-10% ეგრეთოდებულ „ყურადღების დეფიციტის სინდრომს“ — ADHD (Attention deficit hyperactivity disorder) ავლენს. ამგვარი ფსიქიკური მოშლილობისთვის დამახასიათებელია ჰიპერაქტიურობა, იმპულსურობა, ცუდი ყოფაცქევა სკოლასა და სახლში. როგორც აღმოჩნდა, ბიჭები უფრო მეტად ექვემდებარებიან ADHD-ს, ვიდრე გოგონები. რაც შეეხება უფროსი ასაკის ბავშვების ქცევას, ნეგატიური ცვლილებები მათთანაც აღინიშნებოდა, თუმცა გამოხატვის ხარისხი ინდივიდუალური იყო.

კვლევის შედეგებს ბრიტანეთის კვების მრეწველობის საბჭოს წარმომადგენლებიც გაეცნენ. მათ განაცხადეს, რომ პროდუქტების შემადგენლობიდან ნებისმიერი საკვები საღებავის ამოღება შესაძლებელია, გარდა კონსერვანტისა Sodium benzoate E211. ამ დანამატის გაუქმება მწარმოებლებში სერიოზულ პრობლემებს გამოიწვევს. მიუხედავად ამისა, ბრიტანელი მშობლები კატეგორიულად მოითხოვენ, კვების მრეწველობამ საბავშვო სამზარეულოზე იზრუნოს.

## ბავშვებს თუ არა ძალადის სახლება

სტატისტიკურმა გამოკვლევებმა აჩვენა, რომ ამერიკელების მიერ ყოველწლიურად გადაყრილი მუყაოს ქაღალდებისგან ქვეყნის მთელ საზღვარზე 15 მეტრი სიმაღლის კედელი აშენდებოდა. ამის გამო ამერიკელებმა გადაწყვიტეს, ფართოდ გამოეყენებინათ მშენებლობაში „ქაღალდობეტი“ — პორტლანდცემენტისა და ქვიშის შენაერთი, რომელსაც დანაკუნებულ მაკულატურას უმატებენ. „ქაღალდობეტი“ გამოირჩევა სიმსუბუქით (მისი 50-80% ქაღალდია), იგი კარგი თბოიზოლატორია და სხვა სამშენებლო მასალებზე 20-30%-ით იაფი ჯდება.

- გთავაზობთ იმ საკვები დანამატების სიას, რომლებიც ხელს უწყობს ბავშვებში ADHD -ის განვითარებას:
- Sanset yellow E 110 – ყვითელი საღებავი;
  - Carmoisine E122 – წითელი საღებავი;
  - Tartrazine E102 – ახალი საღებავი შუშუნა სასმელებისთვის;
  - Ponceau 4R E124 – წითელი საღებავი;
  - Sodium benzoate E211 – კონსერვანტი;
  - Quinoline yellow E110 – ყვითელი საღებავი;
  - Allura red AC129 – წარწიწილი საღებავი.



## ციფრები და ფაქტები

- ინგლისელმა სტატისტიკოსებმა დაადგინეს, რომ ნობელის პრემიის ლაურეატები საშუალოდ 2 წლით მეტს ცხოვრობენ, ვიდრე ამ პრემიაზე ნომინირებული მათი კოლეგები, რომელთაც ეს პრემია ვერ მიიღეს. ოსკარის მფლობელი კინომსახიობების სიცოცხლის ხანგრძლივობა კი 3,6 წლით აღემატება ამ პრემიის ნომინანტებისა;
- მინესოტას უნივერსიტეტის (აშშ) მარკეტინგის პროფესორმა, ფსიქოლოგმა ჯოან მეიერს ლეიამ გააანალიზა სხვადასხვა სიმაღლის ჭერქვეშ მომუშავე ადამიანების აზროვნების თავისებურებანი. აღმოჩნდა, რომ დაბალჭერიან სამუშაო კაბინეტებში თანამშრომლები გაცილებით კონცენტრირებულნი, დაკვირვებულნი და აქტიურნი არიან, მაღალჭერიანი ოფისები კი ნოვატიური იდეების გენერირებას უწყობს ხელს;
- საფრანგეთის მეფე ლუდოვიკო XV-ს ჰყავდა მინისტრი, გვარად სილუეტი, რომლის შესახებ უამრავ პასკვილსა თუ ანეკდოტს თხზავდნენ. ერთხელ კარიკატურაზე ბატონი სილუეტი მისივე ჩრდილის სახით გამოხატეს, რის შემდეგაც კონტრულ ნახატებს სილუეტები დაერქვა. ფოტოგრაფიის გამოგონებამდე ამგვარი პორტრეტები ძალზე პოპულარული იყო;

- 700 ინგლისურ ოჯახში ჩატარებულმა გამოკვლევამ აჩვენა, რომ უფროს კლასელი ბავშვები, რომლებიც ტელევიზორთან ყოველდღე სამ საათზე მეტს ატარებენ, უფრო ხშირად ანებებენ სწავლას თავს (82%-ით მეტი მაჩვენებლით) ვიდრე ბავშვები, რომლებიც დღეში 1 საათის განმავლობაში უყურებენ ტელევიზორს;
- ერთი სამუშაო დღის მანძილზე მზექდავის თითები 20 კილომეტრიან გზას „გადაიან“;
- აშშ-ის მოსახლეობის მხოლოდ 55%-მა იცის, რომ მზე ვარსკვლავია;
- დაკარგული სატელევიზიო პულტების 6%-ს თურმე მაცივარში პოულობენ;
- ავსტრიელმა ბიოქიმიკოსებმა აღმოაჩინეს, რომ ადამიანის ოფში 373 მფრინავი შენაერთია, რომლებიც ჯამში თითოეული ჩვენთაგანის ინდივიდუალურ სუნს წარმოქმნის;
- მსოფლიოში ყველაზე დიდი აეროპორტი ჰარტსფილდი (აშშ) წელიწადში 73 000 000 მგზავრს მოსახურება.